

**IOANNIS
D'HOLLANDERI
BELGAE GANDENSIS
... DE NOBILITATE
LIBER PRODROMUS...**

Jan : d' Hollander, Denis Harduyn,
Giovanni Battista Coccini





Ex Bibliotheca
majori Coll. Rom.
Societ. Jesu

13. 4. 47.



43
43
P
46

14-31.2.25



IOANNIS
D'HOLLANDERI

BELGÆ GANDENSIS
PROTONOT. APOSTOL. AC
CANONICID. WALDETRVDIS.
MONTIBVS HANNONIÆ

DE NOBILITATE
LIBER PRODROMVS

Ex Schædis DIONYSI HARDVINI
collectus.

*Ad Illustrissimum & Excellentissimum
D.D. Ludovicum de Velasco Mar-
chionem de Belueder, &c.*



Ex Legato



John Cocchini



ANTVERPIÆ,


Apud GVLIELMVM A TONGRIS
Sub Signo Gryphi. Anno 1621.

CVM GRATIA ET PRIVILEGIO.

ILLVST^{mo} AC EXCELL^{mo} DOMINO
Domino
LVDOVICO DE VELASCO

Marchioni de Belueder, Equiti Ordinis S. Iacobi, Commendatori de Valencia del Ventosso, A Consiliis Bellicis Regi Catholico, & Equitum leuiss armatura in Belgica supremo Magistro

IOANNES D'HOLLANDER *felicitem.*

 VÆ potissimum causæ, Illustrissime ac Excellentissime Marchio, me impulerunt, vt hunc de Nobilitate Tractatum sub auspiciis Splendidiſſimi Nominis Tui publicæ lucis vsurâ donatum, omnibus legendum proponerẽ; prima à singularium beneficiorũ tuorum in me collatorũ multitudine proficiscitur. Altera ab eximia familiæ tuæ claritate, quæ in-

★ 2 ter

E P I S T O L A

ter Hispanicas, velut inter ignes Luna minores emicans, non per Hispanias ipsas modò, sed per vniuersam Europam illustres suæ dignitatis radios diffundit. Duplicem enim me ab hac inscriptione fructū percepturum planè confido; primus erit aliquod erga magna tuæ Excellentiæ mihi collata beneficia gratitudinis, meæ monumentum, cum non dubio obseruantix cultusque in te mei testimonio; Alter ex eo proueniet quod præfixis Nobilitatis tuæ titulis velut salutari Palladis scuto noster hic in describendâ Nobilitate labor, ab inuidorum calumniis & maligno dente, qui hoc præsertim sæculo nulli quantumuis accuratæ scriptioni parcere solet, defendetur. Humanitas Excellentiæ tuæ & multis iam pridem testata signis erga me animi tui beneuolentia hoc penitus mihi persuadere potuerunt, futurum vt noster hic conatus iucundus, acceptusq; tibi sit. Cæterum tamen si non essent aliæ inscriptionis causæ, particulatim me concernentes, vel unica illa sufficere poterat, ad te huic nostræ lucubrationi:

DEDICATORIA.

cubrationi defensorem tutoremque constituendum, quod inter omnes in hac nostra Belgica commorantes Heroes, Clarissimus emineas, & Augusto natalium splendore excellas: ut non alium merito patronum, præsidemque hic noster de Nobilitate Tractatus sibi potuerit vindicare. Quid Velasciorum nomine in Hispania illustrius? quæ familia per amplissima illarum Regionum regna, tantamque principum multitudinem antiquitate, affinitate, bellicis editis facinoribus, honoribusque seu togâ seu fago gestis, cum hac tua comparari potest? Annales Historiæque passim plenæ sunt, quæ stratagemata huic tuæ familiæ propria, præclaraque in Remp. Christianam merita recēsent. Quæ omnia si vel leuiter hîc attingere animus esset, magnam maximi voluminis molem possint adimplere. Fateor equidem in me non esse eam dicendi facultatem, quâ Velasciorum honores, & quâ mari terraque latè sparsa decora, licet id maximè in votis esset, possum percensere. Quis vnus Orationis ter-

*

3

minis

EPISTOLA

minis tot Illustrium virorū agmina circum-
 scribat? quis eorum in pace, in bello, in aula
 gestas dignitates enumeret? quibus conti-
 nuā quadam serie familiæ Velasciæ Heroes
 & Principes summā cum integritate & in
 Reges suos fide perfuncti sunt, ut eas per ma-
 nus à maioribus suis cum virtute transmissas
 hæreditario iure possedisse videantur. Si ve-
 rò spolia & de Religionis Patriæque hostibus
 partas victorias inspicimus, eas non vnius
 gentis, sed cuiusvis etiam populi gloriam re-
 rum gestarum magnitudine superasse, aut
 certè exæquasse dicemus. Inclyta prorsus &
 gloriosa memoria est, septem Laræ Regulo-
 rum, qui fidei Christianæ nobilissimæ vi-
 ctimæ parricidiali scelere prodiiti & Mauro-
 rum efferā multitudine tanquam indagine
 circumsepti, plusquam à sex sæculis Arauia-
 neos campos miserabili, at non inultā cæde
 consecrarunt. Non possumus profectò sa-
 tis honorificè meminisse aliorum in hac fa-
 milia Clārissimorum virorum, qui non ali-
 ter quàm cœlestis illa machina stellarum
 decora-

DEDICATORIA.

decoratur, fulgore ita egregiis præstantibus-
 que ausis Velasium nomē illustrarunt. Cui
 non nota eximia Rodorici Velaschi virtus^a,
 qui tot aduersis vulneribus olim ad Alarci
 mœnia perfoßus, non immemor uitæ for-
 titudinis deuotum Christo sanguinem &
 vnà animam profudit? Quis fortissimos vi-
 ros æternumque in annalibus omnium na-
 tionum victuros ignorat? Sanchium Rodri-
 guez, quis ex eo nepotem Sanchium San-
 chez^b? Quis eiusdem nominis pronepotem?
 Quis abnepotē Martinum Sanchez^c? Quis
 magnū belli decus, Sanchium Sanchez Ve-
 lascum^d; qui ad Heracleam munitissimam
 Maurorum urbem, quam nostri cinxerant,
 spiritum reddidit Christo destinatum? Quis
 Ferdinandum Sanchi filium^e qui illibatâ ac
 stabili in Regem fide maximis incrementis
 Regnum adauxit: Authoritate siquidem suâ

^a Era 1293.
 & fue Ma-
 jordomo
 mayor del
 Rey don
 Fernando.
^b Era 1281.
^c Caso con
 Doña Tere-
 sa de Car-
 rion hija de
 don Alonso
 Ruyz de
 Carriõ y fue
 Comenda-
 dor de Mõ-
 temolin de
 la Caualle-
 ria de Sant-
 Iago Era
 1350.
^d Estan Se-
 pultados en
 Santa Clara
 de Medina
 de pumar,
 que ellos fun-
 daron. El

* 4

&

reino de su sepultura es: *Aqui jaze Sancho Sanchez de Belasco Adelantado
 mayor de Castilla y justitia mayor del Rey y Doña Sãcha Carrillo su primera
 muger. Fue hijo Sancho Sanchez de Fernan Sanchez de Belasco qui jaze en
 Oña con sus mayores de tiempos antiguos. Murio en servicio de Dios y del Rey
 sobre Gibraltar. Era 1353. e Esta sepultado en el Monasterio de Santa
 Clara de Medina de pumar, diçe el letrero:*

EPISTOLA

Aqui iaxē Hernā Sanchez de Belasco hyo de Don Sancho Sanchez de Belasco Murio en servicio de Dios y del Rey sobre Algezira. Era 1385. F Camarero Mayor del Rey Don Iuan II. cōsta por el privilegio dado a Valpuzta año 1420. confirma en los privilegios de Valpuzta Era 1417. Año 1379. dize Pedro Hernandez de Belasco Vassallo del Rey Don Iuan II. Ga. no por ar-

& consilio liberam Alauæ prouinciam Regiæ ditioni adiecit, atque vt plura adijceret ad Algiziram inter Maurorum densissimas acies strenuissimè dimicans occubuit. A quo denique Petri Fernandei Velasci^f præclarissima quâ pace quâ bello parta decora, & melioris famæ æterna monumenta ignorantur? quæ ille Deus! non præstitit, seu forum, seu castra aspicimus? summum & inuiolatum ius asseruit, cùm suprema penes illum starent regni iudicia. Diuersa maria hostili sanguine imbuuit cùm Arragonum & Britannorum disiectam foedè classem totius Europæ Insulis allideret, Zamorram contra Regem suum arma mouentem armis subegit, Turdetani Regni limites editâ Mauro- rum incredibili strage nobilitauit; paternas virtutes suscepit, nec patre minus fouit filius Ioannes Velascus, cuius præclara quoque facinora in Annalibus tuæ Gentis commemorantur. Quid dignum fama Petri Fernandei

mas la villa de S. Vincente frontera de Nanarra. Hallofe en la sala de Granada y en la batalla de Olmedo en fauor de su Rey por cuyos servicios se le dio el Contado de Haro, y à Vilforado.

DEDICATORIA.

Fernandei Illustrissimi Haræ Comitis adferemus ^{8?} qui summâ religione, iustitiâ, fide, atque animi fortitudine inter Hispaniæ Proceres emicuit, atque Amplissimam Comitum stabuli dignitatem summo cum Reipub. bono gessit. Non attingam hîc, Illustrissime Marchio, titulos & honores quæ per omnem ætatem familiâ hanc peculiariter exornarunt; ex hac etenim plurimos exercituum Imperatores, Reipub. Moderatores: Maris Præfectos, Prouinciarum Præsides, Ordinum Militarium magistros, ac Aulæ summa decora sigillatim recensere huius nunc instituti ratio non faciliè permittit. Titulos nihilominus aliquos audiamus, Duces Friasios, Marchiones de Berlanga, Comites de Haro, Comites de Castelnouo, Comites de Siruela, Comites de Salazar, Dominos & Barones septem Infantiû de Lara, qui vt supra attigi, ardentis pro Christo ac patria mori cum consanguineis affinibusque suis prodigè effuso sanguine, tanquam verno quodam imbre adeo feliciter exsurgentem religionem

★★

gionem

g Conde de Haro Camarero mayor del Rey Don Henrique IIII. parece por la Historia de su tiempo año 1459. seruió mucho à los Reyes. Mostro su valor en la batalla de Olmedo contra el Infante Don Alonso. Goze de titulo de Condestable de Castilla. Seruió à los Reyes Catholicos contra Portugal. &c.

EPISTOLA

gionem irrigarunt , atque in Hispania ad tam firmum robur euexerunt , vt huc vsque ibi steterit immobilis , inter tot validas totoque orbe dispersas opinionum seditio- numque procellas ac tempestates ; Domi- nos de la Casa de Villalobes non comme- moro , vrbium item de Villapanda de Pe- draça de la Sierra. Illud profectò ad famam illustre est , per centum ac triginta plus mi- nus annos non interruptâ serie familiâ hanc Clarissimos Heroes subministrasse Cubicu- lis Regiis , atque inde nullo interuallo dedis- se Stabuli-Comites , primam in Hispania dignitatem. Non possum etiam sine piacu- lo omittere tuo merito , tuis partam sudori- bus , & vigilantîâ laudem singularem Vela- scis accedentem , ab Illustri Marchionatu de Belueder in Italia , quem quidem titulum , vt aliquam obsequiorum tuorum Austriacæ familiæ & Ecclesiæ Dei in Belgica impen- sorum mercedem habes , atque vt diu illum & feliciter cum augmento aliorum hono- rum habeas , Deum immortalem ex animis oro.

oro.

DEDICATORIA.

oro. Quid demum de Velasciorum affinitate honoratissimisque connubiis dicam? Quid optabilius? quid illustrius? quid magnificentius? quàm quod Velasci Heroes Hispaniæ Regibus filias suas collocarint, ut ex iis gignerent Reges, quàm quod Regum filias acceperint in legitimi thori cōsortium, ut ex iis gignerent Velascos? an non hoc ipso Velascum nomen regio non impar, Regum dumtaxat par esse Velasco Reges ipsi confitentur. Ex iis tu veluti Nobilissimus ab Illustriissima propagine surculus, & in quo præ reliquis gloriari possis, à Matre non minus quàm à patre Velascius Heros. Et quamquàm ad omnem generis tui splendorem toti orbi merito ostentandum, hoc abundè sufficere possit è Velasciorum antiquissima gente te descendere: insuper tamen eximiam familię illius claritatem ductâ in Belgio Nobilissimâ cōiuge adiectio veluti lumine illustrasti. Illa est quam Excellentię tuæ Deus diutissimè sospitare dignetur: Illa est inquam Domina Anna de Boussu ex illa stirpe

* * 2 oriunda,

EPISTOLA

oriunda, quæ non minus inter Belgicas eminet, quàm inter Hispanicas Velascia. Enimverò ante annos quadringētos quinquaginta, Theodoricus Elfatius Simonis Comitissæ Elfatix & Kyburgi, item Dominæ Basileæ Bauaræ filius duxit vxorē Gertrudē de Flandria, à quo descendit Simon Elfatius Theodoricæ Comitissæ Flandriæ frater, qui Margaretam vnicam hæredem de Hennin, Lietart vxorem cepit, quorum filius vnicus Balduinus Elfatius Dñs de Hennin, Lietart, & de Quincy retentis armis sui patris, relictoq; paterno cognomine cepit cognomē maternū de Hennin, Lietart, ducta coniuge Isabella Hannonia quæ pro portione suæ hereditatis, terram habuit & Dominium de Zeebouch, à quo venit Balduinus Dñs de Hennin, Lietart, Quinchy & de Zeebouch, qui vxorem duxit Machtildam Dominā de Fontaines, qui secutus exemplū ill^{re}. & laudabile Godofridi Buillonij vēdidit terram de Hennin, Lietart in sumptus profectōis Hierosolymitanæ sacriq; istic belli contra Barbaros & Christianæ.

DEDICATORIA.

Christianæ veritatis inimicos gerendi (quod
utinam à multis aliis factitetur!) ab illo venit
Ioannes D. de Bouffu & de Cuillers; quod
Dominiũ de Bouffu ab Auunculo Nicolao
Episc. Cameracensi anno 1272. dono accepit;
atq; ex hac vita excessit mense Octobri 1300.
Coniugemq; habuit Mariam filiam vnicam
Dñi de Blangies, eodem anno mense Nouẽ-
bri pariter defunctã, è quo matrimonio in-
ter alios natus est anno 1271. Balduinus di-
ctus Luscus, D. de Bouffu, Blangies, & Lãdil-
lers qui in prælio Cortracensi 1302. mēse Fe-
bruario occubuit, ductã coniuge Alexandri-
na du Roeux, quæ in quadragesima 1309.
extremum quoq; diem clausit, ab illis natus
est Ioannes dictus Crassus, qui duxit Ioannã
d'Onghiez, quibus sine liberis defunctis eo-
rum bona ad Ioannem cognatum Germa-
num Walteri & Ioannæ de Moy filium de-
uoluta sunt. Natus est ille Ioannes in Mar-
tio 1316. Dominus de Bouffu, Blangies, &
cæt. atque hac vita defunctus 5. Octobris
1379. vxoremq; habuit Dominam Ioannam

★★ 3. . . de

EPISTOLA

de Rochefort in Ardenna Comitibus Montif-
acuti filiam defunctam ipso Annuntiatae
Virginis Feste 1376. ab his inter alios prodiit
Walterus Dominus de Bouffu, Blangies, Ga-
meraiges, & c. in Iunio 1452. mortuus con-
iuge prius accepta Catharina de Bethune fi-
lia Ioannis Domini de Mareul, & c. à quibus
inter alios Petrus natus est in Bouffu ipso S.
Michaelis 1433. Dominus de Bouffu, atque
Aurei velleris Eques hac vita functus in Iu-
nio 1490. ducta coniuge Isabella de Lalaing,
Guilielmi Domini & Baronis de Lalaing ac
Bugnicourt filiâ, à quib. Philippus in Iunio
natus 1464. Dominus de Bouffu Catharinam
de Ligne, Domini de Barbançon filiam
uxorem habuit, ab his venit Ioannes cogno-
mēto Magnus qui natus fuit in Bouffu no-
na Augusti 1499. Eques Aurei velleris pri-
musq; Comes de Bouffu Dominus de Ga-
meraiges, Blangies, Winckez, Lampuissart,
d'Aussy, de Beuury, Chocques, & plurium
aliorum locorum. hic primus & Magnus
vulgò *Eſcuier* Caroli Quinti Imperatoris at-
que

DEDICATORIA.

que inter alia quæ summo cum honore laudeque gessit, Castrum de Bouffu ædificauit, quod inter Galliæ Belgicæ ædificia ruri posita meritò magnificentissimum possumus appellare. Ut verbo dicam, inter suæ ætatis fortes & generosos Equites, fortissimus generosissimusque est habitus; vxorem duxit Dominam Annam de Burgundia Adolphi Equitis Aurei velleris Domini de Beures de la Vere & Vlissinghes atque Archithalassi Belgici filiam natu maiorem, à quibus præter alios natus est Iacobus de Bouffu Baro d'Aussy verus & vnicus hæres Marchionatum de la Vere, & Vlissinghes, Dominus de Tornechem, vanden Agger, Brauwershaueu, Westcappelle, Domburch, & cæt. duxitque Dominam Mariam Baronissam de Liedekercke, Denderleeuwe, Vicecomitem Bruxellensem & Lombekæ, Dominam vulgò des Francises, de Maelstede, Cappelle, Vlakerschore, Lombeke, Ydeuoorde, & Nyle, Dominam Scultetam hereditariam de Assenede territoriique Assenedani; Item de

★ ★ 4

Lokerem,


EPISTOLA

Lokerem, Dackenam, Eluerseele & Waesmunster, & cæt. Pater Dominæ Annæ de Bouffu, quæ Maxemiliani Comitiss de Bouffu Baronis de Liedekerke, Denderleeuwe, & cæt. soror Excellentissimæ tuæ nupsit, quæ sororem natu maiorem habuit Mariam nuptam Ottoni Erico Dei Gratiâ Duci Brunsvicensi & Luneburgensi; Altera verò soror natu minor Iacoba maritum habuit Maxemilianum Baronem de Dieterstain fratrem natu maiorem, illius toto Orbe Famigeratissimi Cardinalis Dieterstain Germaniarum protectoris: Denique natu minima, Helena nupsit Inaco de Borgia filio secundo genito Excellentissimi Domini Francisci de Borgia y Centellas Ducis Gandiæ, Marchionis de Lombay & Comitiss de Oliua Grâdis Hispaniarum. Hæc breuiter perstringenda putavi, tametsi id pro dignitate & merito vtriusque familiæ à me factitatum non sit vt omnes, in quorum manus hic meus de Nobilitate Tractatus deueniet, intelligant me optimo iure nomen Excellentissimæ tuæ huic nostræ

DEDICATORIA.


nostræ paginæ præposuisse, eam obnixè rogans, vt qualecumque hoc meæ in te obseruantia argumentum fronte serenâ animoque beneuolo, vt ab homine tui tuorumque studiosissimo, & perpetuo Cliente profectum acceptare digneris. Deus Opt. Max. te Reip. Christianæ longum seruet incolumem. Gandaui Nonis Augusti.
M. D C. XX.

BENEVOLO



BENEVOLO LECTORI

S.

VM Patriæ nostræ , Beneuolē
Lector, id est, Flandricæ Nobi-
litis amantiſſimus ſim pariter
& obſeruantiffimus, adfectuq̃,
maximo deſiderem, intendam-
que quamprimum nobiles centum familias,
quæ in hoc Flandrico ſolo illuſtriores emicant,
in lucem publicam producere , omnes & ſin-
gulos præſtantioris Indolis genijq̃; viros hanc-
ce noſtram poſtulationem viſuros animitus ro-
go , vt propoſitum hoc conatuſque noſtros , ſi
quæ fortè habent , quæ promotioni huius ne-
gotij ſubſeruire poſſint monumentis ſcriptiſq̃;
authenticis penes ſe latentibus adiuuare non
dedignentur. Porro familiæ quas illuſtrare con-
tendimus,

tendimus, & sine ordine & prærogatiuâ hic nominamus, sunt hæc nimirum, *Vilain, Gaure, Liedekercke, Schorisse, Moerbeke, Gistele, Herselles, Stauele, Lichteruelde, Heule, Bailleul, Massemen, Halewijn, Maldeghem, Vāder-Gracht, Haueskercke, Baronage, Schouteete-Erpe, Claerhout, Tedeghem, Belle, Triest, Courtemile, la Barre, Rym, Eechaute-Anghereclis, Bette, Thienes, Vaernewijck, Sersanders, Damman, de Luu, Kethulle, Borluut, Uuytenhoue, Baenst, Steelandt, Tollenære, Hembiese*, aliæque his non inferiores. Vale beneuole Lector, & Studia nostra æqui, bonique consule.

*** 2 AD



A D
CLARISSIMVM VIRVM
IOANNEM D'HOLLANDERIVM
Protonot. Apostolicum, D. Vvaldetrudis
Montibus in Hannonia Canonicum,
DE NOBILITATE
scribentem.

Natura est ratio hac, mortalibus insita cunctis,
Ad laudem varius tendat ut illa modis:
Ad decora, ad clara sublimia nomina fama,
Sollicitus multâ prouit arte labor
Vix hominum in terris, ut quisquam uiuat, honorum
Qui non innatos sentiat igniculos.
At paucis liquet id, quo tramite vera paretur
Gloria, quo celsus Nobilitatis apex.
Sape etiam rectum, qui credit scandere collem,
Errât, & obliqua nititur vsque viâ:
Sape probrum, & maculas generi qui inspergit auiso
Luce nouâ magnos fulgere credit auos.
Vsque adeo densis velantur nostra tenebris,
Et tantum caca pectora noctis habent.

Nunc

*Nunc ut purpureo fugat horrida nubila vuln ,
Et latum puro sol vehit ore diem:
Monstratur doctis non denia semita curis ,
Atque micant rutila ad decora alta faces.
Has d' Hollander I præbet labor inclytus , ergo
Nobilibus titulus crescere quisquis amat ,
Sudori gratæ pio : nam pluribus olim ,
Hoc tibi præmetium sic placuisse videns ,
Ingenij donis , & culta munere lingua
Sæpe volet studius consuluisse tuis .*

Antonius Sanderus. C.

3

V. R.

V. R. IOANNI D'HOLLANDER.

D*Vm magnis animis, laudisque accensus amore*
Nobilitas que sit, quot veniatque modis
Hollanderus agit, maiores voluere Liſa,
Maiores genitor Liuia cæpit aquas.
Nec mora: discurrunt virides per compita Nympha,
Et cui properant texere ſerta ſuo.
Nobilitas hæc Ganda tua eſt. tibi Flandria debet
Magna parentis ciues, & tibi debet opes.
Nunc à te populi qui quondam iura petebant,
Iudicium vera Nobilitatis habent.

Daniel Heinfius. G.

APPROBATIO CENSORIS.

Liber hic *de Nobilitate* ex virtute & claris facinoribus petendâ, propagandâ, retinendâ, tam nil habet fidei orthodoxæ, ac bonis moribus contrarium, ut citra noxam imprimi posse censeam hac 14. Iunii 1620.

*Antonius Smets Canon. & Archipr.
Gandensis, Librorumq; Censor.*

SVMMA PRIVILEGII.

TIBI Gulielme à Tongris concedo facultatem imprimendi Tractatum meum, siue *de Nobilitate librum prodromum*; simulque tibi potestatem impertior prohibendi omnibus & singulis ex vigore priuilegij mihi à Serenissimis Belgarum Principibus in Concilio Brabantiae concessi vigesima Iunij anni praesentis, ne quis praeter voluntatem tuam aut tuorum infra decennium, eundem Librum imprimat, sub graui multa latius in literis desuper Bruxellae confectis memorata. Actum Gandaui Idibus Septembris 1620.

Signat.

A. Cools.

I

IOANNIS D'HOLLANDERI
DE NOBILITATE
DISSERTATIO.

DE Nobilitate Sermonem instituturi, Illustrissime Excellentissimeq; Marchio, cum Dialecticorum more partiemur. Ante omnia Nobilitatem definiemus, ut intelligatur, quid sit, de quo est disputatio; deinde quum Nobilitas, sicut humana omnia, sit bonum varium, & commutabile, & quibus modis, quibúve artibus, & virtutibus, id familiis lumen accedat, quibus contrá vitiis & maculis extingatur, aut deturpetur, plenè disseremus, Ismeniam tibicinem imitantes, qui discipulis suis non tantum bene, sed etiam malè canentes ostendebat, dicens, hoc modo canendum est, illo nequaquam; post hæc de Nobilitatis origine, & antiquitate dicemus, ab heroicis vsq; temporibus, & aureo sæculo omnem veterem memoriam repetentes. Postremò quæ non aliena à suscepto opere videbuntur, adiiciam; de armis (vti vocant) gentilitiis, eorum inuétione ac vsu; disputationem item de coloribus, quorum in armis
A vsus.

vsus est , & de eorum natura ac significatione.
 Quæ equidem omnia præmittenda duximus, ne
 inciuiliter ac indecorè , illotisque (quod aiunt)
 manibus omisso procæmio ad tam infinitum he-
 roum chorum accessisse videremur . Nam & Pla-
 to princeps ingenij & doctrinæ (vt eum vocat M.
 Cicero) quibuscumque etiam libellis exordia, & qua-
 si præludia , quæ vtilem ad rem dicendam tra-
 ctationem haberent, præponenda esse censuit. Por-
 rò nobilitatis non vna, sed varia & multiplex est
 significatio : patet enim hoc nomen latissimè. Sed
 tantum usurpabitur à nobis vt generis claritatem
 denotet, id est, Nobilitatem, quam vulgò politi-
 cam siue ciuilem nuncupamus ; de aliis nobilitatis
 speciebus non decreuimus hîc disputare ; de iis
 enim oppidò satis disseruere Christianorû Theo-
 logi, ac ethnicorum Philosophi . Est autem No-
 bilitas, de qua agimus, virtutis præstantia, in ali-
 qua gente seu familia constituta (vel si maior) ge-
 neris splendor, in quo frequenter magnæ virtutes
 & clarissimi homines enituerunt. Verum quia non
 omnem virtutem gloriæ splendor ille eximius, qui
 Nobilitatem parit cōcomitatur : hæc mihi defini-
 tio coarctanda & restringenda videtur. Non enim
 Philosophi, quantumuis excellentibus polleant vir-
 tutibus, in umbriferis Academiis ab hominum se-
 iuncti

Nobilitas
 quid ?

iuncti societatibus delitescentes hoc Nobilitatis decus, & splendidam gloriam sibi acquirunt; sicut nec Druidæ apud Gallos, aut apud Indos Gymnosophistæ nobiles habiti fuere: quod nimirum sibi potissimum placentes, feruientesque, nihil commoditatis fructusve ad communem mortaliū vitam ferrent. Nulla denique vllō vnquam tempore familia nobilis habitata fuit, quod in ea nati essent quā plurimi corporum cœlestium, Terræ dimensionum aut Matheseos peritissimi; inuentæ quidem fuere multæ inter Græcos familiæ, quæ contemplatione delectatæ sunt, multaque ad cognitionem rerum abstrusarū & admirabilium pertinentia conscribere, nec ideo tamen inter nobiles aut patritias recensitæ, quod virtutes illæ ad paucorum vtilitatem pertinerent; Inuentæ sunt inter eosdem alię familię factis illustres, quæ postpositā priuatā commoditate & voluptate animi, id est, contemplatione, totam vitam in claris actionibus magno suę Reipub. bono consumpsere; hæc sibi decus Nobilitatis pepererunt. Eā igitur virtute familiam dicimus nobilitari, quæ otio & secretis recessibus inimicam se exhibet, ad humanam communionem, siue hominum genus beneficiis afficiendum, excolendum, conseruandum, deque eo quā præclarissimè merendum. Præcipuè

autem de patria. Nam quum omnia (vt ait Marcus Tullius) ratione animoq; lustraueris omnium societatum, nulla est gratior, nulla charior, quàm ea quæ cum Repub. est. Vnicuique nostrum chari sunt parentes, chari liberi, propinqui, familiares, sed omnes omnium charitates patria vna complexa est. Hanc igitur (quam amare natura cogitur) beneficiis quàm arctissimè astringet, qui ad Nobilitatē aspirat, tum quos memorauimus alios, post totam humanam cognationem & communionem: Porro hæc ferè sunt virtutes quibus latissimè amplissimeque in commune prodesse possumus, iustitiæ & æquabilitatis cultus, & obseruantia, rerum bello gerendarum ardens desiderium; quibus adde, Iuris ciuilis disciplinam ac dicendi artis maiestatem, & si quæ sunt alia huius generis quæ ad Rempublicam benè tuendam maximè conducunt, & in ciuitate dominantur, de quibus particulatim mox sermocinabimur; Ex superiore Nobilitatis definitione colligimus, virtutem non tantum moribus, educatione, doctrinâ, studio, sed etiam naturâ, genere, & indole contineri; quod eò minus admirabile videri debet, quò in animantibus mutis & brutis, & plantis, idem obseruare est. Videmus enim quasdam aues etiam eiusdem speciei nobiles, alias ignobiles vulgò vocari; sic falconum quidam gen-

Quibus nobilitas paratur.

gentiles, id est, generosi & nobiles, quidam peregrini, hoc est, ignobiles, nuncupantur: (vt noster tradit Bartholus in tractatu de falcone.) Et quanti interesse putas, è quali arbore surculus defringatur, aut fructus colligatur, quum vox sit diuina, Non potest arbor mala bonos fructus facere, neq; arbor bona malos fructus facere; Et quanti refert è quali genere sit canis susceptus, aut equus generatus; Matth. 7.
Luc. 6.

- " *Fortes (inquit Lyricus Poëta) creantur fortibus
& bonis*
- " *Est in iuuenis est in equis patrum*
- " *Virtus. Nec imbellem feroces*
- " *Progenerant aquila columbam.*

Quum igitur hæc tanta vis sit naturæ, vt res mutas, belluas rationis expertes frutice complectatur: certè in homine cæterorum animantium principe, multo efficaciorum esse, phas est estimare. Quæ equidem ratio potissimum mouit Athenientes, Lacedæmones, & Thebanos opinione sapientia celebres, vt ob retinendam, scilicet indolis & generis nobilitatem, vel nullos, vel raros in ius ciuitatis admitterent: vt interim taceam morem pellendi hospites, qui si promiscuè in ciuitatem recepti fuissent, Seminaria illa tantarum rerum pu-

blicarum ignobili suâ, & ignauâ indole, ac peregrino ingenio & naturâ, facillè corrumpere potuissent, ac labefactare. Miranda profecto est hæc stirpium nobiliorum energia, quæ tam incredibiles operationes & effectus producit. Id enim fermè videmus vt qui excelsò loco, & illustribus sunt ori genitoribus, ad eas virtutes studiosè contendunt, quibus maiores eorum laudem sunt consecuti: sic intelleximus gloriâ parentum, domesticâ virtutis indole ac genio familiari, olim Camillos, Fabios, Scipiones, Æmilios, ad bene de Repub. Romanorum merendum excitatos; proinde & Æneas apud Virgilium Ascanium filium suum ad virtutem incitat his verbis,

Ovidius. Sæpe tibi pater est, sæpe legendus ausus.

Disce puer virtutem ex me verumq; laborem, „

Tu facito, mox cum matura adoleuerit ætas: „

Sis memor, & te animo repetentem exempla „
tuorum

Et pater Æneas, & auunculus excitet Hector. „

Collocabant clarorum virorum statuas in foro pro rostris, pro deorum templis, præsci illi Romani rerum pulchrè gestarum inscriptionibus in basi adpictis, quibus inspectis lucentis æmulatione gloriæ excitaretur, nullumque laborem, aut discrimen pro salute patriæ subire recusaret. Mouent
certè

certe homines simulachra, imagines triumphiq;
maiorum, sed nihil est quod æquè excitet atq; na-
turalis illa & domestica virtutis indoles. Virtutem
igitur naturâ cōtineri demonstratum arbitramur,
quod tamen ita accipi volumus vt, quemadmo-
dum agros fertiles non per se, sed segetis spe com-
mendamus: sic familiam aliquam in pretio habem-
us, quod fecundam virtutis segetem sæpissimè
proferat. Quadrariam diuisit Nobilitatem Pla-
to; Primam dicens eorum esse, qui claris, bonis,
iustisq; parentibus sunt prognati: Secundam, quo-
rum parentes aliquādo Principes extitere: Tertiam,
quorum maiores famâ, & rebus bello gestis, vel
publicis certaminibus, partâ coronâ, claruerunt:
Quartam eorum, qui præclarâ aliquâ doctrinâ &
animi magnitudine excellunt; Doctos autem, vt
verè nobiles cæteris omnibus Philosophus ante-
ponit: Ego autem, vt ex superiori Nobilitatis de-
finitione liquet, Platonem in hoc minimè sequor;
cum tamen inter nobiles omnium nobilissimum
iudico, qui circulum istum suis numeris absolue-
rit: Porro suprâ inter eas virtutes quas diximus re-
cte ad Nobilitatem ducere, primo loco Iustitiam
memorauimus, quam dixere Philosophi esse æ-
quabilitatem vnicuiq; quod suum est reddentem,
pertinentemq; maximè ad societatem hominum

Nobilitatis
diuisio.

Iustitia.

inter se conferuandam: hæc in æquitatem & beneficentiam, vel liberalitatem diuiditur; De prima nunc, de altera paulò inferius, disputabimus. Iusti igitur in Rempub. honestè viuunt, alterum non lædunt, neque hæc tantum exactissimè præstant, sed iniurias aliis illatas vindicant, potentes cum tenuioribus pari iure retinent, miseros & supplices in suam fidem recipiunt, studentque enixè extinguendis latronibus, furibus, & huiuscemodi portentis, quæ ciuitatis libertatem & pacem perturbant. Ab hac igitur virtute Regia primùm orta potestas, hinc Optimates & Principes extitere, hinc prima Nobilitatis principia nata sunt, neque vllum omnino genus Nobilitatis antiquius aut præstantius hisce Regibus, qui primi se virtute præstantissimâ ad ciuilem statum, & hominum salutem accommodarunt. Nam primis illis infantis mundi cunabulis, cum genus mortalium in syluis viueret, & montium cauernis, nullam coleret religionem, nullum humanitatis studium, omnia vis, ac præceps & inconsultus animi impetus administraret, cum viueretur ex rapto, & impotentiores à potentioribus affligerentur, omnes qui iniuriam acceperunt, confugiebant, seseque dedebant in clientelam alicuius egregij viri, in quo præceteris lumen æquitatis & iustitiæ elucere videretur;

Vide Iustinū
historicum in
princip. hist.
fuz.
Vnde orta
Nobilitas.

tur; hi cū miseris in præsidium suum & tutelam recepissent, eueniebat, vt omnes qui otium & securitatem amarent, omnem spem in eius virtute & imperio constituerent, quem animaduertebant esse quàm iustissimum. A iustitiæ igitur fonte Principes & Reges originem duxere, non sanè apud Medos tantum, sed etiam omnium hominum nationes, vt rectissimè dixit Pater Historiæ Herodotus. Hac arte ad Imperij fastigium peruenere, Pittacus Mytilineus ex septem Græcis sapientibus, Numa Pompilius apud Romanos, tot Cōsules ad consulatum, vt omittamus sexcentos alios, qui hac viâ apud diuersos populos Imperij fasces consecuti sunt. Camillus Dictator Romanus remisso pædagogo virgis ab eisdem pueris cæso, quos secum transfuga in hostium castra adduxerat; Faliscos, quos vi non poterat, Iustitiâ & clementiâ in deditionem accepit. Ex superioribus itaque rectè inferemus, Nobilitati nobilibusque hominibus, tam conuenire, quàm quod maxime, regere imperio populos; humilium autem esse regi ac subiici; quod nihilominus frequenter in dubium reuocatum esse cognouimus; Non æquum enim multis visum est, quum omnes nos natura liberos creauerit, hos non posse suo arbitratu ac modo viuere, sed Nobiliū debere voluntati

B. parere

parere & arbitrio; Verùm homines nobiles non solum ad imperandum natos, sed etiam plebem ipsam tum demum pace firmissimoque praesidio muniri, cum ad Reipublicae clauum sedent nobiles & illustres viri, multae res docent. Nobilitas sane gloriae cupiditate accensa, odit sordes, auaritiam, & omnem turpitudinem, libentissimeque pro Repub. magnas res suscipit, ad omnia mala, & diras calamitates precauendum summam adhibet diligentiam, neminem laedit, unicuique ius suum tribuit, & aequissimam trutinam largitur, malis moratos moribus plectit, & e medio tollit, ne diutius Rempub. laedant, bonos praemiis alit, & honorib. dignitates & magistratus maxima & pulcherrima virtutis praemia bene merentibus praestat. Obscura verò & abiecta plebecula cum nullum sentiat gloriae aculeum, summo opere, lucra turpissima, ac omne genus flagitia, consecratur, & ad Remp. re aut consilio iuandam, ignaua, iners, mollis est, & languida; Sic audiuius olim Athenas, Spartam, Romam, (quae ciuitates omnium opinione praestantissimae sunt existimate) à Principibus, & Nobilib. viris conditas, constitutas, & conseruatas, easdem simul atque à multitudine regerentur, vexatas, direptas, & adeo earum statum labefactatum, ut esse prorsus nullus videretur. Quo igitur Reip. forma à plebis potestate popularive

pularive arbitrio ac Democratica regiminis ratione magis est separata, tantò sanè est stabiliior, & sibi còstantior. Hinc illud est, quod non ad quamvis occasionem, imò difficillimè conuellantur aut pessum eant Aristocratia; Regna verò & Monarchia, ferè sunt sempiternæ. Secundum iustitiam compendio ad hunc Nobilitatis splendore dueit animi celsitudo, quam Magnanimitatē vocamus, quā fit, vt mortis, aut violentorum casuum terrore minimè horrescamus, dum pro conciuu salute vitam effundere detur. In bellis gerēdis hæc virtus maximè perficitur, præcipuè verò si pro patriæ còmodo, libertate, aut incolumitate certetur, pro qua nullus nobili mēte præditus, nullus bonus vnquā mortem oppetere (si ei sit profuturus) nullus vel vitæ discrimine, opibus, dignitate, latifandiis, agris, honestis vectigalibus, & Imperio eam augere dubitauit. Qua ex re Curiij, Fabritij, Catones, magnā olim gloriam sunt consecuti, quantā laude dignū censebimus Brutum optimū ciuem, primum Cōsulē post eiectos Reges, qui neq; filiis in cōiuratione deprehensis, neq; sibi ipsi pepercit, cū patriæ libertatis vindicādī studio collatis hastis cum Arno Tarquinij superbi filio cōgressus est; cecidēre certè ambo, mutuò inflictiis plagis, sed diuersā nominis famā. Laudatur Brutus, vt præclare de patria

Magnanimitas.

meritus, Aruns, ut flagiticus parricida improbatur. Deciorum nota est historia, quorum alter bello Gallico, alter bello Latino pro patriæ incolumitate sese deuouit, Codri Atheniensium Regis exemplo: iniecit se in lacum Curtius armatus, nobilissimus adolescens, equo calcaribus in voragine adacto; intellexerat enim Vatum oraculis hiatum terre coire non posse, nisi eam re iniecerat, quam populus Romanus plurimum valeret. Plena est huiusmodi exemplis Romanorum historia. Quo detestabilior est eorum immanitas, qui omni sceleris genere patriam diuexant, & posthabitis concuiuium commodis & salute, auaritiæ & voluptatis gratiam, ab ea extorquent quicquid in mentem venit. Potuitne vox ulla sceleratior audiri quam illa Catilinæ, qui dicente Cicerone incendium ab eo excitatum; Sentio, inquit, & illud quidem si aquam non potero, ruinam saltem extinguam; patriæ excidium minatus. Sed hunc idem exitus perdidit, ac merito profecto qui L. Saturnium, Sp. Melium, duos Gracchos, tyrannidem ad exitium patriæ affectantes. Quanto laudabilior Themistocles, qui ne patriæ bellum inferret, instante Xerxe Persarum Rege, instituto sacrificio pateram exceptum tauri sanguinem hausit, & hoc modo mori maluit, quam patriæ aliqua ex parte incommodare. Hoc idem si Corio-

lano

lano, Mario, Cinna, Carboni propositum fuisset, ante illatum patriæ bellum, gloriam certè multis partam laboribus, non vnà cum vita turpissimè amisissent; hostes enim patriæ iudicati, in cuius sinu educati fuerunt, suorum scelerum pœnas dedere. Qui igitur gloriâ accensi nobiles euadere studuerunt, in rei bellicæ studiū præcipuè operam locarunt suam: cui certè studio plurimum honoris apud omnes penè populos semper tributū fuit. Hinc illa apud Romanos trophæa, ouationes, triumphi, arcus triumphales, statuae, coronæ militares, triumphales, obsidionales, ciuicæ, murales, castrenses, vallares nauales, laudationes tum in vita tum in morte; adde etiam historiam, poësim, & musicam, quâ in conuiujs ad cytharam heroum præclaræ res & facta canebantur. Contrà, ignauix atque formidini permulta probra fuerunt & Romanorū & aliarum Nationum legibus constituta. Apud Macedones obseruabatur, vt qui nullum in acie hostem interemisset, capistro publicè cingeretur: Amazones non nubebant, nisi prius hostem in prælio cecidissent: Apud Scythas denique, nemini licitum erat in sacris epulis circumlatum poculum accipere, qui nullum in militia virtutis suæ specimen dedisset. Scriptū reliquit Marcus Tullius in oratione quæ extat

pro Murena: duas artes esse quæ locare possunt hominem in amplissimo dignitatis gradu, quarum alteram Imperatoris dicit esse, id est, præfecti exercitus siue ductoris copiarum, quem Romani Imperatorem vocabant, quo allusisse videtur Horatius,

Lib. Serm.
Satyr. VI.

*Nec quod avus tibi maternus fuit atq; paternus
Olim qui magnis legionibus imperitarint,
Ut plerique solent naso suspendis adunco
Ignotos ut me libertino patre natum.*

Remansit in hodiernum usque diem apud Italos vetus illud verbum, duo esse, unde Nobilitas nascatur, Armorum scilicet & litterarum studia, quod ad excitandos commilitones suos frequenter in ore habebat Ioannes Iacobus Triultius patritius Mediolanensis, Vigleuam & summus copiarum Francisci primi Francorum Regis ductor, eximia vir fortitudine, & multis inclutus victoriis, solebatque inculcare militiam egregie nobilitare, usque adeo ut quisquis militis cingulo cinctus esset, idem

In l. 1. col. vi. vers. examinamus ista verba, & iterum col. ix. versiculo 4. insertur. C. de dign. lib. xii.

esset continuò nobilis; quam sententiam nonnulli iuris nostri auctores sequuti sunt, & Perusij in Hetruria id observari scripsit Bartholus, militiam certè multum ad Nobilitatem instrumenti secum ferre, declarat qui Romæ sub templo Concordiæ

cordiæ inuentus fuit Cippus cum huiusmodi In-
scriptione,

FL. Stilichoni V.C.

Flauio Stilichoni Illustrissimo viro magistro equi-
tum peditumque Comiti domesticorum, Tribuno
prætoriano & ab ineunte ætate per gradus clarif-
simæ militiæ ad columen gloriæ sempiternæ eu. re-
giæ adfinitatis, euecto progenero Diui Theodosi
Comiti Diui Theodosi Augusti in omnibus bellis
atque victoriis & ab eo in adfinitatem regiam co-
optato, itemq; Socero D. N. honori Augusti Aphri-
ca consiliis eius ex prouisione liberata ex S. C.

” Audiamus si placet C. Marium apud Salustium in
” bello Iugurthino orantem : Non possum, inquit,
” imagines neque triumphos, aut consulatus Ma-
” iorum meorum ostentare ; At si res postulet, ha-
” stas, vexillum, phaleras, alia militaria dona, præ-
” terea cicatrices aduerso corpore; hæ sunt meæ ima-
” gines, hæc mea Nobilitas non hæreditate relicta,
” sed quam ego plurimis meis laborib. & periculis
” quæsiui, non sunt composita verba mea, parui id
” facio, ipsa virtus satis se ostendit, illis artificio o-
” pus est, ut turpia facta oratione tegant, neque litte-
” ras Græcas didici, parum placebat eas discere,
” quippe quæ ad virtutem doctoribus nihil pro-
” fuerunt. At illa multo optima Reip. doctus sum

B 4 hostem

hostem ferire, praesidia agitare, nihil metuere nisi " turpem famam, hiemem & aestatem iuxta pati, " humi requiescere, eodem tempore inopiam & " laborem, tolerare. Hic certè municeps Arpinas " quum esset humili & obscuro loco natus, nullâ maiorum commendatione, amplissimos honores est adeptus: hac scilicet solâ arte militiæ, sicut liquidò patet ex honestissimo vetere epigrammate in libro urbis antiquæ quod res eius gestas indicat in hunc modum:

C. Marius Cos. VII. Pr. Tr. Pl. Q. Augur Tr. Mil. extra sortem bellum cum Iugurtha Rege Numid. vel procos. gessit, eum cepit & triumphalis in lovis Ædem secundo consulatu ante currum suum duci iussit. III. consul absens creatus est. IIII. Cos. Teutonorum exercitum deleuit. V. consul Cimbros fugauit, ex eis & Teutonis iterum triumphauit: Rempub. turbatam seditionibus & Tr. Pl. & prætor. qui armati capitolium occupauerant. VI. Cos. vindicauit post LXX. annum patria per arma ciuilia pulsus, armis restitutus VII. Cos. factus est, de manubiis Cimbricis & Teutonicis Ædem Honori & Virtuti victor fecit, veste triumphali calceis puniceis aliàs patriciis.

Eadem via insistentes, ad Imperatorium decus, & Augustalem maiestatem perueniêre (vt taceam

ceam tot Consules, tot Dictatores, equitumque magistros, amplissimos illos magistratus sic etiam consecutos) Iulius Cæsar Pescenninus niger, Opilius, Macrinus, Maximus Papienus, illiusque in Imperio consors Balbinus, Philippus Arabs, Aurelianus, Probus, Diocletianus, Licinius, Maximianus, Valentinianus, qui omnes cum aliis plerisque, obscuris quidem natalibus, sed arte bellicâ clari, Augusti facti sunt. Dies me defecerit si exterorum, & barbarorum Regum nomina recensuero qui quo supradixi modo sceptrâ obtinuerunt apud suos, aut finitimos, aut etiam longinquos populos; Non videntur tamen mihi citra contumeliam hoc loco, silentio præteriri posse: qui Atauorum nostrorum memoria in Italia ex humili fortuna clarissimum & nobilissimum nomen, ac ditiones bellicâ laude sibi vendicarunt; hi sunt, Sfortia, ille cui à rerum gestarum magnitudine Magno nomen fuit: Braccius Montonius, Nicolaus Picminius, Franciscus Carmagnola, Tartalia, Blasius Axaretius, Castratius Castracanus, & qui superioribus annis vno tempore parua manu nullius suffultus præsidio Rhetis, Helueticis, bellicosissimis populis, & Iusubriæ Regulo Francisco fortissimè restitit, Ioannes Iacobus Medicæus Mediolansis, post rem benè gestam & belli Catastrophen,

C

phen, Marchio factus Melignani ad Lambrum. At nusquam magis obuia sunt huiusmodi exempla quàm in Imperio Turchorum, quod latissimum est & augustissimum, vbi maximus est militibus honos, maximeque nobiles existimantur, qui stipendia ex militia à principe accipiunt, & ij sapissimè ex ignotissimis & obscurissimis, si fortes viri sunt, ad summa honorum fastigia etiam repentinè euadunt, & inter purpuratos Bassas gloriâ coruscantes eximiâ & Nobilium virorum longè nobilissimos atque adeò (si sic loqui possumus) protonobilissimos collocantur. Superiori certè ætate, Orucius, & eius germanus Ariadenus Ænobarbus, Nali Barbarossam vocant, in Mytilene insula ex Cycladibus Ægei maris infimo loco nati, patre Græco, sed Mahumetana lepra infecto, matre verò Iudæa, inopes & priuati, sed excelsò animo milites, Pyriticâ aliquamdiu exercuère, & benigno Marte ac Neptuno vnam atque alteram triremem deprædati, facile plurium possessionem latrocinio sunt consecuti; quarum postea præsidio animum à Pyritica ad istam militiam conuertentes, gloriosissimas expeditiones fecêre, neque eximia eorum virtus quæ omnia Regno inferiora nihili duceret, potuit conquiescere donec sibi Algeriæ regni diademata

c Bellonus libro 2. obser.
Paulus Louius & alij.

dema peperisset ; Ariadenus insuper tribus Bassis quartus fuit additus , & vniuersi maris Mediterranei (quaquà patet Sulthani ditio) & Euxini Architalassus creatus, cum inaudita potestate & Imperio. Nunc tertia sese offert via, quam supra indicauimus plurimum instrumenti adferre ad familiæ splendorem , iuris ciuilis Romanorum prudentia, quæ apud Romanos & alias nationes , quæ paulò humaniores essent, semper summo in honore habita fuit, eamque Romæ ante confusionem temporum (vt inquit Cicero) in possessione sua Principes retinuerunt. Consilio enim Rempublicam & conciuēs iuuare, atque hoc scientiæ genere prodesse quàm plurimis vehementer & ad opes augendas, & ad gratiam populi & Principum promerendam , & Nobilitatem quærendam pertinet. Reliquæ artes meherclè ferè egent, & possessores suos ob paupertatem & ignobilitatem propè ridiculos faciunt. Nuda & sola incedit (vt inquit in Odis Petrarcha) Philosophia, à vulgo ludibrio habita, Poëtarum studium etiam inane videtur. Nam nec huius artis pater Mæonides vllas ipse reliquit opes. Medicina quanquam proficua & humano generi perquam necessaria, facultas seruilis tamen olim habita, nec magnas opes, nec

Iurisprudentia.

Nobilitatem ; suo alumno dare à multis censetur. At iuris prudentiæ summus splendor, summa semper utilitas fuit, iam inde ab antiquissimis temporibus ; quâ etiam multi Romanorum Imperatores Augusti gloriam suam auxere, Augustus enim cum excelleret ciuili sapientia in quæstionibus, iuris quàm multa de sua propria: Item Trebatij, Tuberonis, Labconis & Capitonis suntentiis, constituit ; qui etiam Iurisconsulti sæpè Augusto celsere, sed & Labconi etiam liberè aduersanti, sæpè celsit Augustus. Verùm vt sunt morosi interdum etiam lenes & moderati Principes, Augustus, & si non læsit Labconem, tamen offendi se eius libertate significauit, ideoque Capitoni minori natu Consulatum dedit. Retinuerunt Augusti morem, & post eum Principes multi, nec sine Iurisconsultis, in rebus politicis ferè quicquam faciebant. Tiberio Imp. Aug. adfuere Nerua & Cassius, Cassius Vespasiano, Trajano & Adriano Celsus, & plerique alij, postea Pius & Marcus Antonini, multò etiam frequentiore Iurisconsultorum numerum sibi adesse voluere. Alexander Seuerus (cuius plurimæ extant in Codice Constitutiones) nihil decernebat nisi viginti Iurisconsultis in consilium adhibitis; cum igitur illi Clarissimi viri artem effecerint, & omnia accur-

a. Neratium
Priscum I. C.
laudatissimus
Imperator
Trajanus &
Iurisconsultis-
simus, tam
charum ha-
buit, vt suc-
cessorem Im-
perij Romani
relinquere in
animo habe-
ret.

ratè

ratè complexi sint, quæ ad tuendam societatem humanam spectant, rerum diuisiones, acquirendi modos, contractuum & successionum iura, obligationes, actiones, & criminum pœnas; quare eos & eorum similes Nobilium nomine non dignabimur? Nobilitat igitur Iurisprudentia sicut Doctores nostri multis operum suorum locis disertè significarunt, ^d & Iurisconsulti veteres, Vlpianum Nobilem, & nobilissimum appellarunt; quamuis non ignorem, esse nonnullos qui tribuant hoc Nobilitati generis. Sed audiamus Spartianum in Iuliano Imperatore; Didio (inquit) Iuliano qui post Pertinacem Imperium adeptus est, proauus fuit Saluius Iulianus bis Consul, Præfectus vrbi, & Iurisconsultus, quod magis eum Nobilem fecit. Libet hîc adscribere Salyceti nostri testimonium, aliorum præclari nominis Iurisconsultorum doctrina firmatum. Ait ille: si Illustris quæpiam Domina Titulo Comitis insignita nubat iuris Doctori, eam indigno nupsisse dici minimè posse; sic etiam magnarum curiarum siue Parlamentorum Assesores seu Consiliarij, exemplo Senatorum Romanorum, quibus clarissimatus dignitas conferebatur, Nobiles censentur: quod & in Curia Parisiensi iudicatum fuerunt anno 1546. die 27: idq; extensum ad Ad-

^d Cynus in f. Prouidendum C. de postulando. Bart. & Luc. de Penna in l. Iudices C. de dignit. lib. xij. Baldus in l. Neminus C. de Aduoc. diuers. iud.

^e d. l. Prohibendum.

C 3

uocatum.



uocatum & Procuratorem fisci, quod & ipsi clarissimi nuncupentur; ^f item ad Doctores postulantes in dicta Curia nobiliter tamen, vt aiunt, viuentes. & Cæterum Iurisconsultum hîc interpretor, qui Iustitiæ magis quàm iuris consultus sit; Nam sunt quidam ἀναισθητοὶ (vt Aristotelis verbo utar) procul ab hac Nobilitate pellendi. Talem igitur Iurisconsultum volo, qui Seruio Sulpitio sit quàm simillimus, cuius præclaras laudes M. Cicero latè prosequitur. ^b Ne decem quidem nomenclatores hîc suffecerint nominandis gloriosissimis viris, qui hac fulti generi humano longè vtilissimâ arte ad Consulatus, ad Rerûp. gubernacula, ad summos dignitatum gradus peruenere. Est autem huius præstantissimæ artis ea vtilitas commoditatque, vt non tantùm res ciuiles ea regantur & politicæ, in quibus sine ea penitus nihil sit; imò citra eius administriculum ipse orbis diu nequeat consistere: ⁱ verùm etiam & Ecclesia Dei gubernetur; quapropter ob solam iuris sapientiam coniunctam cum morum sanctimonia, multi in sede Petri Apostolorum Principis collocati fuere, & vniuersum Christi populum rexere; Contentus ero aliquot tantùm, qui posterioribus seculis vixerunt, nominare. nam iam inde à temporibus Protopapæ Petri,

^f L. laudabile post princip. l. restituentæ C. de Aduoc. diuers. Iud.
^g Guido Pap. decis. Delph. 383. Cuius initium est, Quod Doctores.

^b Nona Rhilipp.

* Auth. vt omnes obed. Iud. prou. in pr. coll. v.
ⁱ Auth. habita C. ne fil. pro patre.

Petri, multi in ordine Pontificum extitêre iuris vtriusque scientiâ præstantes viri: hîc primus sese offert ex Nobilitate Flisca Genuensis, Innocentius IV. qui etiam in tanto rerum fastigio collocatus, multa edidit & compilauit. Eadem arte sibi iter ad tantum decus fecere, qui hunc sequuti sunt, Pontifices Alexander Quartus Anagninus, Clemens Quartus, Gallus Narbonensis, Iuriconsultus totius Galliæ sine contentione primarius, qui in curia Regia integerrimè causas egit, vxorem habuit & liberos, qua defuncta, per gradus ad summum Pontificatum ascendit, Bonifacius etiam Octauus, ex Caietana Anagninæ patritiâ familiâ natus; in hoc numero censetur & Innocentius Sextus, Lemouicensis Gallus, qui & Procuratoris & Iudicis Officio ante adeptum Papatum functus memoratur. Non silebo Petrum de Luna in Aragonia, natum familiâ Nobilissimâ, præstantissimum legum & iuris canonici interpretem, qui mortuo Clemente Septimo Auinione contra Bonifacium Papam Nonum in schismate Pontifex à magna Cardinalium parte dictus est Benedictus Decimus-tertius in obedientia sua nuncupatus. Fuere superioris Ordinis Gregorius Vndecimus Lemouicensis Baldi discipulus, & Urbanus Sextus propter huius sciētie cum sanctis moribus

coniunctam famam extra Cardinalium collegium præter obseruatam consuetudinem, Pontifex renunciatus. Item Innocentius VII. Sulmonensis, & Martinus V. & Calixtus III. antea Alphonsus Borjia cognominatus, Innocētius VIII. & qui nostrâ ætate vixêre Iulius III. & Pius IV. Marchionis Melignam (cuius supra magnificè meminimus cum de arte militari differeremus) frater germanus: vixit nuper & ad Ecclesiæ Catholicæ clauum sedit Gregorius XIII. ante adscitam Pontificalem tiaram Hugo Boncompagnus nuncupatus, qui iuris arte quum excelleret, quam in amplissima Bononiæ Academia eadem natali solo, in omnium ferè nationum frequentissima corona, cum admirabili applausu aliquot annos docuisset: propriâ virtute Duce, ad apicem omnium honorum venit, & in altissimo folio locatus est. Odiosus sim si Cardinalium Iurisconsultorum turbam perinde hîc recenscam. Nolo tamen illos qui ante paucos annos, adhuc in viuissuere, ignobili silentio præterire. Vixerunt igitur purpurati Ecclesiæ vniuersalis Senatores, & vtriusque iuris Doctores Flavius Ursinus Ducis Grauiinæ filius Romanus, Archiepiscopus Consentinus, ante aliquot annos Auditor (vt vocant) Cameræ Apostolicæ, S. item Carolus Boromeus Archiepi-

Archiepiscopus Mediolanensis, Gabriel Paleottus
 ciuis & Episcopus Bononiensis, Franciscus Alcia-
 tus Andreae agnatus; quorum duo posteriores et-
 iam in præclarissimis Italiae scholis iura ciuilia in-
 terpretati sunt, & editis commentariis, illustra-
 runt. Hi omnes in Cardinalium Collegium à Pio
 I V. Pontif. Opt. Max. sunt adoptati. His accesserunt à Pio V. acciti Ioannes Paulus ab Ecclesia
 Terdonensis, antea amplissimi Senatus Medio-
 lanensis Senator, & Ioannes Aldobrandinus Flo-
 rentinus Episcopus Imolensis, viri sanctissimi & iu-
 ris consultissimi. Hi Templi Dominici & Chri-
 stiani gregis columellæ & pastores, prudentissi-
 mis consiliis suis & incredibili vigilantia, hac tam
 periculosâ répestata, sustinuere collabantem Ec-
 clesiae statum; hi cadenti religioni humeros ve-
 lut Hercules supposuerunt, qui ab ipsis crepundiis
 iura ciuilia trementibus adhuc præ ætate labris im-
 bibere, maiores facti, de sublimiori loco, docue-
 re, Sacerdotes coluere, Cardineo fulgentes hono-
 re, eorundem possessionem retinere. Est igitur
 Iurisprudentia prænobilis illa rerum Domina, quâ
 reguntur vniuersa, ^k quæ & addiscentes & doctos
 nobilitat, ^l illustrat, confert Magistratus, ^m ho-
 nore conduplicat, ⁿ neminem in paupertate vi-
 uere finit, neque in anxietate mori, ^o & (vt ver-

^k d. Auth. vt
 omnes obed.
 Iud. prou. In
 coll. v.

^l d. l. Proui-
 dendum.

^m In præmio
 Iustit. c. finē.

ⁿ c. Venera-
 bilis de Præ-
 bendis.

^o Auth. de he-
 red. & falc. In
 fine col. 1.

D bo

bo claudamus) suis professoribus per orbem terrarum causam dat triumphandi, & dominandi, eosque immortalī gloriā, post mortem afficit. Iuris arti finitima est dicendi grauior, gravior & ornatior facultas, & ad Nobilitatem (qua de agimus) breuissimum præbet iter. Quid enim eloquentiā laudabilius & præstabilius, vel admiratione audientium, vel spe indigentium? quā latè patent diserti hominis officia? Quanta admiratio copiosè sapienterque dicentis, quem qui audiunt, intelligere & sapere plus quā cæteros arbitrantur? Meritò igitur fuit semper apud maiores nostros hæc ars facta maximi, quā natura ad salutem hominum & conseruationem dedit, & sine qua Reipub. status non possit diu consistere. Quantā auctoritate & Nobilitate præstitere inter ciues suos Romæ Hortensius, Cicero, Crassus, Marcus Antonius; Athenis Demosthenes, Isocrates! Ad hanc sanè capescendam Pisonem monuit Vates Sulmonensis, & vt maiores suos, qui arte militari nobiles fuissent, eloquentiæ laude præcedere conaretur, his verbis:

Quin age Maiorum iuuenis facunde tuorum “
Scande super titulos, & auita laudis honores, “
Armorūq; decus, præcedere forensibus actis. “

Sic

- ” *Sic etiam magna iam tunc Cicerone iuventa*
 ” *Laurea facundis cesserunt arma togatis.*

Verum enimverò suprà (vbi de Iustitia egimus) diximus, alteram eius partem esse beneficentiam, de qua quòd plurimum adimenti adferat ad comparandam gloriam, familiæ vè splendorem, (& locus non est importunus) hîc mihi differendum puto. Liberalitatem igitur exercere est, fuitque Liberalitas. semper plausibile; Largitione enim delinitur multitudo, eiûsq; voluptas titillatur. Porro Liberalitatis duplex est ratio; nam aut opera benignè, aut pecunia impenditur. vtrâq; splendido & viro fortis digna, quum in vtravis insit gratificandi liberalis voluntas, & altera ex arca & re familiari, altera verò ex virtute depromatur. Liberales igitur sunt qui suis facultatibus captos à prædonibus, aut hostibus redimunt. Fabius Maximus qui cunctandorem Romanam restituit, captiuos ab Hannibale acceptos redempturum se pollicitus, Senatu recusante, vt id de suo faceret, fundum vendidit; liberalium est, nexos ære alieno soluere, aliis opitulari in re quærenda, vel augenda, & more Christianorum, paruulos nutrire, pupillos, orphanos & viduas tueri, Virgines inopes connubio locare, esurientes pascere, nudos vestire, nobiles ignobilesq;

D 2 lesque

lesque paupertate & valetudine oppressos iuuare. Hęc via ad ardua ducit. Liberalitate & munificentia in Repub. Romana iter sibi ad Magistratus fecere, P. Crassus Diues, L. Crassus, Q. Mutius, C. Claudius Appij filius, multi Luculli, Hortensius Sullanus; omnes autem P. Lentulus Consule Cicerone vicit munificentia superiores, quem Scaurus est imitatus; magnificentissima verò Pompeij munera secundo Consulatu, sic & ipse Cicero Magistratus adeptus est. Notum autem est quàm multi postea ad Imperij fastigiũ sublati sunt hac munificentia arte, dum ea aut legiones aut populum deliniunt. Pelops etiam barbarus & aduena in ea Græciæ parte, quæ ab eo Peloponnesus appellata est, hac arte rerum summam obtinuit; sed imprimis memoranda est illa C. Pontij Samnitis vox optimè diserteque Liberalitatis & munificentia energiam explicans. Vtinam (inquit ille) tunc essem natus, quando Romani dona accipere cœperunt, non essem passus diutius eos imperare; & Iugurthæ Numidarum Regis discedentis ab vrbe, reflectentisque oculos, ac dicentis: O urbem venalem & citò perituram, si emptorem inuenerit. Verùm, ad compescendam hanc largitionem immodicam, & ambitionem, legem ambitus sanxere Romani, quæ tamen etiam reticuit sub Impera-

peratoribus. Eâ verò ardor ille imperandi, mentibus hominum insitus ac munificentia comprimebatur: primoque loco in libera Repub. dignus iudicabatur, qui sciret cupiditatibus suis imperare, refrænare libidines, spernere voluptates, iracundiam lenire, avaritiâ coërcere, se ipsum vincere, nullis illecebris capi, aduersis non perturbari, nec extolli secundis, & quasi vento huc & illuc impelli, cæterasque animi labes repellere. Sic L. Philippus Q. Filius vir. magno ingenio, imprimisque clarus, gloriari solebat, se sine munere adeptum esse omnia, quæ haberentur amplissima. Dicebat idem Cotta. In hoc itaq; genere largiendi, si id gloriosum nobis esse volumus, exercendi causam, tempus, rationem, dignitatem, tum nostram, tum personarum in quas liberales esse volumus, considerabimus. Consulendum profectò est famæ rebus in omnibus, non dedecus quærendum, etiam cum dispendio rei familiaris. Nam qui nunc pretio sibi Magistratum parat, is certè cum magna iactura legis Iuliæ sibi quærit infamiam. Tenenda est igitur hac in re sicut in ceteris omnibus mediocritas, & vt honesta, & legitima largiendi causa sit; Non enim in quemcumque, & ob omnem causam, liberales esse debemus, sed erga benè meritos, & propter virtutem,

D 3 præmio

præmio dignos; nam præclarè Ennius : Benefacta malè locata, malefacta arbitror; propensior Liberalitas esse debet in calamitosos (vt suprà diximus) nisi fortè digni erāt calamitate. Danda igitur opera est illi, qui Nobilis audire vult, & reuerà esse, vt in quamplurimos liberalis sit & benignus. Quæ quidem benignitas Reipub. vtilissima est, cuius interest tenuiores ciues locupletari. Hanc ergo consuetudinē benignitatis, largitioni munerum, vt nobiliorem, anteponendam arbitramur. Cauebimus prætereà Ciceronis præcepto, ne maior sit benignitas quàm facultates patiantur, néve res familiaris ita claudatur, vt eam Liberalitas aperire non possit. Item ne L. Syllæ, C. Marij, Cinnæ, M. Lepidi, M. Antonij exemplo, pecunias & res transferamus à iustis Dominis ad alios malæ fidei possessores : nam hæc non viri liberalis, sed stulti & latronis videri debent; & quanquam quod præsens tanquam in manu datur, iucundius & plausibilius esse solet : gratissimæ tamen sunt impensæ & ei qui gloriam quærit vtilissimæ; nam ita se extendunt, vt non viuentes modò, verùm etiam posteritatem complectantur. Cuius generis sunt, Deorum templa, Aræ, Muri, Naualia, portus, aquarum ductus, porticus, pontes, viæ strætæ, amphitheatra, fora, Circi, & si quæ sunt alia, quæ

quæ ad totius Reipub. commoditatem, & usum, in diuturnum tempus manentem pertinent, quarum rerum donatione vel (vt rectius dicamus) magnificentiâ, summam authoritatem, beneuolentiam, & Nobilitatem, sibi apud Romanos conciliarunt Appius, Flaminius, Lucullus, ac alij, qui huius generis opera non in vrbe tantum, sed per vniuersam Italiam priuato sumptu construxere magnificentissima: quorum adhuc multa visuntur vestigia, celebranturque eorum nomina, quæ ob tantam Liberalitatem apud omnem posteritatem manebunt immortalia; superiori certè sæculo hac animi dote imperium in Repub. Florentina & peperit & stabiliuit Cosmus ille magnus Mediceus, cuius tot extant & cernuntur templa, monasteria, Bibliotheca, ædes priuatæ, & Florentiæ & extra, vt nemo in tota Italia magnificentius ac splendidius ab eo tempore ædificauerit; quamuis idem Rempub. illam & patriam suam, aliis immensis beneficiis cumulauerit, semper coluerit, maxima bella & grauissimas inimicitias pro illius incolumitate susceperit. Liberalitatis pars est Hospitalitas, quam tantopere laudauit Theophrastus. Est enim maximè decorum, hominum illustrium domos hospitibus patere; idque etiam est non ipsis hospitio excipientibus tantum, sed

D 4 etiam

etiam Reipub. ornaméto, homines externos hoc liberalitatis genere non egere; est autem vile & vehementer com̄modum his, qui ad magna tendunt, per hospites apud externos populos auctoritatem, gloriam, & beneuolentiam sibi comparare. Gillas Agrigentinus omnium qui vnquam fuisse liberalissimus, spectacula edendo, epulas apparando, annonam in caritate rerum subministrando, virgines dotando, domum propriam adeo liberalitatis officinæ & hospitalitati adscripserat, vt quingentos equites Gelenſes vi tempestatis in prædia sua compulsos, propriâ impensâ aluerit. Theophrastus etiam (vt auctor est Cicero) scribit Cimonem Athenis etiam in suos curiales Latiadas hospitalissimum fuisse, ac eo nomine magnam gloriam quæsisse; ita enim dicitur instituisse, & villicis imperauisse, vt omnia præberentur, quicumq; Latiades in villam suam diuertisset. Libet hîc narrare obseruatum superiori sæculo in Flaminia vrbe Cæsena, ^m morem meherclè memorabilem; ibi cum publicorum diuersiorum nullus penè esset vsus, accidebat vt singuli illius Ciuitatis patritij ciues, quum primùm hospitem conspexissent, eundem vellent in domum suam recipere. Hospitalitatis studio ita certantes, vt non rarò res à rixis ad conflictum veniret. Quamobrem

^m Hac porissimum ratione cepit Cæsena esse illustris.

obrem prospecta fuit via quâ, saluâ cuique humanitatis & hospitalitatis famâ, hospites exciperentur. Locata enim fuit in fori vmbilico columna, ac in ea circumfixi tot annuli ferrei quot essent nobiles familiæ, vtque sorte sic omnis tolleretur controuersia, cautum fuit, vt ad cuius familiæ anulum alligasset hospes equum (omnes enim notis distincti erant) in illam familiam aut domum diuerteret. Sacra quoque Scriptura sparsim nobis proponit exēpla hospitalitatis & inhospitalitatis; nominatim verò Euangelium, Christo seruatori exhibitæ vel denegatę. Lucæ 10. Marthæ & Mariæ celebratur hospitalitas, quæ & cap. 11. apud Ioannem descripta est. Abraham hilariter excipit peregrinos, occurrit illis quos aduenas iudicabat, honorificè salutauit, opẽrã suam obtulit cum obtestatione, conuiuia extruxit, sed & stans edentibus ministravit, abeuntes deduxit. Genes. 18. Simile est exemplum Genes. 19. in Lotho. Expectat peregrinos quasi data opera quæsiturus, oblati occurrit, amicè salutatur, seruum sese illorum nominat, præstat officia ciuilitatis, nolentes etiam cogit; Demum salutẽ illorum pudori filiarum præfert. Eodem ciuilitatis genere egit Rebecca Laban. vnde colligi potest hospitio excipientis tres esse primarias virtutes: Hilariter excipere, affabiliter &

E libe-

liberaliter tractare, demum amicè demittere. cuius rei monitor nobis est Homerus: *Χρὴ ξένον παρ-
ρεόντα φίλειν, ἐθέλοντα δὲ πέμπειν*, signifi-
cans præsentem hospitem liberaliter excipien-
dum & tractandum, suo verò tempore amicè
demittendum. Quæsiuere in hac re magnam
laudem homines ethnici; hinc illa ambitiosa
vocabula ἡρόξενος ἐθέλοπρόξενος δορυξενος,
ἀσόξενος, ξεναγὸς ιδιόξενος. Epistola ad He-
breos I. 13. Hospitalitatis, inquit, ne sitis imme-
mores; per hanc enim quidam inscientes excepe-
pere Angelos hospitio. Est sanè hæc virtus verè
heroica; ignobilissima autem ei contraria inho-
spitalitas, quâ etiam qui nobiles erant vilescunt,
Nobilitatem omnem deperdunt, & in ordinem
coguntur, etiam Reges. Nota est Lycaonis Arca-
diæ Regis fabula, qui cum aduenas & hospites
trucidaret, Iouem in se accendit. Nam Iupiter
immanis sceleris impatiens, & in Deos queremo-
nia delata, & simulatâ hominis specie ad Lycao-
nis Regis regna venit, & in eiusdem domum di-
uertit, cui Lycaon mortem præparans, prius hu-
mana membra deuoranda, velut hospitali huma-
nitate, proposuit. Postquam hoc sensit Iupiter,
non cum penitus interimere voluit, ne non sup-
plicium

plicium sentiret, sed in lupum conuertit; nec contentus fuit Iupiter omnes homines Lycaonis supplicio terrere, nisi in vniuersum hominum genus læuissset. Inde demum fecit tantam aquarum copiam redundare, vt opertis diluuiò montibus cuncti homines interirent. Vnde quum tam atrociter fuerit hoc vitium punitum, datur colligere, quantam laudem mereantur, & gloriam, qui sanctissimam hospitij tesseram seruant inuiolatam, & generosum hoc gloriosumque benignitatis genus frequenter exercent. Sed quum repeto, quæ paulò antè de Liberalitate, & superiùs de partibus in Nobilitatis definitione contentis diffusè copioseque disputauimus: prope necessariæ mihi ad Nobilitatem diuitiæ & opes videntur, cum sine earum adminiculo, nec Liberalitas, nec aliæ complures præstantes virtutes commodè exercentur, Nam quamuis liberale existimetur in exigendo vel accipiendo non esse auidum, in omni re contrahenda præbere se facilem, de suo iure cedere, à litibus abstinere, quantum liceat. Ea tamen liberalitatis portio magis hominem illustrat, quæ in largiendo, auxiliando, & impensas faciendo consistit. Nobilitatem igitur sine diuitiis quodammodo mancā censemus, in quā certè sententiā etiam Aristotelem olim fuisse inuenimus, dicentem

Diuitias.

Lib. πολιτικῶν 3. cap. vii.

E 2 sibi

fibi videri nobiles quorum maiores virtute & diuitiis floruiſſent, ſed & diuus Hieronymus Chriſtianæ Doct̃or Philoſophiæ, Nobilitatem mundi nihil aliud eſſe ſcriptum reliquit quàm inueteratas diuitias. Hiſce ſanè domesticus ſplendor acquiritur, conſeruatur & amicorum quorum frequentia Nobilitas indiget, gratia retinetur. Quamobrem & Ariſtoteli propemodum impoſſibile viſum eſt, præclarum aliquid ab eo fieri, cui deſint facultates; in qua etiam ſententia & Satyrographum fuiſſe cognouimus, qui dixit:

Haud facile emergunt quorum virtutibus obſtat *

Res anguſta domi, ſed Romæ durior illis "

Conatus "

Neque hoc abs re eſt quòd diuitiæ alio nomine opes dicantur, quum opem, id eſt, auxilium optimum, ad res agendas conferant. eadẽ à maioribus noſtris facultates vocatæ ſunt: quòd ſcilicet rerum propè omnium facultatem, ac veluti facilitatem quandam præbeant, Græcorum imitatione, qui opulentiam & facilitatem vno verbo nuncupant. Hinc Iuriſconſulti noſtri voluere pecuniæ appellatione res omnes contineri, * tanquam ſcilicet, res omnes is conſequutus ſit, qui eam habet. * Porro diuitiæ à maioribus acceptæ pluris

* L. Pecuniæ
w. de verbo
ſignif. c. totum
19. num.

* Bald. in l.

pluris in Nobilitate æstimantur, quàm recenter
 partæ, quod etiam ad Thecodeſten ſcribens cen-
 ſuit Ariſtoteles. ¹ Nam & ſemper alias *νεοπλούτους*,
 id eſt, nuper ditatos, ſiue repente diuites factos,
 veluti improbos & inſolentes taxarunt omnes iu-
 ſti rerum æſtimatores, ² & Plinius; ³ Cõſtitutum
 eſt enim, inquit, ne cui ius annuli eſſet, niſi cui in-
 genio, ipſi patri auoq̃ue paterno ſextercia quadrin-
 genta cenſus fuiſſent. Vnde patet patris facultates
 non ſatis fuiſſe, ſed auitas etiam neceſſarias ad ius
 aureorum annulorum impetrandum. Sed vt con-
 cedamus, quod certè veriſſimum eſt, negarunt
 tamen nonnulli, ſolas diuitias non nobilitare: il-
 lud certè adſtruere non verebimur, eas penè ſem-
 per dare cauſam Nobilitati; id enim iuris noſtri
 authoribus quoque placuiſſe videmus, ⁴ nam di-
 gnitatis & honoris plurimum iis ineſſe putatur,
 quum etiam in magiſtratibus conſequendis diui-
 tes pauperibus præferantur. ⁵ Notiſſimum eſt il-
 lud Scipionis Æmiliani, cùm Seruius Sulpitius
 Galba & Aurelius in Senatu contenderent, vter
 aduerſus Viriatum in Hiſpaniam mitteretur, ro-
 gareturq̃; ipſe Scipio quæ eſſet eius ſentẽtia? Neu-
 trum (inquit) mihi mitti placet, quia alter nihil
 habet, alteri nihil ſatis eſt; æquè malam Impe-
 rij magiſtram iudicans inopiam ac avaritiam.

Receptitia, C.
 de conſtit.
 pecunia.

¹ Libro 2.

Rhetoricã.

² Vide De-
 moſthenẽ in
 Oratione *ἐπὶ
 τοῖς περὶς Ἀλέ-
 ξανδροῦ συνδι-
 καῖς* & innu-
 meri Græci &
 Latini ſcri-
 ptores, idem
 teſtati ſunt.

³ Libro 33.

cap. 2.

⁴ Barth. in l.
 1. C. de di-
 gnit. lib. x. r.
 Bald. in C. Se-
 des de Re-
 ſcriptis.

⁵ L. reſcripto
 in princip. *πρὸς*
 de munerib.
 & honorib.
 l. ad ſubeun-
 da & ibi Lu-
 cas de penna,
 C. de Decu-
 rionibus. lib.
 x. Ariſtot. li-
 bro 3. *περὶ
 τιμῶν*. Plu-
 tarch. in vi-
 ta Solonis.
 u Reſert Val.
 Max. lib. vi.
 cap. 4.

E 3 Est

Nobilitas
Patriæ.

Est & aliud reliquū, quod si non adsit, vix est vt quis nobilis dici possit, Patria nimirum illustris & nobilis; quocirca Nobilitatem iterum diuidemus, eamque duplicis speciei faciemus. Prima quidem vt sit Ciuitatis vniuersæ vnde originem trahimus, vbi nati sumus; Altera singularum familiarum aut stirpium. Ad illum modum Nobilem dicimus Lacedæmonem, quòd viros peperit complures qui consilio & ope suâ patriam tutati sunt, & innumeris beneficiis obstrinxerunt: idem de Roma. Altero modo Fabritios, Horatios, Iulios, Pompeios, Octauios, illustres nobilesq̃e fuisse Romana nos docet historia. Hoc sanè plarisque visum fuit, vt qui non esset vtrumque hunc & patriæ & familiæ nactus splendorem, vix inter nobiles nomen habere posset. Aiunt enim vix fieri posse, vt in ignobili ciuitate illustria stemmata, & gentes existant. Quo enim pacto potuisset eius ciuitatis nomen obscurum & ignobile remanere, si lumen ab illustribus familiis accepisset? Potissimum igitur Naturæ beneficium, si clarâ patriam nactus, & in ea educatus sis; huc facit Italoꝝ prouerbium: Ignobilis & infelix ea demum est auicula, quæ in ignobili & obscurâ valle nascitur. Et Symonidis Poëtæ Lyrici sententia; Oportere eum qui beatè vult viuere, patriam habere gloriosam;

&

& Euripidis apud Plutarchum in vita Demosthenis, debere primum illustri patria prognatum esse, quisquis felix futurus sit. Cicero etiam lib. 3. Rhetoricorum ad Herennium, ubi de genere demonstratio loquitur, laudem dicit esse rerum externarum, & corporis & animi, inter ea verò quæ sunt rerum externarum, ciuitatis quoque laudem ponit, quasi laus quoque ex ciuitatibus sit hominibus; Alexander Seuerus cum Syrus esset, volebat tamen videri traxisse originem de Romanorum gente, cumque pudebat Syrum dici. Antonius ignobilitatem obiiciebat Octauio, quod Matre Aricina natus esset (vt refert Tullius) tanquam scilicet ex ignobili vrbe ea esset, & quod Suetonius retulit ex pago Thurino. Notum est ex Plutarcho, * in vita Themistoclis, Themistoclis inclyti Atheniensium ducis Apophthegma, qui Seriphio cuidam obiicienti quod non ex sese, sed ob patriæ, quam diuino numine nactus esset, nobilitatem, nobilis erat, & clarus. Vera, dixit, prædicas, neque enim ego si Seriphius essem clarus essem, neque tu si Atheniensis; non inficiatus vrbis celebritatem multum facere ad claritatem, atque illum innuens tam esse ignauum, vt etiam si natus esset Athenis, nihilominus fuisset obscurus futurus. Possent tamen adduci

3. Philipp.

* In vita Themistoclis

multa in contrarium, quibus probaretur loco non nobilitari hominem, sed locum hominem. Verum ea ut nimis Philosophica, & ad Stoicam quandam nobilitatem facientia, huc ad ferre noluimus. Hæc ferè sunt, Illustrissime Marchio, quæ maximè ad Nobilitatem ianuam patefaciunt, nam alia quædam quæ eò etiam, sed non ita necessariò facere videntur, sciens omitto. Ut igitur quisque erit Iustitia, benignitate, fortitudine Iuris civilis & Eloquentiæ laudibus, patria & diuitiis clarissimus, ita idem erit & nobilissimus. Quocirca pudeat pigeatque multos huius infelicis ætatis patritios, & nobilium familiarum viros, qui ignobiliter viuentes, blasphemias in diuos euomere, contumeliis conciuēs onerare, iniuriis laceßere, iniurias illatas ferro, flammâ & rapinâ vlcersci, clientes miserè expilare, enecare, thori coniugalis sacro-sancta Iura violare, fidem in contractibus fallere, pro iocis habent & ludis; sibiq; specioso stemmatis nomine perplacent, & satis adferre ad tuendam illustri familiae dignitatem arbitrantur, si bene pexi, benè loti, diuersicolore serico aureâ argenteaque veste amicti, collum torque honestatum, brachia armillis, gemmis articulos, calceos lunâ insignes ostentent, si cuiquam olentes vnguenta exotica,

&

In Nobiles
mancipia vi-
ciorum.

& Arabicas fruges, accipitrem circumferant, si domi opiparè epulentur, si plenissimos mero cantharos exhauriant, si in multam noctem mero certent, aut chartis pictis, tesseriis, latrunculis fraudulentè & auarè ludant, sæpè à ludis ad conuitia & contumelias transeuntes, aut denique si equos alant, aut canes ad venandum; Non est hæc mediusfidius Nobilitatis, aut acquirendæ, aut retinendæ ratio idonea, nam qui naturæ humanæ dignitatem, ne dicam Nobilitatis excellentiam considerat, intelligit quàm turpe sit diffluere luxu, molliter & delicate viuere, quum Natura (vt ait Philosophus) paucis minimisque sit contenta: fidem autem & promissionem fallere, quum omnibus hominibus dedecorosum sit: tum maximè Nobilibus, quorum nuda promissâ (vt dici solet) pro factis habenda sunt. Id est, si quicquam promiserint, id peræquè esse certum ac indubitatum ac si iam factum esset. Scribit Seruius Virgilij interpres promissâ Deorum pro factis esse. ^a Nobiles verò olim genus ad Deos referebant. Nobilitatem etiam maximè luxuria dedecet & libido, quam in plebeis leges nostræ non vsq; adeò damnauere. ^b Nuptiarum verò sacrilegia committere, ideo Nobili viro ignominiosissimum: quod graues & magni viri adfirmare, ^c Nobiles impen-

F sius

^a Lib. xii.

Æneid.

^b L. sœdissimæ, C. de Postl. reuersis, l. in concubinato π. de Concubinis.^c Oldrad. cōsil. xcvi. ex forma istius statuti, col. penult. per tex. in l. Si vxor. §. planè π. de adulter.

Alb. Ros. in
2. parte Statu-
torum quæst.
cxlxiij. de
Statuto legis
col. ult. & in
l. Donationes
quas diuus
col. 2. C. de
donat. inter
vir. & vxor.
¶ Lib. Iliados
xx.

sius diligere vxores suas, quàm cæteros, & quo
quisque nobilior est, eò vxoris naturaliter ef-
se amantiorem: idque voluit pater omnis virtutis
Homerus, ⁴ Nam solis hominum Atridis affectus
amorque vxorum est; Atridas doctissimi quique
hic Nobiles interpretantur, vnguenta verò & pa-
stillos olere & mollibus vestiri, Nobilibus etiam
cum indecorum tum inutile: In ea disceptatione
quam inter Alexandrum & Diogenem aliquan-
do fuisse Dion scribit: vexari humanum genus ab
aliquo quatuor dæmonum ostendit, quorum il-
lum certè secundum appellat, qui voluptati sacri-
ficat, & Deam ipsam colit variis odoribus ac sa-
poribus gaudentem. Hic autem dæmon (vt idem
affirmat) auditum, gustum, tactum quomodo po-
test mirificè delectat, balnea frequentat, molles
amat vestes, muliebres amplexus expetit. Hæc
Dea nimirum est ipsa Circe quæ Socjos Vlyssis in
porcos mutat, qui deinceps, vt timidi & ignaui
publicis ac priuatis rebus inutiles sunt. Seruanda
est igitur viro nobili in victu cultuque & tota vi-
tæ ratione mediocritas, ob modestiam & valetu-
dinem, ac patriæ salutem. Quî enim fieri po-
test, vt qui delitiis assuetus est huiusmodi, quan-
do vrgebit necessitas, famem, sitim, puluerem,
solem, frigora, niues, & alia incommoda pro
Repub.

Repub. patriatur? Concidere certè animis & corporibus in quouis etiam negotio exiguo oportet, qui Sardanapolos, Antonios, Heliogabalos, Caracallas, Othones imitantur. Vt ergo lumen istud Nobilitatis non obscuretur, danda est opera enitendumque, vt bonis corporis & animi ad vtilitatem communem; bonis item fortunæ ad similem effectum, vtantur viri nobiles, vt sint præsidia ad splendorem hunc politicum, qui vitiis obscuratur, virtute autem redditur clarius, conseruandum. Virtutem igitur posthabitis cupiditatibus omnibus luxu & vitiis, qui non amplectitur neque se totum præbet iuuandæ patriæ conseruandæque hominum societati: vt in tanta hominū multitudine Nobilis sit & ingenuus, fieri non potest; rectissimè enim dixit Socrates, nullam differentiam esse inter baiulum & Alcibiadem summo loco natum, si virtus abesset. Porro quæ proximè de molli & delicato Nobilium vestitu loquuti sumus, non in eam partem accipi volumus, quasi existimemus preciosiores & ornatiores vestes Nobilibus non conuenire. Nam per omnes id ferè ætates obseruatū fuisse scimus; vt ipsi præter cæteros ciuium ordines splendidius & preciosius vestirentur, idque Iuris nostri auctores multis locis æquum esse celsuere, subinde in plebeios

e Alber. in l.
2. C. quæ res
vendic. non
poss. & alij
quos ibi ci-
tat. Lucas de
penna, in l.
Mulieres col.
penult. vers.
28. C. de Di-
gnit. l. b. 12.

F 2 inuecti,

inuēti, eorumque vxores qui vestibus, quas Nobilibus tantum vsus & mos concessit, arroganter vtuntur; Scriptumque; reliquere si fieri contingat, vt vir Nobilis viliori veste ob inopiam indutus verecundia præpediatur domo egredi, vt suas res agat, cum beneficio integrum restitutionis iuari aduersus temporis lapsu, & apud Euripidem in Helena Menelaum pudet, sese palam exhibere, propter squallidam suam, & pannosam, quâ induebatur, vestem. Patritius ordo apud Romanos purpurâ utebatur, non etiam cæteri, quod tamen abusu abolitum fuisse, conqueritur Iuuenalis Satyra 3.

*Æqualis habitus illic similēque videbis
Orchestram & populum.*

Latiusclauus certè Senatorij ordinis erat, tunica, scilicet purpura prætexta, latior longiorque tunica vulgari ac distincta, cui toga superinduebatur. Prætexta etiam Nobiliorū erat, toga viliorū; hinc idem Poëta Satyra 8. plebē togatā appellat, quam paulò antè imam vocarūt. Sed id de posterioribus temporibus intelligendū est; antiquioribus enim, erat toga omnibus ordinibus communis. Vnde Virgilius etiam Romanos gentem togatam vocauit; Et vt ad exteros eamus, Auctor est Philostratus

f Vt voluit
Nic. Neap. in
l. in eadem w.
ex quibus
caus. maiores
per illum tex-
tum in illis
verbis cc. Qui
ita alligati
sunt, vt sine
dedecore in
publico ap-
parere non
possint. Et id
sequitur Ge-
rald. à Petra
Sing. lxxxii.

tus apud Indos, nemini nisi nobili orto familiâ licitum fuisse byssum induere. Apud Parthos Nobiles Anaxicidem triplam induebant, & tunicam manicatam, quâ tamen non sine probro utebantur Romani veteres, quemadmodum videtur significare Cicero, dum in gregem Catilinæ inuehitur, & Virgilius de fœmineo Paridis comitatu. Plebs verò apud Parthos tunicam sine manicis gestabant, Antiqui Germani Nobiles preciosa veste utebantur, non quidem fluctuante, sed stricta & singula membra ac artus exprimente, ceteri sagis cum fibula, hodie Nobiles Germani, non veste tantum, sed etiam fœmoralibus fluctuantibus videntur. Nobilium Gallorum vxores, virgines, & viduæ mundum capitis gerunt ex holoserico, quem plebei gerunt ex panno laneo; & hæc inter illas est notoria & manifesta differentia: sic etiam hodie in vniuersa Italia Nobilitati suus est in habitu splendor, & ornatus peculiaris; Venietis patritiis vestitus ater laxitate ac prolixitate insignis & in hoc vrbicus municipali sumptuosior. Muliebris sexus sumptuosius & luxuriosius vestitur; nam vlnas, pectus ac humeros nudant; Mediolanensibus ac toti ferè Longobardiæ, Nobilibus est floridior, contractior, pretiosior & versicolor vestitus; Romanis frugalior, sed cui suus non desit nitor, præ-

^a In vita Apollonij libro 2.

^b Cornel. Tacitus libro de Morib. Germanorû, ubi etiam idem dicit, ¹o Sarmatis.

e De antiqui-
tate Nobilita-
tis politicæ.

sertim in matronis, quæ violacei coloris vtuntur vestibus & mundo capitis albiſſimo ex diuerſis laxis, prolixè propèdentibus peplis. Nobiles Neapolitani ſericis magis, quàm cæteri ferè Itali vtuntur, quorum veſtiendi modus Hiſpanicum imitatur, ſed non vnus idemque ſemper hic habitus, quippe quem noſtrâ memoriâ ſæpiùs variari contigit. Nunc ſi tempus quæramus à quò primùm tempore Nobilitas eſſe in præcipuo honore cœpit & veneratione : iam inde proſectò quum genus mortalium eſſet adhuc in montibus, antris & nemoribus diſſipatum aſperâ ſilueſtriq̃ue naturâ, & moribus horridum, nullis paulò politioribus inſtitutis aut ciuili cōuerſatione excultum. Excel- luere enim tunc temporis nonnulli viri præſtantes, vt ſuprà & vbi de Iuſtitia egimus, meminimus nos dicere qui diſperſos illos greges Sylueſtrium hominum in vnâ cogerent multitudinem, & agreſtes illorum animos emollitos ad ciuilitatem formarent ; hæc ſanè conſectis ad rem aptiſſimis fabulis cecinerunt Poëtæ de Orpheo, Amphione, & aliis, qui dulcedine cantus & blandis precibus dicunter ſaxa & feras commouiſſe ; Hoc eſt, (ſi mythologiam ſequamur) efferos homines & ſtupidos, iidem illi præſtantes viri, ſic cicuratis hominibus beneficia beneficiis cumulantes melio-

res

res operas nauarunt & villas, pagos, oppida, vrbes, suis locis struxerunt ad propulsandas iniurias, & ciuilem vitam colendam, aptissimas prouincias & agros diuiserunt, vt quisque suo contentus, sibi victum quæriraret, nec aliena inuaderet; homines per tribus & vicos in ciuitatibus diuisere, & in domo patrem familias suis præesse voluere; breuiter omnem politiæ & œconomiæ rationē bardos illos homines docuere, & aliis infinitis modis rem communem iuuerunt. Vnde homines intellexerunt, quātum nobilis & generosus animus humili & plebeio præstaret; hos ergo tantū suspiciebant in viuis agentes: vt quamdiu homines tam benefici, & sibi vtilis viuerent, omnem illis sui regendi potestatem & habenas traderent, qui propter diuinam mentis aciem & animū singulari sapientiā, & industriā dotatū, quo quid vniuersitati hominū conueniret, & videre prudenter & perficere constanter possent, maximè digni videbantur. Quam quidem ingenij & industriæ præstantiam aurum diuinū vocat in Phædro Socrates; à sapientibus enim traditum est, hominū quosdam ferreis, alios æreis, quosdam argenteis animis gigni: esse etiam paucos illos quidem, sed tamen nonnullos quibus aurea animorum vis & natura data sit, vsq; scorsum regendarum ciuitatū & populorum

munus à Deo datum & assignatum, illos alios quo sua quemque aut duritia aut vilitas impellat ferri; Hos igitur prudentes & industrios rerum suarum administratores & arbitros dum viuebant, maximè obseruabant, vitâ functos colebant, diuis debitos honores conferebant, templa consecrabant, litabant, ac eos in Deorum numerum referebant.

Romulus (inquit Horatius) *et Liber pater, et cum Castore Pollux.*

Post ingentia facta, Deorum in templa recepti, Dum terras hominumque colunt genus, aspera bella

Componunt, agros assignant, oppida condunt.

Et si secus quàm decebat in Reipub. moderamine se habuissent, eos (vt auctor est Herodianus) iidem Diris deuoueant, inter malos genios reponerant, & cum Sacerdotibus suis ad templorum aras conueniebant, ac palàm precabantur Deos ne tam iniquis & malæ notæ Regib. seu administratoribus inter Cælites locum esse permetterent. Quem deuouendi morè Siculi obseruasse mihi visi sunt, quum Iusule suæ Proconsulè quem vice-Regem vulgus vocat, pessimum nacti & inutilem execrati primùm, dein cum huiusmodi Epitaphio sepelirent,

Qui

- „ *Qui propter nos homines*
 „ *& propter nostram salutem*
 „ *descendit ad inferos.*

Eadem antiquitas præstantium illorum Recto-
 rum Liberos omni benevolentia & obseruantia
 genere prosequuta est. Primùm mouebant homi-
 nes recentia patrum facta illustria, quibus ita man-
 serant deuincti & obligati, vt posteritati eorum
 dignam gratiam referendam esse existimarent; de-
 in verò experti etiam liberis ingenitam maiorum
 effigiem non exteriorem solùm in corporũ linea-
 mentis, sed intrinsecam quoque in anima & in-
 genij indole: iam non tantùm parentum iucundâ
 memoriâ, verumetiam indolis admiratione pro-
 uocati totam gẽtem & posteritatem maximope-
 re obseruarunt, coluerunt, amarunt, & Reipub.
 gubernacula iisdem permisẽre, à parentibus tan-
 quam per manus accepta. Fuit certè priscis illis
 mortalibus maximè persuasum, virtutem pater-
 nam in filios infundi, eamque esse claræ familiæ
 indicem, vsque adeò, vt quem maximo loco na-
 tum scirent, eundem certò sperarent maximis fore
 virtutibus, & quemadmodum in feminibus cau-
 sam sciebant esse stirpium atque arborum: sic et-
 iam illustrium maiorum genere, inseri plerumque
 G posteris

posteris egregias virtutes. Porro huiusmodi heroum filij, quorum virtus adeò esset admirabilis, vt extra communem hominum sortem posita videretur: humanam contemnentes originem & se inferiorem putantes, à Diis ipsis ortus suos repetebant; erant enim parentes eorum inter Deos, vt iam diximus, locati: Hinc illa Deorum & semideorum multitudo qua Homeri Ilias, & Virgilij Æneis referta est, quorum est nemo, qui non Deorum aliquem in sua gente & origine, vnde rectâ lineâ descendebat, non recenseat. Sic Achilles Thetide se procreatum, gloriatur Memnon Aurora, Ioue Sarpedon, Neptuno Theseus: & libro Iliados 5. Æneas Achillem adortus Ioue patre superbit, gradus sigillatim enumerans, per quos ab eo descenderit. Alexander etiam Magnus multis post ætatibus Iouis filius dici voluit & haberi; quod & de Scipione Africano relatum est. Hoc autem, vt vulgo persuaderetur, non tam rerum imperitia & superstitio (quibus illa rudis mundi ætas excæcata erat) quàm virtutis admiratio faciebat. Sic enim existimabant diuis ortos, quos viderent plusquam humanis exornatos virtutibus. Ex supradictis liquidò cõstare reor, quando primùm Nobilitas hæc nasci, & cognosci cœperit, ac quanto in pretio fuerit, iam inde à mundi

di prima infantia. Sed omnia hæc barbara inquires & ethnica, neque fortassis satis indubitata. Linquamus hæc igitur tanquam aliena & ad sacras literas disciplinamq; Christianam conuertamur. Si igitur vetustioris testamenti paginas, si recentioris libros Euangelij volumus, multa certè apertissima huius splendoris siue Nobilitatis testimonia & discrimina inter familias & familias constituta & obseruata reperiemus. Sunt certè nonnulli qui ea statim ab orbis conditi exordio incipiunt, aut certè paulò post, nempe ab Abel iusto & Cain, ut scilicet, ille quamdiu vixerit patris Nobilitatem retinuerit, hic ob perpetratam cædem fratris amiserit; quod & ex nostris Bartholus asseruit ^{d.}. Ac quum postea omnes homines cataclysmo aquarum periissent, saluis tantum Noë & tribus filiis eius cum vxoribus; Sem & Iaphet Maiorum virtutem & Nobilitatem retinuerunt, & in posteros propagarunt; Cham ob nudū patrem ebrium derisum, eâ decidit, audiuitque Patrem hæc non sine bile pronunciantem: Maledictus Chanaan seruus seruatorum erit fratribus suis. Imò sunt qui altiùs Nobilitatem repetunt, nempe, ab Angelis & Astris; Angelos enim alios aliis ordine & Nobilitate superiores; Astra quoque & sidera, non ordine tantum, sed & virtute & Nobilitate & po-

d L. i. col. 4.
vers. Si ergo
aliquis C. de
dignit. libro
xii.

tentia inter se longè dissimilia, ita vt alia quidem quasi Imperium exercent, & reliquis splendorem afferant & dignitatem, alia inferiora regi & propemodum seruire videantur. Sed vt cætera exempla, quæ ex veteris testamenti volumine sumi possent, omittamus: palàm est eos qui à tribu Iuda originem suam ducebant omnibus Israeliticæ stirpis hominibus Nobilitate præstitisse, quod scilicet, ex quo de crudelissimi Pharaonis manu in libertatem ea natio asserta fuit, eximias ubique præclaræ virtutis significationes dederunt. Quorum ex innumeris vnâ & alteram referre cõtentus ero: In exitu Israelis de Ægypti finibus, pœnituit truculentissimum Tyrannum consilij, quo Israeli fecerat abeundi potestatem & insitâ animo superbiâ, ac ferociâ, populum diuino tutum auxilio, insequitur, ignarus in quantum malorum mare se mox mergeret; Ibi Dux afflicti illius gregis Moses numinis cælestis implorans præsidium, & opem tam inopinato periculo; Virgulâ illâ diuinâ (quæ scilicet omnipotētis Dei & roboris cælestis, symbolum haberet & imaginem) mare percutit, illud verò agnoscens manum creatoris sui, è vestigio obtemperans, vtrinq̃ue retrocessit refluxitque & tanquam æneo pariete seclusum constantissimè contra elementi naturam substitit, vt
medio

medio interposito tramite tutum & facilem trāscursum populo præberet Israelitico. Quem tantus stupor & terror inuasit, vt neque apertissimā Numinis voluntate & ope ostensā se committere tam insolito itineri auderet. Aiunt autem tunc eorum qui de tribu erant Iuda maximè fortitudinem, & virtutem effulsisse, & imperterritis animis Mosis inhærendo vestigiis reliquos omnes, quibus mens erat ignobilior seruiliorque ad sequendum calcar addidisse. Postcā quoque in omni genere laudis & virtutis militaris heroicè hæc tribus Iudaica se gessit; hinc factum, vt inter duodecim Israelis Principes (singuli autem à singulis tribubus legebantur) primas obtineret, qui esset ex Iudæ ortus progenie; hic primus agmina ductabat, primus vota faciebat, primus sacrificia offerebat, huius authoritatem & Imperium cæteri sequebantur. In hac tribu belli duces extitêre innumerabiles, & viri singulari sapientiâ & æquitatis laude complures exorti sunt; permulti etiam Reges regio dignissimi diademate, inter quos, sicut Luna inter minora Sidera, fulget sanctissimus & fortissimus Dauid, præclarum virtutis & pietatis exemplar. Denique propter virtutis jubar quod in hac gente emicuit in eadem remansit Regni maiestas, quamdiu aliquis fuit

He-

• Sicut vinum
amicos &
alia plura: ita
& Nobilitatē
commendat
vetustas. Qui
de antiquiori
est genere &
familia, is est
nobilior, ideo
præferri de-
bet, bonus
æxtus in l.
vnica §. quæ
omnia, vbi
vix ab anti-
qua stirpe vbi
Alber. notat.
C de vet. iur.
enucl. l. Pro-
uidendum ibi
merito No-
bilissimus fe-
cerit aut ve-
tustate. C. de
postulando.
Hinc dixit
Raynaldus
in tractatu de
Nobilitate q.
3. in princi-
pio. Nobili-
tatem tanto
maiores esse
quanto plus
inuerterat.
Vide consiliū
M. Antonij
Nattæ. I.C.
Astensis in
ordine 567.

Hebraicæ Reipublicæ status, & vltimò ex ea-
dem nasci voluit, omnium qui vnquam fuisse
hominum nobilissimus libertatis nostræ vindex,
& vitæ auctor aternæ CHRISTVS IESVS.
Vnde equidem certissimum argumentum, gene-
rosissimum ipsum Mosē Nobilitatis introdu-
xisse rationem, quum sic statuit, vt Imperij fa-
sces & amplissima quæque dignitas certæ genti &
familia demandaretur. Reliquum etiam, hoc
est, vt subnectam aliquid de antiquitate, quæ No-
bilitatem plurimum commendat. Multum cer-
tè dignitatis illi confert temporis antiquitas, quæ
aliis etiam rebus Maiestatem addit incredibilem.
Ita enim natura comparatum est, vt ea quæ à præ-
cedenti memoria semota sunt, fiant quodammo-
do ipsa vetustate augustiora, sanctioraque. Hinc
illa inter Ægyptios, Phœnices, Phryges, Arcades
& alias gentes de prioritare suæ antiquitatis con-
tentiones, dum aliæ se ante alias creatas & in lu-
cem editas gloriantur; Et Athenienses *αὐτόχθονες*, di-
ci voluerunt quod indigenas se esse assererent, nec
aliunde ortos, sed ex ipsa Attica tellure, quam-
obrem reticulo quodam aureis cicadis variato ca-
put redimebant, vt vel sic se instar cicadarum, è
terra quam incolerent fuisse generatos demon-
strarent, vnde & *τετραπόδοι* dicti sunt. Ad hunc
certè

certè modum in familiis & gentibus plurimum
habet momenti, originis vetustas, videmusque
generis nouitatem ferè contemni; vnde & igno-
biles, noui homines dicti sunt, & vetustas pro
nobilitate apud Latinos accepta est. Nouitas enim
non illam habet ætatis caniciem, cui præcipuum
honorem tribuendum putamus, & in singulis aliis
auctoritatem habet senectus. Est certè Nobilitati
sua infantia, est sua adolescentia, adultior ætas, se-
nectus, extremum senium, atque adeò Mors ipsa,
hoc est, quod quidam dixere quandam esse No-
bilitatem incipientem, aliam crescentem, aliam
denique perfectam; neque in ictu oculi nasci No-
bilitatem dixit alibi Baldus ^f noster: quasi sentiat
nullam ferè esse Nobilitatem, quæ sit in principio,
nisi vltra quoque progressa sit, quod & alij non-
nulli sensere Iuris interpretes; & sicut vna hiru-
do non facit ver: ita nec intelligi de nobili genere
cum, nisi qui probauerit quod antiquitus maio-
res eius fuerunt Nobiles ^s. Possent huc infinita
Poëtarum, Oratorum, Historicorum adferri te-
stimonia, quæ (vt nota) omittimus. Habent igi-
tur ortum, progressum, & occasum suum, ac ex-
tirpationem nobilissimæ quæque familiæ, prout
nihil perpetuum est sub Luna. Quædam familiæ
quæ prius ignotæ erant, nunc exoriuntur, & subito

^f Feudum an-
tiquum sapit
nobilitatem,
sed non feu-
dum nouum,
quia nobilitas
non nascitur
in ictu oculi
l. stemmata [¶]
de Gradibus.
Vide M. An-
tonium Nar-
tam Astensem
consilio 567.
& est origi-
naliter Baldi
in prælod.
feud. col. pe-
nult. in deci-
ma diuisione
feudorum.
^s Glossa in l.
stemmata [¶]
de gradibus.

præcípites ad ima deuoluuntur, aliæ rursus vix patrum aut auorum gloriam tuentur, aliæ denique multas ætates viuunt florentque, postremò sempiternâ obliuione delentur, quod etiam apud Homerum Glaucus ad Diomedem testatur. Quò non dico familiæ, sed multi integri in Italia vetustissimi nominis populi, qui stirpitus abhinc multis retrò elapsis sæculis ita periëre, vt vix constet, vbi confederint, quò omnes illæ nobilissimæ Romanorum gentes, quas mox memorabimus: certè cum fortuna S. P. Q. Romani ita sepultæ, vt si quis se ab earum aliqua natum iactitet, perinde explodatur, atq; si Pithagoræ palingenesiam tueatur. Ea sanè lex Naturæ est incommutabilis perpetuæque, vt quæ oriuntur, etiam occidant. Et quas iam in Italia, antiquissimi stemmatis familias videmus florentes opibus, clientelis, auctoritate, latifundiis, & principatibus, Columnensem, Vrsinam, Estensem, Gonfagam, Sanseuerinam, & alias nònne olim desituras arbitremur & intermorituras, etiam quæ hodie toto terrarû orbe sunt potentissimæ & augustissimæ Austriacam, Valisiam & Ottomannicam, cùm quæ eas antecesserunt quibusque hæ successerunt, conciderint. Verùm cùm iam multa & præclara Nobilitatis ornamenta complexi simus, illud nunc ordo orationis

nis

nis postulare videtur, ut quibus modis Nobilitas minuatur deperdaturque nonnihil dicamus. Ea igitur vitiis quæ superioribus virtutibus maximè sunt contraria pessimum datur & labefactatur. Nam licet, ut suprà exposuimus, ferè sit, ut qui nobili loco nati sunt, indole non mediocri ad virtutem à viciorum labe alienà, id tamen non usquequaque, ac perpetuò verum est; frequenter enim Heroum filij noxæ sunt (ut est in prouerbio) sæpè filios nequam producant. Qui quidem ut optima etiam indole & in laudis studium procliui nascantur: non rarò accidit, ut indolem pessimâ cōuersatione & prauâ educatione amittant. Cùm quis igitur tam malis moratus est moribus, ut nullam mediocritatis rationem habeat, is certè in tenebras sese deiicit, & familiam suam illustrem, quantum in se est, obscurat, turpatque. Marcus Tull. Cicero, in oratione quâ respondet Salustio, qui eum contemptim vocarat nouum hominem Arpinatem: Ego, inquit, meis maioribus virtute meâ præluxi, ut si priùs noti non fuerint, à me accipiant initium memoriæ suæ. Tu tuis vita quam turpiter egisti magnas obfudisti tenebras, ut etiam si fuerint egregij ciues, certè venerint in obliuionem. Quemadmodum igitur Iustitiæ cultus, multis Nobilitatis splendorem peperit: sic etiam quod

H huic

huic virtuti aduersatur vitium iniustitiæ, multos mortales è dignitatum, honorum & Nobilitatis possessione præcipitauit. Cuius quidem rei omnium propè Tyrannorum exitiales catastrophæ disertissima exempla præbent, qui ferè semper non solum ipsi fortunis & auctoritate spoliati fuerunt, sed cum vniuersa familia, iisque, qui illis sanguine iuncti erant. Quid deinde ignauia aut vilius aut ignobilius excogitari potest? quâ innumeri imperia Maiorum virtute parata, sibi contumeliosè auferri viderunt, & vniuersæ posteritati tenebras offundi? Iam quid auaritiæ turpitudinem & foetorem persequar, pestem Reipub. maximè execrabilem, quæ omnem tollit amicitiam, & sanctam societatem, nemini prodest, quibus etiam potest, nocet. Auarus enim cum propter animi angustiam parto frui non audeat, pauperes violat & expilat, diuitibus insidiatur, socios, ignotos & hospites vexat, publicus omnium hostis aquâ & igni interdicens cum inutilis sit ciuitati, Reipub. perniciosus, sibi quæ ipsi demum hostis acerrimus, cui tam desit quod habet, quam quod non habet. Auari certè sunt illi dæmones maligni, tristes, obscuri, sordidi, squallidi, quos Diogenes cum Alexandro differens primo loco ponit. Quos pecuniam pluris facere, quàm patriam,
paren-

parentes aut cognatos ostendit. Propinquorum enim mortes expectant, quorum inhiant hereditatibus, non temerè rident, omnia suspecta habent; inimicitias, odia, maledicta nihil curant, modò rem faciant. Magneti in hoc similes, quod sicut ille ferrum ad se trahit: sic isti aurum & argentum vndique, & quouis modo, rapiunt, omni certè tyranno sæuiores. Quum autem turpe sit omni viro auaritiæ labe infectum esse, tum maximè illi qui passim nobilis audire vult, in qua nihil potest esse peruersius, cum ad liberalitatis officia ille præter cæteros homines natus videatur. Quare cum hostes patriæ auari censeantur, merito in eos lata hæc lex est. Auari in vrbe ne sunt: si fuerint, publico edicto eiiciantur: tantum abest ut inter nobiles & patritios viros illis locus aut nomen detur. Iam quid de litterarum inscitia dicam, neque enim libet exemplis omnia confirmare: De paupertate maior dubitatio videtur, quâ ut asseramus Nobilitatem non prorsus deperdi (quod tamen voluere inter iuris consultos multi præclari viri^b & inter Grecos Menander, cuius circumfertur hic senarius,

H 2 Πενία

Fortuna non mutat Genus
Horatius.
b Bart in l. r.
in F. & ibi
Ioan. Plat.
col. 1. C. de
Dignit. libro
paupertatem

12. Sequit. Cepoll. in tract. Nobilitatis col. 7. versic. & ideo si quis ad paupertatem deuenierit sequuntur etiam plures alij.

Πενία δ' ἄτιμον καὶ τὸν εὐγενῆ ποιεῖ.

& Euripides in electra.

Λαμπερὶ γὰρ εἰς γένε· γε χρημάτων δὲ
δὴ

Πευήτες, ὅθεν ἡ ευγένεια ἀπὸλλυται.)

Fateor tamen eam esse contemptui & ludibrio
vti est paupertas, sicut etiam Iuris nostri auctores
annotarunt : & à Plauto scriptum est, præstat di-
uitem esse & popularem, quam nobilem & men-
dicum; & alibi Euripides :

Οὐδὲν ἡ εὐγένεια πρὸς τὰ χεῖματα.

Nam si virtus ex Peripateticorum sententia indi-
get opum adminiculis : quid de Nobilitate dice-
mus? Nunc cum perspicuum sit, Nobilitatem
& ortum suum & occasum habere : illi certè vi-
dentur magnis encomiis celebrandi, qui hunc
splendorem genti suæ accersunt; illi odio dignissi-
mi, quorum labe & scelere iam adquisitus amit-
titur, qui nec familiæ genio, nec aorum pro-
positis exemplis ad virtutem fouendam, ad Rem-
pub. iuuandam excitati, cæno voluptatum & vi-
tiorum se submersere. Quapropter puto ipsam
Nobilitatem (si Deus ei formam vocemque daret
huma-

i Jacob de S.
Georgio in
tract. de Feu-
dis chart.
xxix & Mat-
th. Affl. in cō-
stat. Regni
quamp plurimū
col. 11. vers.
Quid autem
si Dominus
ipse faciet Bo.
Curt. in suo
tract. de No-
bilit. col 2.
vers. tertius
& ultimus.

humanam) in tales inuecturam, sicut eam introducit Philon Iudæus in opusculo cui, de Nobilitate, titulum fecit. Et si quis sensus apud vitam functos superest, siue quid apud nos agatur, sentiunt, dolent, & quidem vehementer dolent, tales generosi Maiores de se tam indignam posteritatem ortam. Et si in vitam redire possent ea credo censura in liberos degeneres vterentur, qua Brutus ille primus libertatis Romanæ vindex, quæ conscios coniurationis filios virgis cœdi, ac securi percuti iussit. Quam seueritatem imitatus Cassius filium suum populi Romani imperium affectantem necari iussit. L. Manlius Torquatus item, quum filius eius Syllanus à Macedonibus, ^a repetundarum accusaretur: solus ut de causa cognosceret, à Senatu petiit, & impetrauit. Ea verò accuratè discussâ, & filio criminis reo reperto, huiusmodi iudicium tulit ^b. Quum Syllanum filium meum immeritam pecuniam diripuisse constet: paternis laribus ac Reipub. beneficio, & omnium ciuium societate, eum indignum iudico. Recedens idcirco Syllanus extra patris conspectum, animum despondens, sibi ipsi manus intulit violentas; cuius quidem funeri tanquam se, & patriâ indigni, interesse noluit pater. Non possunt certè parentes optimi flagitijs contaminatos filios charos habere,

^a Syllanus à Macedonum Legatis repetundarum accusatus.

^b Torquatus filium domi causam iussit dicere & re ex utraque parte biduum audita, tertio die pronunciauit,

„Cū Syllanū filium meum pecunias à socijs accepisse mihi probatum sit, & re & domo mea indignū iudico, protinus quæ est conspectu meo abire iubeo. Quæadmodum Valer. Max. lib. 5. & Cicero de finibus primo testantur.

H 3 ideoque

ideoque superstites adhuc eos sapè exhaeredes faciunt, aut abdicant & annulum detrahunt, inque locum eorū, ne agnationis nomen intreat, alios, quorum est spectata virtus, adoptant. Quanta moderatione vsum censebimus Antoninum Philosophum. Imp. Aug. dum filium suum Senatui commendauit, cuius verba verè Philosophica fuerit huiusmodi: Filium (inquit) meum commendo, si nobis & Diis immortalibus dignus erit, modestè sanè & prudenter, ne si secus se filius, quàm vellet pater, habuisset, gloria paterni Principatus, aliquā filij labe contaminaretur. Rogatus à Xantippe Socrates, vt propter filios, in vita remanere vellet: Nequaquam respondit. Tum illa, Cui filios commendatos relinquis? Nemini, inquit Socrates; nam si mei similes erunt, nullā indigebunt cōmendatione; sin secus, nolo filij Socratis dicantur; non enim merentur. Longum hic esset disputare an Nobilitatis decus perdatur per ingressum Religionis (vt vocant) artium vilium exercitia; Iudicis, Aduocati, aut procuratoris officia faciendo, Medicum, Agricolam, aut mercatorem agendo, & in vniuersum, quæ sint artes, quibus huic splendori derogetur. Sed quia non me latet fusissimè in vtrāque partem hæc, & similia discussa esse à nostræ ætatis celeberrimo Iuris cōsulto Andrea Tyraquel-
lo

lo Gallo, qui eorum nihil quæ ad hæc scribi dicere potuerunt, intactum reliquit, lectorem cui iam fortassis prolixitate meâ stomachû moui, ad eum lego. Si quis verò tantus Helluo inuenietur cui adhuc non faciet satis Tyraquellus, & plura quæ ad hanc materiam pertinent, auebit cognoscere: is rectâ proficiscatur viâ ad eos, qui de hac materia fusissimè editis commentariis, vel passim in libris suis pro re nata, scripsere; scripsere autem plurimi. Hi certè; Ioannes quidem Raym. magni nominis Iurisconsult. Item Bonus Curtilius, Bonartisius quidam & Ludouicus Gomes, libros seu tractatus de Nobilitate ex professo, (vt aiunt) elucubrauerunt. Bartholus in l. i. C. de dignitatibus libr. xii. multa de hac re simul congescit, sicut & Bartholo Cepolla in tract. de Imperatore militû deligendo. Barb. in repet. extrauag. volentes; Petrus Artibolus in tractatu de muneribus c. xx. charta Anto. Corfatus in repet. c. grâdi. de suppl. neglig. Prælatorum, lib. vi. primus item glossographus Regularû Cancellariæ Innocétij VIII. & Iulij II. Pontif. Romanorû, & Barthol. Chassan. in catalogo gloriæ mûdi in 8. parte. Quorû omniû id præcipuum est institutû, vt doceant quid sit Nobilitas, eius species, priuilegia, ad quos progrediatur; num scilicet, deriuetur in liberos hæredes trāsuerfales, an Nobilitas

c Andreas Fa-
vinus, Gallus,
Flaminius
Nobilis, Ita-
lus, Diony-
sius Harduy-
nus Belga.

mariti in vxorem vsque transfiliat, & è contrà, vxoris in maritum, & eius liberos. An etiam hic splendor ascendat in liberis ad parentes; Multa denique huius farinæ alia quibus lectorem obtundere nolimus. Philosophicè verò de Nobilitate scripsere Philon Iudæus Philosophus Platonicus, de quo extat hoc D. Hieronymi in catalogo scriptorum Ecclesiasticorum elogium, ἡ πλάτων φιλονίζει, ἡ φίλων πλατωνίζει. Hic sanè scripsit de Nobilitate libellum peculiarem Philosophiæ & Theologiæ plenū Latinè versum ante annos (ni fallor) quinquaginta à Sigismundo Gelenio patritio Pragenfi Bohemo, qui reliqua etiam Philonis Opera transtulit, quem tamen libellum miror Tyraquellum scribere non extare, qui omnia quæ scripta extant, non vidit tantum, sed legit, sed abliguriuit, deuorauit. Plutarchius Cheronæus duos libros scripsit, in quorum altero Nobilitatem tuetur, in altero candem oppugnat. Atheneus verò commemorat, Diogenem, Babylonium, Diogenes etiam Laertius Aristotelem & Metrodorum Atheniensem, Epicuri discipulum de Nobilitate peculiariter scripsisse; Danthes item Aldigerius vates, & patritius Florentinus in carmine cuius initium *le dolce rime d'amore*. Poggius

gius eius *συμπαραιδότης*. Felix Mallecolus Germanus. Baptista Platina Cremonensis, is qui vitas Romanorū Pontificum descripsit; Xystus Betuleius Augustanus, eandem quam superiores in hac materia, operam nauauit. Franciscus Patritius in libro de institutione Reipub. latè etiam de Nobilitate disputauit. Christianè verò in hoc campo versati sunt & scripsere Ioannes Gerson & Hieronymus Oforius Lusitanus Oratorum huius sæculi omnium eloquentissimus, qui idem & de Nobilit. ciuili libros 2. scripsit, quorum omniū scriptis plurimum me profecisse libenter profiteor : Sed tempus videtur vt receptui canam, & vela contraham; non enim mens erat, quum hunc sermonē inceperam, tam latè omnia & copiosè tractare, at leuiter tantum, & primis (quod aiunt) labris quædam gustanda propinare, ne inurbanè statim ad tantum negotiū (quo de agimus) accessisse, meritò reprehendi possemus. Sit itaque hæc prior nostri scopi pars, quā actum sit de Nobilitate deque iis, quæ in disputationis nostræ initio sponponderamus; Sequens Oratio notas complectetur visibiles, item nonnulla quibus Nobilitas ab ignobili vulgo, & fece plebis, per omnes ferè ætates discretæ fuit. VIRI ergo excello loco nati non indole siue genio tantūmodò, moribus aut animi dotibus,

Ioannes Baptista Nemius I. C. & eques Cæsareus scripsit de Nobilitate libros tres.

I ab

ab ignobilibus differunt: verum & aliis diuersis rebus, quæ oculis subiiciuntur. Quandoquidem & vultus, & totius corporis aspectu, ac lineamentorum figuris ferè differre solent, sicut alia generosiora animalia suas habent notas visibiles, quibus ea in specie sua aliis eas notas non habentibus nobiliora iudicamus, de quibus multa Columella atque alij rei rusticæ scriptores. Allusit autem ad sententiam nostram Poëta Sulmonensis de Romulo loquens & Remo.

Lib. 2. Fastorum.

*Si genus arguitur vultu, nisi fallit imago:
Nescio quem è vobis suspicer esse Deum.*

Lib. 4. eiusdem operis.

Et rursus:

Ne facies impar nobilitate fuit,

Et Paris ad Helenam:

Forma vigorque animi, quamuis de plebe videbar,

Indicium tectæ nobilitatis erat.

Quò disertè demonstratur quisquis verè nobilis est, eum statim ex conspectu, & membrorum analogia ac signis, huiusmodi apparere, quemadmodum è diuerso qui humili loco natus est, talis mox ex Physonomia dignoscitur ac deprehenditur;

titur; quantumlibet Nobilitatem ementiri conetur, nobilisque videri studeat. Apud Quintilianum cum Longus Sulpitius vultu admodum deformis, ei contra quem in liberali causa aderat, dixisset, ne faciem quidem liberi hominis habere: ei respondens Domitius Apher, qui contra huic aderat. Tu, inquit, ex animi sententia, Longe. Qui malam faciem habet, liber non est. Dido certe Virgiliana hoc argumento ducta rectè collegit Æneam viris esse nobilibus atque adeò Diis ortum immortalibus.

- ” *Quis novus hic nostris successit sedibus hospes*
 ” *Quem sese ore ferens, quem forti pectore &*
 ” *armis?*
 ” *Credo equidem, nec vana fides, genus esse Deo-*
 ” *rum.*

Certè incredibile videbatur, eum ignobilem virum esse, qui tam præclara in corpore Nobilitatis testimonia secum ferret. Ceterum de vestium generibus Nobilitati peculiaribus, quibusue cam à vulgo dignoscimus, superiori oratione, sermonem fecimus: feruntur tamen præterea in vestibus, & alicui corporis parti adpenduntur, aut adpinguntur alia signa quædam & Symbola Nobilitatis; Cuius generis apud Romanos fuit Bulla

I 2 aurea

aurea pendere solita de collo triumphantis, aut Nobilium puerorū in formam cordis formata, ac quibusdam remediis contra fascinum, & inuidentium oculos referta, quæ pueris dabatur, ut cordati & triumphantium similes euadere studerēt. Scorea verò bulla de collo dependens, insigne erat libertinorum & ignobilium & plebeiorum. Lunulas item in calceis nigris ferebant ij qui ordinis erant Patritij. gerebantur hæ lunulæ circa talum, quæ tamen secundum nonnullos communes fuisse putantur toti Nobilitati. Cicero Philipp. 13. Est etiam Asinius quidam Senator voluntarius lectus ipse à se, apertam curiam vidit post Cæsaris mortem, mutauit calceos: Pater conscriptus repente factus est. Id est, lunatos calceos sumpsit. Horatius,

*Nam ut quisq; insanus nigris medium impedit
cras*

Pellibus & latum demisit pectore clauum :

Ignoti autem, obscuri, transmarini, & externi calceos habebant gypsatos, & creta argentaria pedes venalitorum trans mare aduectorum antiqui illinere consueuerant, quod & Plinius tradidit: Hinc ait Tibullus:

Vera

d Author A-
sconius Pe-
dianus 3. in
Verrem actio
ne: Plinius,
lib. 33. c. 1.

Macrob. libro
1. Satur. c. 6.

*Vera loquor, regnum ipse tenet quem sapè co-
egit*

Barbara gypsatos ferre catasta pedes.

Et Iuuenalis de Crispino:

Nuper in hanc urbem pedibus qui venerat albis.

Aureos etiam annulos non ferebant nisi qui nobiles essent, quamvis hoc signum propriè corum fuerit, qui ordinis erant equestris; Inde ius annulorum aureorum pro Equestri ordine, & hodie calcar aureum. Olim apud Indos in auribus aurum ferre Nobilitatem designabat, sicut & hodie, sed & in labris multi hoc gestitant in Aphrica & India nobiliores. In Italia verò in aures ferre, plebeiis etiam mulierculis commune. Erat certè hic mos apud nobiles Persas, nobiles & Athenienses auctore Apuleio;

- » *Qui aurum (inquit) tantum reliquit, quantum*
» *puer nobilitate insigne cum auricula gestavit.*

Sciens hic prætermitto quæ de huiusmodi notis apud Thraces gestari solitis scripsit Herodotus, apud Britannos, Helenos, & Agathyrsos: Julius

I 3

Cæsar

proponere indicium nobilitatis & vetustatis familiarum censebantur.

Olim nobilitatis, post ingenuitatis aureus annulus insigne fuit, unde adhuc de iure aureorum annulorum tractatus in nostris mss. libris extat.

f. Q. Curtius & Arrianus Nicomediensis uterque lib. 8. de rebus gestis Alex. Libro primo de dogmate Platonis.

In Ægypto in vestibus domorum alas vulturum

Cæsar, Solinus & Pomponius Mela. Hoc verò scire non possum quod referunt scriptores, etiam nominibus olim discretam à vulgo fuisse Nobilitatem apud Romanos; tria enim apud eos Nobilibus, sæpè etiam quatuor, prænomen, nomen, cognomen, agnomen, idque inprimis nobilitatem generis monstrabat legimus, fuisse nomina: Cæteris duo solummodò sicut & Mulieribus. Juvenalis Saty. 5. Tanquam habeas tria nomina quamvis id non fuisse perpetuum docet Festus Pompeius lib. 14. Itali sanè Nobiles, etiamnum nomina ferè quam vulgus habent Pulchriora, quod ut in aliis Italia locis, ita in Regno Neapolitano plurimum observatur, ubi proceres Regum suorum nominibus mirum in modum gaudent appellari: Sed apud Turchas potissimum hæc differentia est solemnitas, qui natali die Regibus suis huiusmodi ferè nomina indunt, Salenner quæ vox Solomonem significat. Sultan Scelim, id est, Princeps pacis. Muratbeg, id est, desideratus dominator, Mustafa, & similia; Ducum verò nomina sunt huiusmodi, Pirim, Hairadon, Hader, Ebrahim; Dominorum humilioris conditionis, Spahalar, Sanflar, Eminler, Behram, Memmi, Mehemmet, Alli, Ahmat, Tcielebi, Parazith, Chatfun, Hutsref: Cæteris omnibus Nobilibus, Mutfa Ionutz, Schender

Schender, quod Alexandrū significat: vnde Turcæ Ægypti Alexandriam Schenderiam vocant, Captiuorum ac seruorum maiori ex parte, Perhat, Ferro, Seremeth, quod nomen significat audacem & velocem, id est, dromonem: Sunt & aliæ Nobilium familiis propriæ notæ, de quibus hîc ex professio agere longiusculè intendimus, tum quia tota disputatio erit amena, tum quod nullius (quos quidem hætenus viderim diligentia) tractata sit commentariis, præterquàm Bartholi nostri, qui tamen multa intacta reliquit, multa leuiter pertransiit. Vtilis certè est hæc materia, ac multum momenti habet; dignaque in quam plusculum operę ponatur, Gentilicia certè insignia, quæ vulgus arma vocat, Nobiles gestant, quibus ab ignobilibus differunt. Horum sanè vsus antiquissimus est, nam compertum habemus vetustissimis temporibus Anubin, & Macedona Osiridis filios, armorum insignibus vsos fuisse, referente Diodoro, & canis exuium alterum, lupi rostrum alterum in armis suis gessisse. Sic Tydeus apud Æschylum in clypeo, depictum fert coclum stellatum cum luna medium vmbonem occupante. Hippomedon, Typhonem fumos ore efflantem, Parthenopeus Sphingem, Perseus Gorgonis colubriferum caput: Veneris genetricis Iulius. . Hector

De armis
Gentilitiis.

Vsus armorum antiquissimus.

duos leones aureos eleuatos se mutuo inspicientes in æquore rubeo gerebat: Alexander Macedò in clypeo cæruleo Regem regio prorsus more vestitum sedentemque in folio. Ferunt inter Hebræos Dauidem pro insignibus vsum fuisse, aurea lira in campo rubeo: Iosuem verò tribus psittacis viridibus in aurea planitie: Iudam Machabæum Dracone rubeo in plano argenteo, sic alij Pegafos, Mynotauros, Harpyias, Leones, Vrsos, Aquilas, aut aliud quidpiam pictum in vmbonibus ferebant, quo in ineundis præliis ipsorum virtus accendebatur. Atque illa hercle in Colchida facta ab Argonautis inclyta expeditio, non aliunde tamen traxit, quàm à vellere aureo, quod vexillo classis præcipuo adpictum fuit. Diis etiam gentium arma & insignia attributa fuere: Ioui fulmen, tridens Neptuno, Herculi claua, framea Marti, Baccho Thyrsus, Hasta Palladi: Sed & Ciuitates & populi iam inde ferè à primis temporibus, arma quædam siue insignia peculiaria habuere, neque hodie vllus est vsquam gentium populus, aut prouincia quæ insignibus non vtatur. Scythæ veteres fulmen ferebant, populus Isracliticus characterem Tau, Ægyptij Apin, hoc est, bouem, Suem Phryges, Arcus & Pharetras Persæ, Romanorum signum fuit Aquila nigra in aureo æquore, à Iulio Cæsare primum

mum (vt quidam auctores sunt) portari cœpta, quod illa in conflictu quodam, & inter medias armatorum copias, in capite ipsius fataliter confedisset, & duos coruos hinc & hinc ipsi negotium facessentes interemisset. Hanc Aquilam Iouis alitem fuisse fabulantur Poëte, alij Mercuriû Deorum nuntium nigredine & nube quadam obductum; qui Iouis voluntate Cæsari opportunum auxilium tulerit. Quod quidem omen quum Augures animaduertissent, vi dolisque illum Romæ regnaturum vaticinati sunt: Ab illo sanè tempore, Impp. Romani Aquilam in hunc vsque diem pro symbolo militari atque adeò Insignium vice, portauerunt, quæ posterioribus temporibus ad designandum Orientis & Occidentis Imperium biceps est facta. Non ignoro tamen Plinium scri-

Libro 10. ca-
pite 4.

ptum reliquisse, C. Marium cuius Cæsar fuit Sororius nepos in secundo Consulatu suo Aquilam Romanis legionibus dedicasse: Sed & alia quatuor signa ante Aquilam Romani habuere, lupum scilicet, equum, Aprum, Minotaurum, quæ or-

Plinius loco præcitato Insignia gentilitatis arma sunt militiæ quæ ipsa primum (vt simile est veri)

K suum

Virtutis præmia fuerunt ac rerum præclare gestarum decora, vt sentit vlt. ff. de Orig. Iuris. Ad stipulatur Alciatus. vide lib. 5. *maximè*, c. de Armis.

Budeus in l. insignibus &

Arma cæli-
tus data.

suum, ex virtute bellica sumuntur; Nam quidam diuinitus, & è cœlo sibi missis armis vtuntur, alij innatis, alij de hoste victis, alij casu oblati, denique plerique virtute bellica sibi quæsitis. De quibus singulorum generibus nunc agemus. Qui Francorum historias scripsere, testantur in ea Franciæ parte, vbi nunc Regia Palatia sunt Sancti Germani in Laya, & *Mont-loye* ad septimum ab vrbe Parisiis militare, Abbatiam esse Monachorum Præmonstratensiu vulgò *Ioye en val* nuncupatam, vbi ab hinc aliquot sæculis à cælestibus Dei Omnipotentis nuntiis aligeris delata sint arma, quibus postea Franciæ Reges vsi sunt: quum ante tempus illud vterentur in armis non liliis, sed tribus aureis bufonibus in aureo clypeo, vel secundum Paulum Æmilium & alios nonnullos, tribus coronis aureis; Accidisse autem id referunt Clodouei primi tempore, qui primus inter Francorum Reges sacro baptismo tinctus fuit. Hodie sanè illius miraculi argumentum, conseruat loci illius Archimandrita scutum illud tribus ornatum liliis, quod tamen postea Clodoueus ipse vel alius post eum, ex Regibus successioribus oneravit, seu seminavit, diuersis liliis, & quidem vt Heraldī loquuntur sine numero, eoque sic vsi fuere Galliæ Reges vsque ad Carolum VI. Regem, qui

qui ea arma reformauit, vti nunc videmus, vt scilicet sint tria aurea lilia in campo cœruleo, qualia fuere ea quæ primitus de cœlo missa perhibentur, Simile refertur de armis Regum Nauarrę; Tefinus enim de Stirpe Saracenorum Comes Tholosę primus eorum Comitū qui Christianā fidem & baptisma amplexi sunt, circa annū Domini 778. Caroli Magni Augusti tempore dum Bajonam obsideret, nocte quadam vidit Angelum qui sibi diceret, suaderetque, vt relictis illis armis quibus ante susceptum Christi lauacrum utebatur (ea erant tres arietes) sibi alia sumeret, duodecim, scilicet aurea poma in figuram crucis, sicut fecit, suntque arma quibus hodie vtuntur Reges Nauarrę, qui quidem descenderunt à Comitibus Tholosanis; sed quamuis Comites Tholosę & Reges Nauarrę iis armis hactenus vsi sint; Vrbs tamen Tholosana in insignibus suis etiamnum arietes illos gerit; Hyginus porro Fabularum c. 72. scriptum reliquit, quibusdam familiis armorum fuisse innatorum ac in vtero materno ingenitorum & impressorum vsum: Refertque omnes qui ex Dracontęa gente erant, in corpore gentilitium insigne habuisse; Iustinus verò lib. 15. tradit Laodiceen Seleuci matrem cum nupta esset Antiocho viro inter Philippi Macedonis Duces claro, visum

Arma corpori innata.

esse sibi per quietem ex Apollinis concubitu concepisse, grauidamque ex eo factam, concubitus præmium annulum à Deo accepisse munus, in cuius gemma anchora sculpta esset iussamque id donum filio, quem peperisset, dare. Admirabile hoc fuisse, & postera die eiusdem sculpturæ in lecto annulum inuentum esse, & figuram anchoræ in foemore Seleuci natam, in matris vtero. Quamobrem Laodice Seleuco eunti cum Alexandro magno ad Persicum bellum, annulum dedit, edocto de origine sua: vbi post mortem Alexandri occupato Regno Orientis, urbem condidit ibique geminæ Originis memoriam consecrauit. Nam & urbem ex Antiochi patris nomine Antiochiam nuncupauit & cāpos vicinos Apollini dicauit. Originis eius argumentum etiam posteris mansit: siquidem filij nepotesque eius anchoram in foemore, veluti notam familiæ naturalem, habuere. Ex quo illud Aufonij in urbium catalogo, vbi de Antiochia & Alexandria;

illa Seleucum „

Nuncupat, ingenitus neuus fuit anchora signū, „

Qualis inusta solet generis nota certa, per om- „
nem „

Nam soboles seriem natina cucurrit imago. „

Hanc :

Hanc anchoram Seleucus ipse pro signaculo in annulo & armis deferbat, vt Author est Clemens Alexandrinus, cui non absimile scripsit Heliodorus Phœniceus de Æthiopiæ Regibus. Alij rursus ex re nata, siue casu arma sumplere, fortuito, sicut in Lotharingiæ & aliis Annalibus legimus in memorabili illa Syriæ expeditione. Godefredum Bullonensem, quum Turrim Dauidicam in Hyerosolymorum obsidione sagitta peteret, illam sagittam humi decidisse tribus in aëre transfixis onustam alitibus, portentum sanè indicans celsitudinem & autoramentum Regiæ suæ & Hyerosolomytanæ creationis. Cuius quidem facti claram testificationem ostendunt etiam hodie Lotharingiæ Principes, qui arma ferunt horum trium alitum sagitta transfixorum; memoriam renouantia eademque in suis & publicis numismatibus in hunc usque diem religiosissimè obseruant. Sumuntur etiam hæc insignia gētilitia à re vel virtute quam nobis ob oculos sæpius versari volumus. Sic Moguntinensium libri referunt historici: Willegisum Saxonem, (illum inquam) qui obscuro loco ortus quum esset, propria virtute & factis, eo se euexit, vt Otthoni II. Imp. Aug. à sacris fieret pariter & consilius, dein Ecclesiæ Metropolitanæ Moguntinæ Primas & Archiepiscopus in ordine

Pædagog. li-
bro 3. c. 11.

Hist. Æthiop.
lib. 10.

Arma ex casu
sumpta.

Arma à re aut
virtute quam
imitandam
proponimus.

tertius & trigessimus, in illius scilicet locum suffectus Hattonis qui portentose à muribus prope Bingium ad confluentiam Rheni & Nahæ in medio amne viuis fuit discriptus, & deuoratus, quod is anno scilicet supra nongentesimum decimo-quarto Otthone Magno Aug. Imperante, quum vniuersam Germaniam ingens fames cruciaret) multos conspicatus pauperes panem mendicantes, eisdem congregasset in horreo, & concremari simul omnes mandasset; dicens, non differre eos à muribus qui frumentum comedunt ad nihilum vtilis. Is Willegisus factus Archiepiscopus, in suo coenaculo pingi iussit, quam præ oculis semper haberet Rotam, cuiusve conspectu admoneretur fortunæ & humanarum rerum inconstantia ac incertitudinis, & quam arridete eadem fortunâ olim plebeculæ ereptus inter summos sue ætatis Principes & Prælatos esset collocatus. Rotæ autem huiusmodi ad pingi iussit Symbolum. *Villegise memineris quod sis, quidque olim fueris.* Quod quidem Rotæ signum cum inscriptione, tunc datum fuit ab Imp. Aug. Archiepiscopis Moguntinis, vt eo vterentur perpetuò pro armis aut insignibus, & confirmatum ab Henrico II. Imp. Aug. cui cognomen Claudio. Sic etiam ferunt Pretojannem Æthiopix Monarcham (quem alij Presby-

Presbyterum Ioannem India Regem nominant, pro suis armis ferre Christum in cruce pendētem fusci coloris, cum duobus flagellis nigris in campo aureo, in quem scilicet mentis aciem & corporis oculos, & in illius pro hominum genere crucifixi acerbae passionis memoriam semper intendat. Alij rursus assument arma quibus suam denotent antiquitatē, sicut Athenienses qui aureas cicadas (vt supra dictum est) portabāt; sic lunulas in calceis olim ferebant^d. Romani patritij, veluti ab Euandro & Arcadibus oriundi, qui se ante lunam natos crediderunt, Auctor Plutarchus in quaestionibus^e. Alij alludentes ad vocem cognominis sui gentilitij, assumpserunt ea arma, quae maximè cognomini conformia videbantur, & sic illustri familia in Allobrogibus (*della Rovere*) vulgò nuncupata, quae vox robur quercus speciem denotat, pro insignibus quercum gerit. Hanc autem Paranomasiā in Regnorum armis, & ciuitatum maximè obseruatam videmus. Ita in Hispaniis Regnum Castiliae, habet pro armis turres seu Castella aurea in campo rubeo. Regnum Granatae malum punicum (quam Granatam vocant Hispani) in campo argenteo. Sunt etiā familiae quae plurimā

^e Arma ad antiquitatē nationis aut generis demonstrandam.

^d Atticis etiam mos erat capillorum cincinnis aureas cicadas addere, hoc indicio significantes *arxiboras* esse sese, id est, indigenas quē admodum & cicadae non aliunde commigrant sicut pleraque alia, sed inibi nascuntur vbi viuunt, Hinc prouerbiū, *τίττι γὰρ ἀνέμωσι*. Cicadis operti in gloriosos ac stultos olim cognominis.

dicebatur aut obsoletis ac iam desitis, vtentes. familiae.

^e Arma ab illusione

f Arma à patria sumpta aut ab allusione nominis Patriæ.

Arma à significatione præteritæ vitæ.

* Recitat Guil. Benedicti in sua repetit. c. Raynautius in verbo Raynaut. de clerico num xxv. de Testamentis.

plurimæ quæ nomini patriæ *f* conformia sumunt arma, aut loci unde sunt oriundi. Sic veteris Attendulæ gentis in Romandiola insigne fuisse accepimus Citonium, scilicet pomum (quod Itali cotognam vulgò vocant) ductum, scilicet, ab oppido nomine Cotignola, vti principem familiam decuit; de quibus quidem insignibus latiùs agemus in Nobili Sfortiadum Romanorum & Mediolanensium familia. Alios quoque arma assumpsisse legimus, non quidem præsentis vitæ conditioni conuenientia, sed quæ magis præteritæ argumentum adferrent: Sic Gordius Midæ ditissimus Phrygum Regis pater, ex Agricola factus Rex, Gordium ciuitatem inter Asiam maiorem & minorem condidit, & à nomine suo nuncupauit, in ea templum Ioui struxit, & memor antiquæ suæ conditionis in templo (arma propria & insignia fingens posuit aratrum, quo aliquando usus fuerat, & ex loris seu funibus, quibus boues in iugo tenuerat, nodum adiunxit: miro artificio, vt neque principium neque finis deprehenderetur in eo, eumq; Ioui consecrauit; donec qui eum solueret, occurreret; * Alij vt ostendant se rebus patriæ afflictis lucem attulisse, stellis scuta sua siue arma distinxerunt: Sunt nonnulli qui vt ostendant sibi ius in aliqua re, aut ditione competere,

nc

ne videantur animum illius possidendi abiicere
aut ea pro derelicto habere velle, illius ditionis
arma assumunt; Sic Rex Angliæ gestat tres Leo-
pardos aureos in campo rubeo, eò quòd asserit, se
esse Ducem Normanniæ, qui pro armis suis ha-
bet duos Leopardos, & Ducem Aquitaniæ, qui
quidem Dux utitur vno Leone; & hos tres simul
connectit: & quia pretendit idem Rex sibi ius cõ-
petere in Regno Franciæ: ideò & Franciæ Regis
arma in scuto suo fert, Lilia scilicet aurea tria in cã-
po cæruleo; hæc verò & illa fert quadripartita.
Alios arma cognouimus accepisse, quibus crede-
rent se hostibus terribiliores fore. Sic Principes
Belgici paraturi olim in Syriam expeditionem, re-
lictis veteribus insignibus, assumpserunt vario-
rum colorum leones, quibus, scilicet, Saracenis
essent formidabiliores. Flandriæ quidem Comes
Leonem atrum in campo aureo; Dux Brabantiae,
Leonem aureum in atra planitie: Hollandiæ Co-
mes, Leonem rubeum in æquore aureo: Dux
Limburgi, Leonem rubeum in scuto argenteo:
Dux Geldriæ, duos Leones se inuicem respicien-
tes in aureo plano; & alij alios. Sunt quibus in
aëre visa portenta & subitæ nec inopinatæ impres-
siones, causam armis gerendis dedere, vt mox di-
cetur in armis Regum Portugalliæ. Arma etiam

Arma à re in
quam nobis
ius competit.

Arma ad ter-
rorem hosti
incuriendum.

Arma à me-
teoro siue im-
pressionem cæ-
lesti.

L pacto,

Arma pacto
aut testamen-
to sumpta.

Arma ab ali-
quo egregio
facinore in
bello edito.

δ Hippolytus
Medices Car-
dinalis, non
inane prodig-
ium immi-
nenti morti
sue præstru-
xisse videtur,
quum pro ar-
gumento in-
signium suo-
rum crinitum
cometem iu-
uenili atque
amatoria le-
uitate gesta-
ret, qua spe-
cie dico olim
fulgore in ce-
lo ardens C. Iulij Cæsaris necem portendisset. Paulus Iouius in elogio dicti Hippolyti
Cardinalis. ε Acquiruntur arma potissimum in militia & ibi maximus est eorum usus.

pacto, aut testamento sumuntur: sic superioribus
annis D. Petrus de Werchinio Seneschallus Han-
noniæ, Eques aurei velleris cum proles masculas
non haberet, filias quidem duas, earum alteram
locauit D. Hugoni de Meloduno nobilissimo iu-
ueni, & pro dote ei assignauit donauitque Bien-
sem ditionem quæ est ad Schaldim prope Anto-
nias, & dignitatem Seneschalli Hannoniæ, cum
pacto vt assumeret cognomen Werchinia fami-
liæ gentilitium & arma, depositis suis propriis. Ve-
rumtamen magis est, vt à virtute bellica vel ali-
quo egregio facinore militari armorum gentili-
tiorum gerendorum principium sumatur. Nam
& olim quum aliquis egregiam operam in bello
præstitisset, erat eidem ab Imperatore indultum,
vt nobilis haberetur, & insigne virtutis gestaret
aliquod, quo nobilitaret ac illustraret genus & po-
steritatem suam, eamque ad similia facta prouo-
caret. Et Alexander Magnus consilio Aristotelis
præceptoris sui donauit milites bene contra hostes
certantes diuersis muneribus & insignibus, hinc
ea ipsa Galli vulgo vocant *Cottes d'armes*,^ε quæ
Nobiles & milites Principis portant, vt inter alios
dignoscantur maximè in bello & acie, cui cum
Princi-

Principe suo interfunt, ^d fitque ferè semper ut ^d Facit l. stigmata in his
 quibus Principes hoc beneficij præstant, ea do- ^{verbis: Ad}
 nent emblemata quibus virtutes eorum qui sic ^{imitationem}
 honoratur (quam fieri potest lucidissimè) demon- ^{tyronum de}
 strentur & exprimantur. Quidam igitur tot Ca- ^{Fabricensib.}
 stella depicta gestant, quot ipsimet vel generis sui ^{lib. xi. Cod.}
 Principes pugnando ceperunt: alij circulos aut
 quoduis aliud pro numero hostium, quos in præ-
 lio aliquo interfecerunt, aut vexilla quæ ex ho-
 stium manibus auulserunt; Alij denique ab hosti-
 bus capta arma, quibus illi utebantur, tanquam
 spolia manu militari relata, pro suis armis vsurpa-
 runt. Ad hunc modum fecit Otho Vicecomes
 qui ad sacram illam militiam in Asiam profectus
 cum Gotofredo Bullonio, obsidente illo sacram
 Ciuitatem, Volucem Ducem Saracenorum me-
 dio in campo ad monomachiam fortissimum
 quemque ex Christianorum acie prouocantem
 ipse Otho fortiter & feliciter deuicit: & totius
 exercitus acclamatione coronam meruit retulitque;
 de interempti hostis casside, opimum & plenum
 immortalis gloria spoliū, auream scilicet vipe-
 ram complicatis spiris minaciter à cono cassidis
 erectam puerū passis manibus deuorantem, quod
 ipse postea & posterius eius in hunc diem vsque pro
 armis gentilitiis gessere, ut scilicet sit istud stemma

Arma capta
 ab hostibus.

in aurea planitie serpens cœruleus, infans verò ex draconis ore nascens tanquam à partu purpureus. Non tamen me latet esse nonnullos qui hanc inuentionem referant ad diuinam illius generis siue profapiæ originem & antiquissimā nobilitatem: Nam & Alexandrum Macedonū Regem & Scipionem Africanum ab Incubis dæmonibus sub serpentis specie prognatos esse credidit antiquitas. E serpentinis item matribus esse natos Araxidas & Melusiadas ac Lusinianos fortissimos Heroes (vnde postea nobilissima nata est Luxemburgica progenies) Gallorum memorant historiæ. Porro, serpentum genus quoddam, vt fortasse Amphibienarum, ore constat parere, quorum & hieroglyphica imago designat sapientiam, quæ & ipsa ex capite prodit. Quò facit quod Dea Sapientiæ Minerva etiā ex cerebro Iouis prodiisse fingitur, quæ omnia eò spectant vt Anguigena illa & purpureus puer de serpentis capite nascens, diuinum genus sanguinisque antiquam nec intermorituram nobilitatem & de sano capite manantem significet sapientiam. Porro non singuli tantum homines (vt supra diximus) istiusmodi arma virtute bellica sibi acquirunt, sed & Ciuitates ac Prouinciæ. Gandauum clarissima Flandriæ Metropolis, prænobilis patria mea, arma quibus vtitur, accipit

pit inclytæ virtutis merito ab Arnolpho Iuniore Comite suo ; Ea verò sunt in atra planitie Leo erectus argenteus diademate caput redimitus, à cuius collo aureus torques dependet , quæ arma successere in locum chyrotecæ argentecæ in atro campo. Talem Principis sui fauorem experta est dulcissima vrbs mea natalis, quod egregio exéplo & fortissimè obsidioneæ trium poentissimorum Regum impetumque diu sustulisset, & præclaram in Principem fidem demonstrasset, qua ille obseslæ vrbis tēpore longissimè extra ditionis suæ pomœria in Insubria militabat : sic etiam meruit aliud patria mea symbolum, id est, Virginis simulachrum septo cōclusæ sedentis at à Leone custoditæ, quod innuit, præter fidem, & pietatem Principi suo præstitam, hanc urbem in hostium nunquam deuenisse potestatem, aut hostiliter inuasam ; id enim sub virginis figura indicarunt maiores nostri, quia ferè fit, vt in captis ab hoste urbibus infinita perpetrentur stupra, adulteria, & id genus flagitia. Quocirca eam ciuitatem quæ hostilem inuasionem passâ non esset, Virginem non abs re vocarunt. Similiter Florentia in Thuscia, habet pro armis & insignibus suis vnum lilium, quibus armis donata & honestata fuit anno Domini 1265. à Carolo Comite Andegauicæ Prouinciæ & Cæno-

manix, fratre D. Ludouici Regis Francorum, tum quia Carolus benignè fuerat à Florentinis receptus, tum quia ab iisdem auxilium acceperat & fauorem cum ad Siciliae expeditionem proficisceretur, quam ei Urbanus III. Pontifex donauerat, occupatam tamen à Manfredò Ecclesiæ Romanæ inimico. Legimus nihilominus Carolū Magnum Florentiam denominasse à Liliorū floribus Francorum insignibus. Cæterum quemadmodum crescente virtute crescit honos: ita arma ob facinus aliquod memorabile recens gestum, aut aliam idoneam ob causam augmentum sæpè recipiunt: quod maximè videre est in insignibus Portugallix Regum, quæ sæpius aut noua accedente victoriâ aut aliâ præclarâ re natâ, additionem receperunt. Verustissima enim Portugallix Principum arma memorantur; Scutum scilicet argenteum tantum, sine alterius alicuius rei accessione: quæ sic gessit Henricus Infans Asturiæ Comes. Is in matrimoniū duxit Castiliæ Regis filiam notham nomine Tyressam, eâ Gallitiæ parte quam Portugallia complectitur, in dotem accepta, iam inde ab huius Principis ætate, arma Portugallix quatuor gloriosas passa sunt mutationes, quatuor aucta viribus; sustulit quidem Henricus ex vxore filium Alphonsum, qui præstantissimâ virtute ac arte

Arma cum
virtute adcre-
scunt.

arte bellicâ, sagacitate, prudentiâ incredibili ac indefesso labore Saracenos expulit Regno Portugalliæ, factus primus illius Regni Rex de suo quidem genere & gente Christianus. Idem ex septem ignobilibus Oppidulis totidem Episcopatu nobiles erexit ciuitates. Constituit Braccaræ sedem Regni Metropolitanam, sacras Ecclesias magnis auxit muneribus, Regiis donariis honestauit, & aliis modis Christianum nomen illustrauit, propagauitque. Postea verò in campis Campodoriacis quinque simul Saracenos Maurósue Reges vno prælio superauit, & ob id quinque scutulorum cœruleorum insigne, facti memoriam posteritari reliquit. Ea igitur scutula in argêteo campo collocata in crucis figuram, quorum tria sunt erecta singula & ad latus illorum trium iacentia, prima armorum Portugalliæ incrementa fuere. Fuit Alphonsus felix multa vtriusque sexus sobole, felix illustrium hominum affinitatibus, vnde ortus alter Alphonsus, clarus rebus sæpè contra Mauros pulcherrimè gestis, innumeris clarus triumphis, clarus etiam aduersâ fortunâ, quam pro Christi nomine passus est, vt qui in præliis contra Saracenos multis vulneribus fuit confosius, & in eorum cecidit captiuitatem. Hic quum Romanus Pontifex indixisset in Portugallia tributum quoddam

L. 4. siue

siue decimas, non passus est eas colligi, quare censura notatus fuit Ecclesiastica. Quam cum à se auferre vellet, ad sedem sese contulit Apostolicam, ut Romæ coram ipso Pontific. Opt. Max. causam suam citra operam procuratoris ageret, & factum suum purgaret. In conspectu igitur summi Sacerdotum Principis, & purpuratorum Ecclesiæ Senatorum constitutus, togaque tantum talari indutus, quæ tunicam tegeret intimam, pedibus nudus & lacertis demissis (prout decebat) quædam præfatus cœpit aduentus sui causam explicare, & totius vitæ suæ rationem dare, ac factum quod excommunicationi occasionem dederat perpurgare, hoc in primis asserens, quod dum niteretur Christiani nominis dilatare terminos, ac populos à Christi fide & religione abhorrentes ad Christum vocare, necesse habuisset humeris populorum suorum graua imponere onera, frequentia tributa; quæ quidem semper libentissimè præstitissent omnia, non æquum fuisse miserum populum amplius grauari, addens insuper præclara extare sua in Rempub. Christianam merita, claras in fidei hostes expeditiones, quarum quidem attulisset secum locupletes testes, & euidentia in corpore signa, ac mox Pontificem ipsum & Cardinales perconctatus est: An simul vniuersi tot
vulnerum

vulnerum cicatrices pro Christi nomine infligatorum monstrare possent, quot solus ipse; & dicto citius togam abiecit, & detectis membris nudum sese illorum oculis exposuit, in cuius quidem tunc corpore visæ fuisse memorantur plagarum cicatrices penè innumerabiles, verùm quinque præter cæteras adeò lethales, ut miraculo simile fuerit, illum vel ex earum leuissimâ conualescere potuisse. Pontificem & Patres conscriptos tam illustria intuitos virtutis testimonia puduit sanè tam malè habiti Regis, quare ipsi se excusauere, & optimi laudatissimique Principis factum celebrare, Regemque in clientelam suam recepere, & ne in posterum tam celebris egregiique facti periret memoria, Senatusconsulto cauere, ut Rex singula scutula armorum suorum gentilitiorum quinque plagis seu cicatricibus decoraret argenteis. Hæc itaque causa fuit quamobrem iterum Portugalliarum Regum arma acciperent augmentum. Ab hoc Alphonso originem suam duxit Ferdinandus Portugalliarum Rex heroicis certè regiisque perornatus virtutibus, qui in Francia uxorem duxit Mariam, nempe, Comitissæ Bononiensis filiam, unde sustulit Henricum Portugalliarum Regem, qui tertio sua arma auxit, lata scilicet bordura rubea, aureis distincta castellis, ut quidam heraldi voluere. Phas

M mihi

mihi sit in hoc opere huiusmodi vocabulis uti, quamvis barbariem quandam olentibus, quum præsertim & ipse Cicero lib.4. de finibus & Acad. quæstionibus, auctor sit, in vnamquamque artem propria quædam vocabula cadere quæ à populo remota sint, ea scilicet, quæ vulgò Artis vocabula nuncupamus, sine quibus incommodè, quæ ad artem faciunt, explicamus. Cæterum (quod Heraldorum pace dictum sit) non rectè quæ in bordura sunt, in Regiis Portugalliæ armis depinguntur. Bordura quidem rubea est, sed castello- rum vice pingi debet tres Golfanones cum tribus lambellis, ut Galli loquuntur, quæ arma sunt Comitum Bononiensium, qui ditionem suam habuere in Regno Franciæ ad mare litusque Gessoriacum; verum ex locorum distantia quæ magna est, & obliuione vel ignorantia veri factum est, ut castella illa, in locum Golfanorum successerint. Et hoc quidem ex sententia Henrici Regis, & aliorum complurium Portugalliæ procerum, retulit in commentariis suis gallicis D. Olmerius de Marchia Burgundus, Philippi Boni, Caroli Audacis & Mariæ Ducum Burgundiæ, & Philippi Archiducis Austriæ, Oeconomus. Postremò accessit Portugalliæ Regum armis crux viridis, quæ scutum ipsum complecteretur, sustineretve, cuius quidem

quidem crucis quatuor extremitates diligenter sese
 subtus in quatuor armorum partibus exerunt. Hu-
 ius quarti augmenti accessionisve diuersæ addu-
 cuntur rationes. Aiunt enim cuidam ex Portuga-
 liæ Regibus aduersus Mauros pugnanti in æthere
 Crucem adparuisse, quæ ipsi & toti ipsius exerci-
 tui ingentes animos adderet. Regem autem ora-
 se Deum ut Crucem illam non Christianis tan-
 tum adparere sineret, qui vim eius & efficaciam
 cognoscerent, nomenque Dei & filij eius Iesu
 Christi inuocarent, sed etiam eandem infidelibus,
 qui illam non agnoscerent, monstraret: referunt
 autem Crucem illam statim infidelibus adparuis-
 se, ac eorum copias exemplò suas fugatasque fuis-
 se. Alij hanc præfatæ additionis causam allegarunt:
 Ioannem scilicet (cui cognomen Bono) Regem
 Portugalliæ militem fuisse ordinis Dauidici; Ea
 autem militia symbolum habet crucem viridem
 quam ille armis suis (ut supra dictum est) addide-
 rit, retinuerintque successores & posterius omnes.
 Arma etiam multis aliis modis incrementum su-
 munt. Nam & Reges Scotiæ primitus vsi fuere
 Leone rubeo in campo aureo, verum quia post-
 modum suscepti fuere in clientelam & protectio-
 nem Galliæ Regum, adpinxere armis suis antiquis,
 bordaturam cœruleam circum seminatam Liliis

Arma Patro-
 norum arma
 imitantia.

M 2 aurcis.

• Quibus in
rebus arma
pingi con-
sueverunt.

aureis. Quamuis hæc arma propriè in clypeis aut indumentis quorum in bello usus est ex primigenia eorum natura & inuentione, gestari deberent: tamen etiam depingi solent in vestimentis, etiam non militaribus, sicut & in tegmentis subselliorum, aulæis quæ aut sterni aut iniici solent, in stragulis & Babylonice quæ equis insternuntur, lectorum item tegminibus, parietibus domesticis priuatis, sepulchrorum monumentis, vitreis fenestris, peristromatis, tabulis, vasis, annulis, in ensium aut gladiatorum capulis: Ouid. loquens de Ægeô & Theseo eius filio,

Sumpserat ignara Theseus data pocula dextra “

Cum Pater in capulo, gladij cognouit eburno “

Signa sui generis. “

Supellectili deniq; omni impinguntur aut inscribuntur. Nec priuatis tantum rebus, verum etiam publicis. Nam qui donat aut legat pecuniam, vt inde aliquot opus fiat, scilicet templum, ædes sacræ, Xenodochium, aut arâ in templo siue imago, potest is nomen & arma sua gentilitia operi adpingere, nec inde abradi debent. Quod etiam procedit, etiamsi non totum sumptum aut impensam

Text. est in
l. Qui libera-
tate ff. de
Oper. Publ.
Not. Alberi-
cus in l. Le-
gatum per il-
lum textum
in fine ff. de
Administrat.

rerum ad ciuitatem pertinent. facit. l. finalis in fine C. de Statuis.

penſam fecerit, ſed partem tantummodo : hoc tamen eſt animaduertendum, quod qui ponunt arma ſua in Eccleſiis, quas extruunt, aut in ornamentis, quæ donant Eccleſiis aut locis piis, perdunt meritum & acceperunt mercedem ſuam, ſi tamen ad hoc extruunt aut donant vt videantur ab hominibus. Deferuntur etiam hæc arma in pompis funeralibus Nobilium cum galea, tunica militari vulgò *Cotte d'armes*, enſe, calcaribus aureis, manicis & aliis huiusmodi: quemadmodum mos etiam fuit antiquis temporibus apud Romanos, vt Imagines maiorum in funeribus ducerentur, quod teſtatur Plinius diſertè, & reliqui authores, & Cicero pluribus locis, ſed præcipue ſecundo de Oratore. In quarum quidem imaginum locum Gulielmus Budæus vir omnis antiquitatis peritiſſimus, exiſtimat arma gentilitia ſucceſſiſſe, cum quibus certè illæ multa habent communia. Et ſicut hodie qui arma gentilitia non habet, ignobilis habetur: ita qui olim maiorum imagines non ostendebant, terræ filij, Manij, noui homines, & obſcuri æſtimabantur. Tranquillus in Veſpaſiano. Flauia gens (inquit) obſcura, illa quidem ac ſine maiorum imaginibus, ſed tamen Reipub. nequaquam pœnitenda. Vnde factum eſt, vt imagines, pro ſplendore generis & Nobilitate acci-

M 3 piantur,

Geminianus
in c. duæ ſunt
c. medium.
xlv. diſtincta.
quem reſert
& ſequitur
Gerardus de
Laudriano in
c. Dilecta in
apoſtillis ad
Panormitanū
Ext. de Ex-
ceſſibus Præ-
latorum.

piantur, cuiusmodi phrasibus pleni sunt Latini authores. Cereæ certè imagines in atriis domorû, & armariis disponebantur, quas ita illi colebant, ac si illi quorum vultus exprimebantur viuerent. Quas festis diebus & in summa gratulatione & lætitia laureis fertis & floribus ornare, illorumque natales dies festâ luce celebrare solebant. In luctu verò & gemitu familiæ, tanquam conscij doloris essent & tacita mœstitia funestarentur, deformare; tantoque honore dignos putabant, vt illas cum singulis imaginum titulis illorum præcipuè quorum dignitas maximeque res gestæ fuere, in exequiali popa & apparatu funeris extra ædes producerent, & longâ serie veluti familiæ decora repræsentarent, illæque defunctorum exequias, & vnâ funus comitarentur: Ita tradito more, vt domino aut aliquo ex familia vitâ functo illius imago tam circa limina domus quàm pro foribus locaretur, vt defuncti desiderium repræsentata illa species leniret, posterosque ad præclara facinora domi forisque obeunda inuitaret, in eisdem quoque atriis & forib. ac circa domorum limina, hostium spolia quos quisque vicisset, etiam enses & clypei, galeaque & currus ac deuictarum nauium rostra, veluti auitæ gloriæ, & fortium factorum ornamenta affigi assuevere, quæ quanto vetustiora erant,

erant, tanto plus decoris & maiestatis habebant. Ideò nec vetustate consumpta reficiebantur, nec effracta refarciebantur. Hæc enim omnium ad se vertebant oculos quo intuentium animos cogitatio subiret vt pari ipsi exemplo ad magna facinora magnasque res inuitarentur, nec solum priuatas domos, sed porticus & Deorum templa hostilibus spoliis tanquam trophæis exornare vetustitatis moris erat: tantique exempli fuere vt illa posteris non mediocris stimulatio fuerit, ne degeneres ipsi néve ignaui tam claros triumphos turpibus factis dictisque fœdarent. Adeoque hæc propria familiæ ornamenta sunt habita, vt quamuis alienatis ædibus nouo Domino spolia & imagines refrigerare non liceret. Hasque statuas, quibus splendor & vetustas familiæ notabatur, amouere est habitum nephas. De Imaginibus autem ita scribit Plinius lib. 35. c.2. Apud maiores in atriis imagines erant, quæ spectarentur, expressi cera vultus singulis disponebantur armariis, vt essent Imagines quæ comitarentur gentilitia funera, semperque defuncto aliquo, totus aderat familiæ eius qui vnquam fuerat populus. Stemmata verò lincis discurrebant ad imagines pictas. Tabulæ verò codicibus implebantur, & monumentis rerum in magistratu gestarum. Aliæ in foribus & circa limina animorum.

M 4 ingentium

ingentium imagines erant, affixis hostium spoliis, quæ nec emptori refringere liceret: quæ etiam dominis inutatis domus ornamenta erant. Cicero 2. de Oratore. Brute quid sedes? Quid animum illam Patri nuntiare vis tuo? Quid illis omnibus, quorum imagines duci vides? Quid maioribus tuis? de anu, scilicet, Lunia cognata Bruti loquens, cuius funus efferebatur. Stemma verò dictum tanquam στεφανόμα quod sonat coronamentum: Nam illa insignia gētilitia siue imagines infigi, depingi, quæ solebant, in medio coronæ ex floribus compositæ; hinc etiam stemmata pro insignibus dici cœpta Iuuenalis Sat. 8.

*Stemmata quid faciunt? Quid prodest Pontice
longo*

*Sanguine censei, pictosq; ostendere vultus
Maiorum, & stantes in curribus Amilianos?
Quis fructus generis tabulâ iactare capaci
Fumosos equitum cum dictatore Magistros
Si coram lepidis male viuitur?*

Porro ius istud imaginum non omnibus sine detræctu competebar, sed his tantum qui in Magistratu fuissent; Ideoque nec Marcus Tullius ius illud acquisiuit, nisi in ædilitate; sicut liquet ex
ultima

ultima eius Verrina actione. Ob earum rerum (inquit) laborem ac sollicitudinem fructus illos datos, antiquiorem in Senatu sententiæ dicendæ locum, togam prætextam, sellam curulem, Ius imaginis ad memoriam, posteritatemq; prodendam. Vnde adparet ex honoribus gestis imagines familiarum olim comparatas, quemadmodum & hodie nobilissimū armorum beneficium conceditur à Principe ob res domi militiæve clare gestas. Dixi nobilissimum illud priuilegium armorum quod à Principe conceditur, id est, ea arma quæ Princeps donat, nobilissima: nam priuata etiam persona, nobilis an ignobilis sit, nihil refert, propriâ auctoritate hodie arma sibi assumere potest eaque gerere; vt dixit noster Bartholus, in Tractatu de armis & insigniis. Sicut enim nomina indita sunt ad cognoscendos homines; ita etiam ista insignia^b. Et sicut nomina imponuntur ex animi arbitrio^c: ita etiam & hæc insignia pro voluntate cuiuslibet licet assumere & portare^d; Quibusdam^e tamen videtur Bartholus nimis sese extendere; & quod sine distinctione verum non sit, quemlibet scilicet propriâ auctoritate sibi arma assumere posse, neque illud in rusticis locum habere, propter vsitatam & obseruatam inuiolabiliter consuetudinem: iam inde ab antiquis-

^a L. ad cognoscendum C. de inge. manu. §. si quis in nomine Instit. de legatis.

^b L. Sanctum ff. de Rec. diuis.

^c D. l. ad cognoscendum, aliàs ad recognoscendos.

^d L. falsi in Princip. ff. de falsis.

^e Barth. in tractatu de armis & insigniis.

^f Chassanxo in Catalogo gloriæ mundi in 1. parte 28. conclus.

N simo

f. Ad c. dile-
cta Extra de
Exc. Prælat.

fimo tempore, quo rustici vſu armorum carue-
runt. Communis nihilominus eſt opinio, ſecun-
dum Panormitanum, ^f quod quilibet ſibi aſſu-
mere poſſit, quæ volet arma atque inſignia. Quod
equidem ſanè intelligendum eſt. Nam in primis
ab alienis armis abſtinendum eſt, & ignobilis ar-
ma aſſumens, cauere etiam atque etiam debet, ne
nobilium arma ſumat, idque certè non de ſpecie
tantum, ſed & de genere dicendum eſt. Finge-
enim more cuiuſpiam gentis alia eſſe nobilium
inſignia, alia ignobilium, vt apud Agathyrfos
humiles ignobilésve minutis rariſque notis in in-
ſignibus, Nobiles verò lationibus & denſioribus
vtebantur, vt auctor eſt Ammianus Marcellinus.
Apud Agathyrfos itaq; ignobiles non poſſent la-
tas notas in armis ferre, auctore Panormitano, lo-
co præcitato. Et ſi ferant, falſum committunt,
pœnaque falſi puniuntur. ^g Sicut qui ſe pro mi-
lite gerunt cum non ſint militaribus vtentes in-
ſignibus. Alterius priuatæ ſcilicet perſonæ quo-
que arma gentilitia non ignobilis ſolum, ſed no-
bilis etiam geſtare prohibetur, tunc potiſſimum
quando inde damnum, iniuria aut præiudici-
um naſci poteſt; ^h quod multis modis accidit: ſit
enim non rarò, vt aliquis propter peruerſos mo-
res

g. Text. & ibi
Bart. in l. cos
§. qui ſe pro
militi, quem
text. ponde-
rat ibi Baro-
lus contra il-
los qui ſe aſ-
ſerunt docto-
res, cum non
ſint ff. de fal-
ſis.
h. l. Minimè c.
de Epiſcop.
audientia d.
c. Dilecta ar-
gum. l. Iudeis.
Alexander in
l. ſi vnus col.

c. de Teſtam. Baldus in l. r. c. quæ res vendicari non poſſunt.

ICS

res odiosus sit quàm plurimis; & ideo eius vitæ insidientur multi. Is si hominis quieti & pacifici arma portet, sumatque, non facit id sine præiudicio damnoq; manifesto illius; posset enim propter armorum similitudinem alter pro altero interimi, quo casu, aut alio simili, poterit is cuius interest, prohibere tali, arma scilicet alterius assumendi, ne iis diutius vtatur. Idem dicendum est, si ex hoc pudor primi aliquo modo lædaturⁱ. Sed & Iudex ex Officio suo (ad quod spectat quies popularis) si viderit ex hac re scandalum oriri posse, aut subditorum discordiam, hanc prohibitionem, vel interdictum interponet,^k sicut & lex Julia faciebat, contra eos, qui pileati incedebant ne populus deciperetur. Ex prædictis colligemus, quod si alterius non intersit, nec inde verisimiliter lædi possit, non posse etiam huiusmodi prohibitionem fieri, verbi gratia, Anglus quidam anno Iubilei Romam profectus, ibi repperit Romanum quendam portantem arma Maiorum suorum suæuè familiæ. Adiuit Iudicem ab eo postulans interminaretur Romano, ne in posterum armis illis vteretur. Arbitratus est Iudex nullam Anglum actionis intetandæ causam habuisse satis idoneam, quod scilicet locorum vbi vterque habitaret, tanta esset intercapedo, vt ex huiusmodi

ⁱ Argumento
l. Minime c. de
Episc. audien-
tia l. Iudæos
quosdam c.
de Iudæis.

^k Argumento
l. 1. §. sed &
qui Domini
c. de lat. lib.
coll. c. in
nonnullis ex-
tra de Iudæis.

L. penult.
parag. sunt
autem qui
purant, ff. ne
quid in loco
publico.

Textus in
l. Ius familia-
rum c. de re-
ligiosis &
sumptibus
funerum.
* Andreas
Hungariz
Rex Stephani
Regis filius
natus ex Tho-
masina Mau-
roccina patri-
tia veneta ve-
nerias venies
arma gentis
Mauroccenz
assumpsit &
vsurpauit al-
ba tantum
cruce cum
paruo circulo
illis adiecta
quo discrimi-
nine quicun-
que postea
ex ea familia
progeniti ef-
sent à reliquis
Mauroccenis
agnosceren-
tur.

facto Anglus lædi nullo modo posset. Atque in
his quibus quadam publica facultate quis occupat
sibi vsum, non licet quærri, nisi ex vrgenti causa.
Quæ supra diximus vsque adeò vera sunt, vt neo
cognatis nec affinibus liceat portare arma illius fa-
milie cui tantum sunt cognati aut affines, cum
ad solos agnatos spectet hæc facultas: ita tamen
vt in eorum etiam armis manifestæ notentur dif-
ferentiæ. Nam qui capita sunt siue primogeniti
suarum familiarum, apud hos arma remanent illi-
bata, plena & integra, cum in illis tanquam in ca-
pitibus splendor genitura effulgeat. Alij verò
omnes de familia arma quidem gerunt familiaria,
siue gentilicia, sed non integra, cum aliquali sci-
licet discrimine, distinctione, additione vel di-
minutione. Quæ sanè consuetudo, per totam Euro-
pam (quaqua patet Christiana ditio) peræquè
obseruatur: vt scilicet per illiusmodi differentiam,
vnusquisque de agnatione dignoscatur, sciatur-
que propemodum, quo loco sit, quæve lineâ, pri-
mogenitorumne, secundo genitorum, tertio ge-
nitorum an remotiore. Differentiæ verò hæc in re
vsitata sunt fere huiusmodi. Secundò geniti por-
tant signum illud quod vulgò lambellum voca-
mus, Gallicè *les lambeaux*, cum armis gentilicis
integris. Primogenito tamen sine liberis decede-

dente.

dente, secundò genitus poterit portare arma familiaris integræ, & sic dicendum consequenter de aliis. Tertiò genitus portat bordaturam simplicem; Quartus bordaturam componatam, aut alio modo distinctam per endenturas, creuelaturas, aut seminatam besanis aut certè bendam seu barram, lunas, stellas, raras herminas, aut alia huiusmodi; sed & secundò genitus sæpe arma sua gestat quadripartita ex patris & matris armis qui vnicus modus est portandi arma matris siue familiaris cognatæ; hæ distinctiones si præmittantur, primogenitus certè optimo iure prohibebit, ne arma portentur integræ, cogetque distinctiones quas diximus, vel alias similes adhiberi. Cum verò transeant arma tanquam sacra & nomen gentilitium in agnatos gentilesque, dici posset, quod ex concubina nati (quos Nothos siue Bastardos vocant) non deberent gestare gentilitia patrum suorum insignia; non enim sunt de familia vel agnatione. Aliter tamen de generali consuetudine Galliarum & Italiae, atque adeo ferè totius Europæ observari videmus, etiam inter Principes. Regum tamen Franciæ Bastardi, sicut cognomen patrum suorum gentilitium, ita nec arma quantumlibet mutata ferre possunt; Bastardi verò arma sua distinguunt ab

Facit ad hoc argum. in c. quidam habens filium, de filiis natis ex matrimo. ad morgaticam contracto c. Mulier & c. filij nati & ibi gloss. in verbo filij si de feudis de contentio sit in vrb. feudorum.

Vide quæsuprà annotavi de armis Andree Hungarie Regis. Facit c. omnes filij si de feudo defuncti contentio sit inter dominum & agn. vassalli. in vrb. feudorum. Baldus in l. cum legitimæ nuptiæ. ff. de statu hominum idem Baldus in l. generaliter parag. fin. C. de Instit. & substitut.

q. Plene per
Guill. Bene-
dicti in sua
reperit. c. Ray-
nucius in ver-
bo Raynucius
de cler. Num.
3r. Extra de
Testam. Chaf.
fan. in Com-
ment. ad Co-
fuer. Burgun-
die Tit. des
successions des
Bastards art. 3
Versic. Iuxta
prædicta cum
duobus se-
quēibus.
r. Gloss. in
verbo legiti-
mi, d. c. Natu-
rales. Bald. in
l. eam quam
C. unde liberi
col. 12. in fine
Guillel. Be-
nedicti in sua
reperit. c. Ray-
nucius in ver-
bo & vxorē
nomine Ade-
læham, num.
C. lxxix. de
Testam.
f. c. Tanta in
princ. & ibi
gloss. Extra
qui filij sunt
legitimi.

armis legitimorum barrâ quadam incipiente à si-
nistra vsque ad latus dextrum, transeunteque me-
dium clypeum⁹. Notandum tamen quando illa
barra incipit à dextris tenditq; ad sinistrum latus,
designare genus illud esse legitimum, prout est vi-
dere in armis Ducum Borbonij qui legitimè sunt
procreati ex Regio sanguine sancti Ludouici Re-
gis Franciæ. Dubitatum fuit in legitimatis per re-
scriptum Principis, an possint scilicet gestare ar-
ma familiæ, vnde orti sunt, sine barrâ transuerfa-
li, & dicendum est, non posse, si simpliciter tan-
tùm fuerint legitimati. Si verò ita legitimentur,
vt in feudo, emphyteusi, armisq; familiæ suc-
cedant, atque hoc in rescripto exprimat, posse
arma sine barrâ ferre^r. Legitimati verò per subse-
quens matrimonium, habent plenam potestatem
deferendi arma gēilitia integra^s, quia scilicet ha-
bentur pro suis, habentq; iura suis. Nunc, vi-
deamus, an arma hæc emi vendiue aut alienari
possunt: & quidem considerandum est, quod
quædam arma sunt, quæ competunt alicui ratio-
ne officij, dignitatisve ac personæ quam gerit, hæc
nemini concessum est vendere, transire enim de-
bent ad successorem in officio. Quædam rursus
arma nobis competunt iure familiæ, quæque à
maioribus

⁹ Argumento l. quædam ff. de pœnis l. 2. in fine ff. de capt. & postlim. reuocatis.

maioribus accepimus, neque hæc transeunt extra familiam, aut vendi possunt, nisi cum consensu totius agnationis. Si arma Princeps cōcessit, idem quoque dicendum est, non posse scilicet alienari, præsertim quando toti agnationi ac posteritati donata sunt, quemadmodum ferè fit. Alia rursus arma sunt: quæ quis propria sibi assumit auctoritate, aut quæ emit ab alio, casu quo possunt vendi, & dubium certè non est, quin hæc possint alienari. Quomodo pacto aut testamento arma transferantur in alienam familiam suprà attigimus. Si igitur reperiatur quispiam qui ultimus sit suæ stirpis, aut agnationis, nec quispiam sit reliquus ad quem iure propinquitatis & successionis arma devoluantur; poterunt ea alicui relinqui qui etiam uniuersorum bonorum, aut partis instituatur hæres, cuique cum bonis relinquatur nomen gentilitiū, ^v & hoc modo institutus hæres cum onere scilicet assumendi cognomen, & arma testatoris, poterit adimplere illius voluntatem & consequi commodum.* Neque aliter nisi adimpleta testatoris voluntate consequetur commodum. An verò arma aliena longâ tēporis præscriptione acquiri possint, accuratè explicat Chaslaneus*. Variari porrò & mutari pro libito non possunt,

N 4

quum

v Prout hæc ætate videre est in Alexandro Arenbergio. Principis Arenbergici filio tertio genito qui ab Auunculo Carolo Croio Duce Arscotano per Testamentum in maximâ partem bonorū Auunculi sui adoptatus est: cæleste ut in posterum familiæ Croix, arma nomenque sibi suisque usurparet.

x Notatur in l. facta, parag. si sub conditione versic. in danda ff. ad

Trebellianum. * In Catal. glor. mundi 47. & 48. conclusionibus.

b L. 1. parag. qui in ratio-
 nibus, ibi, vel
 rem amoue-
 rint l. falsi no-
 minis ff. de
 fals. l. Titio in
 princ. ff. ad
 Municip.
c. Ex ratione
 l. eos parag.
 qui se pro
 milite & ibi
 Bild. ff. de fal.
d L. Omnium,
 C. de Testa-
 mentis.
e L. 2. c. de
 Iureiurando
 ff. de minori-
 bus 25. annis
 l. Minor ma-
 gistratus in
 princ. & pa-
 rag. 2. ff. de
 Minoribus.
f L. si duas in
 princ. ff. de
 excusat. tu-
 torum.
g L. fin. ff. de
 alb. scrib. l. 1.
 c. de Consul.
 lib. 12. c. per
 tuas ext. de
 Maiorit. &
 obed. argum.
 d. l. si duas.
h Argumento
 d. l. 1. ff. de
 Alb. scrib. &
 d. l. 1. c. de
 Consulib.

quum nec nomen variari sæpius possit^a. Quo
 facit illud, quod qui titulum semel assumpsit, non
 potest illum incio Principe variare^c. Sed quid
 refert utrum quis arma gerat principali sibi con-
 cessa priuilegio, an proprio inuenta iudicio, ac
 priuatâ assumpta auctoritate? Et sanè plurimum,
 ut cōcludit Bartholus in suo Tractatu de armis &
 insigniis: multis enim nominibus gloriosius &
 conducibilius censetur, armis uti à Principe do-
 natis, sicut & dignius testamentum esse dicimus,
 id quod factum est coram principe^d. Nam qui
 huius generis arma ferunt, prohiberi non possunt
 ab alio, ea portare^e: dummodo scilicet Princeps
 non concessit arma alicuius magnatis seu alterius
 ex antiqua nobilique oriundi familia. Sed & si
 duo iisdem utantur armis, neque satis de tempo-
 re constet, vter eorum ea prius habuerit, is sanè
 præferetur qui insignia à Principe est consequu-
 tus^f. Si deniq; contingat duos aut in exercitu aut
 alio loco esse, atq; ibi quæri utrius sit præcedere,
 utriusue arma præire debeant? Illa scilicet arma
 præcedent, quæ Princeps concessit^g. Quæ ta-
 men omnia intelligenda sunt ita procedere, si ex-
 tera paria sint; alioquin illius arma præcederent,
 qui esset in maiori dignitate constitutus^h. Nostreis
 sanè moribus, hoc est Flandrorum, arma Prin-
 cipis

cipis concessa beneficio, maiorem præstant dignitatem, quàm ea quæ quis priuatâ sibi sumpsit facultate. Nihilominus si hæc ultra quartum gradum processerint, paris censentur cum illis honestatis. Cæterum præ omnibus armorum generibus excellentissima ea existimantur, quæ in vnoquoque dominatu, principatu, seu Regno, armis Domini Principis seu Regis sunt quàm simillima. Nam ut omnino eadem sint vix fit, neque Reges possunt aut debent permittere, ut quis inferior se in ditione sua arma Regia ferat integra, non concisa, nihil immutata. Communicare tamen possunt aliquid de suis, quemadmodum videmus in Regibus Franciæ, qui lilia sua aut colores armorum suorum, vel etiam vtrâque concisè tamen Principibus Regni cōmunicauere, tam manifestâ constitutâ differentiâ, ut horum arma sine vlllo negotio à Regiis armis discerni queant. Si quis erit igitur qui in Francorum Regno (cuius Rex pro insignibus gerit tria lilia aurea in clypeo cæruleo) illis similia insignia habet, aut de Regiis armis participat, insignia certè dignioris notæ gerere putabiturⁱ. Cuius notæ ea sunt quæ gestant Regum filij, item qui ex his nati sunt sicut hodierni Reges Nauaræ, Duces Aureliæ, Andegaviæ, Alenconij, Artesiæ, Biturigum, Borboniæ,

O

Burgundiæ,

ⁱ Argumento text. in c. Perlectis 25. dist. & per gloss. in verb. aliori in §. Aliam vero. instit. de Bonor. possessionibus.

Burgundiæ, Engolismij, Nemorosij, Niuernij, Montispenferij, Vindomij, atque alij præterea nonnulli. Carolum etiam Magnum Imper. Aug. olim cognouimus. quinque Paribus Franciæ Ecclesiasticis (is enim duodecim Regni Pares instituit) arma largitum fuisse, & in iis liliorum vsum. Episcopus autem Bellouacensis, vnus ex Paribus, quia æquor clypei sui erat aureum, in quo adaptari lilia aurea minimè possunt, cum id sit contra rationem disciplinæ Heraldianæ (quæ cauetur ne metallum constituatur super metallum) arma à Carolo non accepit. Sunt etiam & alij quidam extra Regium stemma nati, quos Rex armis dictæ notæ honestauit, sicut Domini de Tournon in Delphinatu, qui licet non sint de Regia prosapia, gerunt tamen lilia in armis suis (vt loquimur) feminata. Habent enim arma bipertita, & in media clypei parte, dextra scilicet, leonem eleuatum, quæ sunt antiqua arma Troiæ, in parte læua sunt lilia feminata, quæ sunt arma Franciæ*. Quamuis filij Regij regis armis vt possunt, cum distinctione tamen: Nihilominus non rarò iis relictis, vsi fuerint vxoribus armis. Sic Dominus Robertus de Francia Burgundiæ Dux frater Regis Henrici I. gessit pro armis tres bandas aureas, tres azureas cum bordatura rubea. Hugo de Francia frater Re-

le Ioannes le
Maire in Il-
lustr. Galliæ
lib. 3. r. c. In-
cipiente.
*Touchant la
Cité de Troye.*

gis.

gis Philippi I. arma etiam vxoris sue gessit Comit-
tus Viromandix: Robertus de Francia Comes
Druidum vxorem ducens Comitem de Brenna
illius etiam armis est vsus; verum ad hoc contra-
ctu antenuptiali obligatus. Petrus de Francia frater
præ^{ci} Roberti, & Regis Ludouici Iunioris, vxor-
tem duxit Isabellam hæredem ditionis Cortena-
censis, cuius arma sumpsit, gessitque. Omnes ta-
men prædicti Principes ostendere volentes origi-
nem suam esse ex Francorum Regibus, sepulchra
sua curarunt vndique liliis depingi & decorari.
Philippus verò Augustus Franciæ Rex animaduer-
tens hanc relinquendorum gentilitiorum armo-
rum rationem, & assumendi arma vxoria consue-
tudinem, non esse satis decentem, neque familiæ
sue conuenire, statuit ne Regum filij arma gen-
tilitia sua vsque adeo negligeret abicerentque, sed
si vellent arma vxorum assumere, scutula sua sal-
tem liliis distinguerent, onerarentque. Sed quid
dicendum de armis quæ Princeps suis quidem si-
mililia largitur, sed alicui extra propriam ditio-
nem? Ea profectò non esse tantæ dignitatis, quan-
tæ existimantur ea, de quibus proximè locuti su-
mus. Et certè maiori honori fuisset alicui ex pro-
ceribus Bohemiæ consequutum fuisse pro armo-
rum insignibus, Leonē rubeum cum cauda bifur-

/ Barth. in
Tract. de Ar-
mis & infi-
gnis num 3.
vide Mart.
Laud. in suo
tractatu de
leg maxime
Princip. in
conclus. 35.

cata in campo aureo (hec enim arma sunt Regum Bohemiæ) quam Bartholo de Saxoferrato Iuris nostri interpretum Antesignano, in Italia nato & habitanti. His autem insignibus se donatum fuisse scribit Bartholus à Carolo III. Imperatore Aug. & Bohemiæ Rege, cuius erat Consiliarius & Orator. Opera pretium etiam est aliquid dicere de modo, quo quæ in armis ponuntur, pingenda sunt, ne scilicet committatur sollicitudinis. Et hîc quidem imprimis attendendum est, ad id vulgò quod dici solet, Artem imitari naturam. Ne quid igitur contra decorum pingatur, obseruanda est earum rerû natura, quæ in armis ponuntur. In armis certè creberrimè ponuntur animalia, bestię terrestres, pisces aut volucres, flores, arbores, aut similia. Animal igitur in armis figurandum est, prout ex sua natura situm est, & in nobiliori suo actu, quo potissimum vigorem suum demonstrat. Sic Cervus cornibus reflexis, & pedibus ad cursum compositis figuratur: Gallus erecto collo ad crocitantum: Piscis passis branchiis ad natandum: Ovis planè ambulans: Aries cornibus & fronte ad concurrendum compositis: Leo ambobus pedibus anterioribus erectis, ore aperto ad mordendum; quamvis ad Leonem quod attinet, hoc obiter dicendum videtur, ex disciplina Heraldica, hunc perpetuo

perpetuo sic (vti dixi) figurari, ad differentiam Leopardi, qui semper ambulans pingitur, vsque adeo, vt si Leo pingatur in armis non erectus, sed ambulans, & pronus, Leo Leopardus dicatur: sicut & Leopardus Leonatus, si erectus in Leonis speciem depingatur. Hoc etiam in Leonibus est speciale, quod semper monoculi pinguntur. Cauendum etiam ne aues pingantur in aqua, nisi sint amphibie, aut pisces siue animalia terrestria in aëre. In floribus hoc considerandum, ne contra eorum colores, magnitudinem consuetam, & naturalem siue ingentiam, locum in quo nasci consueuerunt, quid peccetur, idem in fruticibus & arboribus. Quamobrem inepta iudicabuntur arma in quibus Hyacinthus, Narcissus, Liliumve picta sint viridia, eaque nascentia in rupe, quibusque insidiat accipiter, aut Aquila, cum hæc genera florum nec eo colore reperiantur, nec tali loco nascentia, neque tantæ magnitudinis, vt naturaliter queant tantum pondus sustinere. Porro hoc tacere nolo, quod quidam inuestigarunt, notaueruntque, Arma quæ ex auiibus sunt minoribus, turdis, passeribus, alaudis, turturibus, coruis vel maioribus, vt ex gruibus, vulturibus, aquilis, gryphonibus, initium habuisse à Romanis: quamuis hodie videamus Septentrionales Principes, & Ger-

bohemos

Q 3 manos,

manos, arma sua plerumq; ex Aquilis, Gryphonibus, & id genus auib; cōposita habere. Ex Aquilis Rex Polonia, Marchio Brandenburgēsis, Principes Silesiæ, Morauia, Prussia, Burggrauij Magdenburgenses, Comites Tyrolis, & plerique alij Principes, Prouincia & Ciuitates. Ex Gryphonibus Wandalorum Principes, item & Castubij, Stetini, Pomeraniæ, Vledomij, Wolgasti, Rugia & Barthia, Comites Styria. Arma rursus quæ ex animalibus sunt quadrupedibus, notarunt illi iidem orta esse ab Hunnis, Hungaris, Gotthis, Longobardis, Wandalis & populis Septentrionalibus. Et sanè etiamnum Reges Dania, Norwegia, Anglia, Scotia, Boheemia, Duces Normannorum, orti ex veteribus Dania populis, Principes Misnia, Brunswicensēs, Luneburgenses, Iuliacenses, Palatini Rhemi, Lantgrauij Hassiæ & Thuringia, antiqui Duces Sueuia, Burggrauij Norimbergenses, omnes ferè inferioris Germaniæ antiqui Duces, Comites Palatini, & Principes, vsi fuere in armis, diuersi coloris leonibus, sicut & hodie infiniti Domini & Barones in Germania; hi equis, hi bobus, hi lupis, hi agnis, hi ceruis, hi aliis quadrupedibus, arma ornata gerunt. Arma denique quæ sunt ex pallis bandis (quas Itali *Banderias* vocant) aut fessis, item ex tignis (quæ Galli *Che-*

urones

Tramites per-
pendiculares,
transuersales,
plani.

arones vocant) Orles, gyronis, crucibus, quæ di-
 uersarum sunt specierum; nam aliæ Saltoriæ di-
 cuntur, aliæ Partheæ, aliæ fixæ, aliæ in extremitati-
 bus patulæ, item potenciata, aliæ florenciata,
 aliæ cruciatæ, quæ singulæ quales sunt in tabula
 pictas ostendit Chassaneus in prima parte Catalo-
 gi gloriæ mundi: quæ item sunt ex Besanis, aut
 tortellis, ex cotissis, ex denturis, engrelaturis, lo-
 zangiis, fufis, refreturis, scachis, billeris, vndatur-
 ris, lunis, floribus, orta videri à Gallis aut Britan-
 nis. Quorum tamen signorum, quædam in ar-
 mis hodie regulariter non ponuntur, sed tantum
 accessoriæ. Sed (vt redeamus vnde defleximus) si
 arma in vexillo geruntur, quod hastæ infixum sit,
 animal in vexillo pictum, facie debet hastam re-
 spicere, cum de natura faciei sit, vt antecedit, &
 de natura hastæ, vt vexillum præcedat. Idemque
 omnino dicendum est in omni re & figura, quæ
 habet partes, quæ denotantur per anteriora & po-
 steriora. Nam tunc semper anterior pars debet
 esse versus siue respicere hastam, alias videretur re-
 trogredi quod contra naturam esset, & monstro-
 sum. Verum si animalis pars anterior, puta vri-
 apri, leonis aut gryphi caput portetur in vexillo;
 tunc non illius partis anterioris pars anterior respi-
 ciet hastam, sed ipsum latus. Quando verò por-

tantur arma in vestibus militaribus (quas Galli Cottas armorum vocant) tunc pars superior armorum erit versus caput hominis, pars verò inferior versus pedes. Item si in pectore portentur arma, pars eorum nobilior respiciet latus hominis nobilius, id est, dextrum; si autem in tergo, pars armorum nobilior, respiciet latus sinistrum. Rationem allegat Bartholus, fingitq; hominem habentem faciem retro vel auersam; quod si accidat, procul dubio latus quod erat antea sinistrum partis posterioris fiet dextrum. Si arma in penulis equorum pingantur, eorum pars nobilior respiciet caput Equi. Si in tegminibus lectorum, lodicibus seu stragulis, considerandum est esse quædam tegmina strata, id est, quæ planè iacent, quædam quæ pendent, sicut sunt cortinæ, tentoria siue papiliones (vt vocant) aut conopæa quæ lectis circumdantur ad arcendos culices & muscas & in tegminibus iacētibus siue stratis, forma pingendorum armorum sumitur ex forma hominis decumbentis iacentisve in lecto: in tegminibus verò pendentibus sumitur forma ex forma hominis erecti, vt sit in peristromatibus siue aulæis. Arma itidem sæpenuerò insculpuntur siue inpinguntur muris, & tunc imaginandum, parietem voluere faciem suam versus nos: sicq; cognoscetur.

tur latus dextrum parietis quò quidem pars armorum nobilior semper respicere debet. Si autem locus ubi arma pinguntur habet se ut cœlum (sicut sunt loca concamerata) tunc præcognoscendum est quod dicatur caput cameræ, atq; fingendus homo iacens, vultum versus nos voluens, unde innotescet pars dextra & sinistra, & sic modus depingēdi arma inuenietur idoneus. Si verò locus se habet ut terra humusve, erit eadem habenda consideratio. Hoc tamen notandum, quod quamuis arma sua quis pingere aut sculpere humi possit: tamen arma Domini vel Principis sui non; item minimè omniū Saluatoris nostri Iesu Christi^m, quamuis contrarium aliquando obseruetur. Nunc materiam prosequentes, adferemus aliquid de scutorum in quibus arma pinguntur forma: item de quibusdam aliis quę ornamentis gratiā adpingi consueverunt; Galea scilicet, litra, zona, & aliis tymbrorum generibus; nam de coloribus ultimus erit sermo. Scuta igitur fiunt diuersimodè, aliquando forma triangulari, interdum quadrangulari, rotunda, aut ouali, qualia hodie Itali gerunt. Aliquando ea forma quæ in superiori parte duos angulos habeat, in inferiori verò rotunditatem, quæ forma hodie est communior inter Gallos, Britannos, Hispanos & Germanos. Tym-

P
brum

^m c. Nemini
licere signum
Saluatoris
Christi humo
vel in silice
seu marmore
aut insculpere
aut impingere

De Tymbro.

brum verò generali voce dicimus id omne, quod armis adponitur, aut ad significandam officij dignitatem, aut ornamenti gratiâ. Pontifex Romanus Tymbrum suum gerit ex Tiara : Imperator Aug. ex Imperiali diademate : Reges ex corona: Cardinales ex galero rubeo : Patriarchæ, Archiepiscopi & Legati de latere Pontificis, ex cruce: Duces, Marchiones & Comites, ex corona & pilco illius dignitatis: Episcopi ex mitra & pedo siue baculo pastoralis, aut ex galero viridi: Prototarij Apostolici, ex galero nigro farcito viridi colore. Equites denique omnes (quos Galli, Itali, Hispani, *Cavalleros* vocant) pro Tymbro vtuntur super arma Galeâ ornatâ aliâ aliquâ notâ, arbore scilicet, animali, aut aliquâ re simili, estque auctarij eares & corollarij vice. Verùm vt quis possit Tymbrum armis suis superponere, non suffecerit, eum nobilibus ortum parentibus, sed ultra natalium splendorem, oportebit eum esse in dignitate cõstitutum, aut saltem Equitem auratum. Nam & olim hoc inuiolabiliter obseruabatur in Hastiludijs siue torneamentis, vt nulli qui inferiores essent Equitibus auratis, arma tymbrata gestarent. Tymbrum sanè ex animi voluntate & arbitrio assumitur, sed ferè fit, vt sumatur ex aliqua parte in ipsis insignibus contenta. Sic arma Imperialia

⁂ Gestantes autem prohiberi poterant à milite Equite aurato aut ab alio habente dignitatem ultra simplicem Nobilitatem.

Imperialia tymbrantur Aquilâ, Regis Gallorum lilio, Gallia tamen Reges aliqui aliter tymbrarunt arma; nam recitat Francorû Chronista Gaguinus in vita Caroli VI. Regē quum vidisset in silua, quē iuxta Siluanectum est, Ceruum æneam torquem collo gestantē, eum Ceruum cassibus & retib. viuum cepisse, in illa torque hæc verba fuisse inscripta, *Hoc me Cæsar donauit.* Ex eo tempore Carolum Regem Ceruum alatum auream torquem collo gestantem in insignibus suis pro Tymbro habuisse, imò duos ceruos hinc atque hinc arma Regia sustinentes; hoc sanè Tymbro Carolus VII. Ludouicus XI. & Carolus VIII. Francorum Reges vsi fuere; & meritò quidem, cū hoc animal Francorum Regibus optimo semper omni fuerit. Ludouicus verò Duodecimus vtrumq; latus armorum suorum ornabat herinaceis: sicut Franciscus Primus Salamandra. Equites Burgundi instituti à Philippo Bono Burgundiæ Duce ornant scuta sua torque aureo, in quo vellus aureum pendet. Equites Galli (qui sancti Michaëlis nuncupantur) circumdant arma sua torque aureo, contexto ex conchyliis, in cuius infima parte pendet Imago sancti Michaëlis Archangeli. Angli milites (quos Iareterij ordinis dicimus) ferunt arma circumcincta zonâ cum huiusmodi elogio,

* Guil. Benedict. in sua re. petie c. Raynuius, in verbo, & vxorem nomine Adelasiam, nu. 894. cum duobus seq. ext. de Test.

Hony soit qui mal y pense. Duces Albae ex familia Aluara Toletanaque, & Duces Sueviae ex familia Cordubensi Nobilissimi Hispaniae Reguli armagentilitia tymbrant ornantque variis vexillis; quæ quidem olim ipsorum Maiores de hostibus tanquam trophæa pulcherrima, ceperint abstulerintque. Vulgus autem Nobilium arma tymbrat pro libito, aut arbore, aut flore, aut laqueo Amoris, aut Angelis, aut hominibus syluestribus, aut fæminis puerisque nudis, qui mos Germanis peculiaris est, aut simili aliâ re. Inter litram & zonam in materia ista, hoc interest, quod zona non claudit arma, cingitve omni ex parte; Litra verò omnino cingit, circumdatque. Quæ differentia potissimum consideratur in Turonia regione Galliae, vbi multi Nobiles alterutrâ vtuntur. Antequam hanc partem finiamus, etiam hoc indicatum volumus, quod quæ huc attulimus de Casside & Tymbro, quamuis ex disciplina Heraldica sint verissima: tamē in plerisque locis contra omnem honestatem non seruari, cum impudentissimi plerique etiam obscurissimi, & ignobiles homines, passim sibi licere arbitrentur, tymbris vt, cassidibusque non clausis tantum, sed etiam clathratis siue foricatis, quod tamen signum non dubiæ ingenuæque & potentis Nobili-

Inter litram
& zonā quid
interfuit?

Nobilitatis olim esse solebat. Nunc quum omnia complexi simus, quæ in orationis nostræ initio spondimus, si modò vnum accedat : de eo sanè tempus agendi, & locus videtur, vt hac parte expedita, sermonem terminemus. Arma igitur siue insignia gentilitia sunt, aut ex metallis, aut ex coloribus, aut ex pennis (vt Armoristæ loquuntur.) Duorum autem metallorum præcipuus est in armis vsus. Auri nempe & argenti, quæ quidem figurantur per colores flauum & album, atque hic primum animaduertendum venit, Ne metallum super metallum in armis ponatur, néve color super colorem. Hâc enim ratione ignobilium & obicurosum hominum arma produntur; qui temere nullâ huius disciplinæ habitâ ratione insignia sibi effingunt. Vnicam hæc regula exceptionem patitur in armis Regis Hierosolymitani, quæ ex metallo super metallum non sine efficaci ratione, composita sunt. Hic certè in armis Rex gerit campum argenteum in eoq; crucem auream (vt loquimur) potenciatam, & quatuor alias paruas crucis etiam potenciatas, quæ arma initio non temerè contra normam ficta fuere. Gothofredo enim Bullonio virtute militari Regnum Hierosolymorum adepto, suaserunt Christiani Principes, belli & expeditionis socij, vt in sempiternam tam me-

De metallis
in Armorum
gentilitiorum
disciplinâ.

Arma Regis
Hierosolymitani
contra
normam &
quare?

morandæ victoriæ memoriam, arma assumeret, quæ longè multumque à communi armorum forma, & norma differrent. Hac enim potissimum ratione fieri posse, vt conspiciat quispiam arma tam enormiter & contra disciplinæ Heraldicæ rationem composita, moueretur ad enormitatis illius causam indagandam, & vel sic cognosci, & patefieri posse, mirabilem illam artem, modum & viam, quibus Regnum illud Gothofredus, ceterique Christiani Principes quæsiuissent. Porro, colores in insignibus quatuor præcipuè in vfu sunt: Cœruleus, Rubeus, Viridis, Ater; & de his omnibus coloribus & metallis fit alius color mixtus secundum quosdam, quem illi purpureum vocant: Pennæ verò duæ sunt, herminæ scilicet & vair, siue varium: de quibus singulis agemus infra, vbi de metallis & coloribus egerimus. Dicemus autem de coloribus non quidem vnde cōficiantur aut vnde nascantur; neque enim ista pigmentariis traduntur, sed de Nobilitate, significatione, & natura eorum. Alios colores, quorum in armis nullus est vsus, pictoribus & physicis relinquemus. Arma sanè aliquando ex nudis & simplicibus coloribus, hoc est, ex varietate quorundam colorum conficiuntur; qui mos tamen magis apud Italos quàm alibi vsipiam, quod quidem

De coloribus

De pennis in
Armis.

fciam , obferuatur. Variantur itaque interdum duobus coloribus , & tunc eorum nobilior debet illi parti proximior eſſe , quæ respicit cœlum ; vel ſi in vexillo ad haſtam geratur , debet eſſe ante , id eſt, in ea parte quæ respicit haſtam; ſi in veſte geratur , in ea parte quæ respicit latus dextrum. Aliquando fiunt hæc arma coloribus tantum conſtantia quadripartita , ſiue variantur per quarteria , & tunc nobilior color debet eſſe in quarterio ſuperiori & anteriori : Idem dicendum ſi arma variantur per pallas , tramites perpendiculares , vel bandas , id eſt, tranſuerſos tramites, vel feſſas , id eſt, planos tramites , indubitatum verò eſt metallum metallo colorem colori præſtare , conſideratione ſcilicet & intuitu eius, quod refert aut quod repræſentat, aut prout quiſq; lucidiſſimus eſt, lucivæ magis accedit , à tenebris autē maximè diſtat. Primū de metallis agemus, Auro ſcilicet & Argento, quæ figurantur pingunturve flaua & alba. Aurū * certè in armorum materia primum locum tenet , eſtque metallum nobiliſſimum; luci enim maximè appropinquat, ac à tenebris maximè recedit, ideoque in ſacris etiam literis Soli comparatur , eſtque omnium metallorum pretioſiſſimum & utiliſſimum; ſi enim cum aliis metallis mixtū per ignem

De Auro in Armis.

* Vulgo quæ pretioſa quæ perfectæ & ſuis abſolutæ numeris eſſe ſignificamus, aurea vocitare ſolemus: ſic aurum ſæculum dictum, & me-

P 4 reſol.

diocritatem Horatius lib. 2. carminum ad Licinium auream dixit.

resoluitur, tantum abest ut eo consumatur ut
 vnum ex omnibus metallis nihil de sua nobilitate
 & magnitudine deperdat, neque corroditur,
 neque imminuitur: pondus eius ab actibus, quod
 genus sunt sal, nitrum, acetum, succus ex vuis ma-
 turis expressus, neque infestatur vllâ rubigine, nec
 manus ab auro, si contrectetur, ut à reliquis me-
 tallis sordes capiunt, non est fragile, vnde malleo
 contusum magis quàm aliud metallum dilatatur;
 ideoque artis Heraldianæ periti aiunt, aurum in
 armis significare generositatem, fortitudinem, in-
 nocentiam, bonam voluntatem, nobilitatem, po-
 tentiam, iustitiam, solatium, sapientiam, fide-
 litatem, item alias multas virtutes quas declarat
 Gulielmus Benedicti^o; inter Planetas autem assi-
 milatur Soli, inter lapides preciosos Topazio, aut
 secundum alios Carbunculo, inter ætates Adole-
 scentia^e, inter quatuor elementa igni, inter dies
 Hebdomadis Dominicae, inter duodecim signa
 Zodiaci Arieti, Leoni & Sagittario. Et propter
 tantam auri nobilitatem, & excellentiam, nulli
 licitum est aureas vestes portare præterquam Prin-
 cipi, & iis, quibus hoc propter Imperiale mini-
 sterium concessum est. Item eximij nominis lu-
 risconsultis qui gloriose in Academiis Iura ciuilia
 interpretantur.

Ad d.c. Ray-
 nutius, in ver-
 bo, Duas ha-
 bens filias, à
 Numer. 100.
 vsque ad Nu-
 mer. 107. de
 Testam.

Multi enim
 longū æuū
 affectantes il-
 ludque sem-
 per propemo-
 dum æquē vi-
 ride, aurum
 distillarum
 bibunt utque
 vires augeant
 animales &

cōr, ut loquuntur confortent & exhilarent; aurum inter capones decoqui iubent.

interpretantur. Sic D. Iafon Maynus ¹ patritius Mediolanensis, Iurifconsultus patrum nostrorum ætate in Italia summæ famæ, in aurea veste conspectus fuit Papæ in Scholis, quum Ludouico XII. Gallorum Rege Genua subacta de Liguribus triumphante, quinque Cardinalibus & centum proceribus subcellia honoris causa implentibus, docuit dignitatem equestrem ob spectatum in acie facinus, de manu Regis traditam accendendæ virtutis ergò, ad posteros manare. Pessimè igitur tractant nobilissimum hoc metallum mercatores quidam, atque alij ex infima Nobilitate, qui contra illius maiestatem & leges vestiarias, vestes induunt, non tantùm ob aurum intextum, vel ob auratas paragandas graues, sed totas ex auro obrizo^r. Scio etiam ad vilissimos vsus sæpe adco-

q L. 2. c. de vestib. olob. & auratis, Horatius xi. in arte Poetica aurū ostrū regale vocat his versibus:

Ne quicumque Deus quicumque adhibebitur heros,

Regali conspectus in auro nuper ostro.

Migret in obscuras humilis sermone tabernas.

Hic adde quod ipsa diuina maiestas plurimo auro coli voluerit

Q modatum

sicut adparet ex veteris instrumenti libris. Plurima enim ornamento templi Salomonis aurea fuere in sanctis sanctorum: aureum erat thuribulum, arca testamenti circumcincta ex omni parte auro in qua erat vna aurea, habens manna, & tabulæ testamenti & Virga Aaron quæ fronderat.

Rex Romanorum secundum scribentes triplici corona coronatur. Prima est ferrea quam recipit ab Archiepiscopo Colonienfi Aquiligrani, & significat fortitudinem qua vincere debet rebelles & infideles conculcare. Secunda argentea quam ingressus Italiam recipit à Mediolanensi Archiepiscopo Modetiz eiusdē diocesis, & significat munditiam & claritatem quæ debet esse in Imperatore. Tertia est de puro auro qua coronatur per Papam in Ecclesia sancti Petri ad altare sancti Murticii, & significat ipsum Imperatorem aliis Regibus & Principibus in potentatu & iustitia excellentiorem esse debere instar auri quod metallorum omnium est excellentissimum. Pro hoc singularis glossa in c. Romani §. Porro, de Iureiurando in Clement.

^r Superiori sæculo, Equites vulgò *Canalleri* vocabantur aurea toga, hinc passim videre est in templis Italiz tales picturas.

modatum fuisse aurum & contra naturam suam nobilissimam indignissimis modis tractatum, sed ab iis, quorum alia infamia facinora sine numero referuntur : notum est illud ex Lampridio de Heliogabalo, qui onus ventris auro excipere solebat, idemque in Murthinis & Onychinis lotium reddebat, & iocus Martialis in Bassum,

*Ventris onus misera nec te pudet, excipis auro,
Basse bibis vitro.*

Videmus certè Principes & maximos Reges, ad se inuicem donariorum vice per legatos suos, aureas vestes mittere, eosque ægerrimè ferre (Reginas potissimum) si huiusmodi vestibus inferiores induantur; quod vel vnicum Brugenſium matronarum exemplum ostendit, quæ in grauissimam Franciæ Reginæ indignationem ob huiusmodi causam cum tota Ciuitate inciderunt. De quibus Flandrorum referunt Annales, cum Philippus Pulcher Galliæ Rex, & Ioanna ipsius vxor Regina Nauarræ, capto Guidone à Dampetra Flandriæ Comite, Flandriam omnem (quam iam bello sibi quæsierant) peragrarent, venissentque Brugas, Ciuitatem tunc magnis opibus, & emporio florentem: vidisse fastum ac superbiam in

ca:

ea ciuitate muliebrem (plurimæ enim mulieres in vestibus aureis conspicabantur, illæ autem ferè erant mercatorum vxores) ægerimè Reginam hanc regiam pompam & luxum tulisse, & præ ira quodammodo insaniuisse, quod tot Reginas inuenisset, quum tamen censeret, se solam ibi Reginam & esse, & videri debere. Matronas Brugeses Reginas vocabat illa, quas regio more in aureis vestibus conspexerat. Atque hic fastus tam fuit Reginæ odiosus, vt totam Ciuitatem, non superbas illas mulieres tantum, exosam habuerit, & grauissimis ac infinitis propè incommodis vexari curauerit. Secundum in armis metallum est, Argentum (quod Argyrion Græci vocant) vnde etiam Argyraspidas dicunt eos qui argentata scuta ferunt, sicut & Chryraspidas, qui aurea. Lampridius in Alexandro: Alexander Imperator Romanus non solum fecit Chryraspidas, sed & Argyraspidas; Argentum verò Auctore Plinio, quam aurum militaribus signis fuit familiarius, quod longiùs fulgeat. Certè metallum istud, quod colore albo figuratur, multum laudatur etiam in sacris literis; habetur in Apocalypsi, transumptiuè in c. Si enim, versic. Sin autem, de Pœnit. Dist. 2. habes pauca nomina in Sardis, qui non inquinauerunt vestimenta sua, & ambulabunt mecum in

De Argento
in Armis.

Q 2 albis,

albis, quia digni sunt. Qui vicerit, sic vestietur „
 vestimentis, & non delebo nomen eius de libro „
 vitæ, & confitebor nomen eius coram Patre „
 meo & coram Angelis eius. & rursus in fine: Sua- „
 deo tibi emere à me aurum ignitum probatum, „
 vt locuples fias, & vestimentis albis induaris, vt „
 non adpareat confusio nuditatis tuæ. & Apocal. „
 7. Vidi turbam magnam quam dinumerare ne „
 mo poterat, ex omnibus gentibus, & tribubus, & „
 populis, & linguis, stantes ante thronum & in „
 conspectu agni amicti stolis albis. & Matthæi. 17. „
 Marci 9. Lucæ 9. refertur quod in transfiguratione „
 Domini resplenduit facies eius sicut Sol, ve- „
 stimenta autem eius facta sunt alba velut nix; & „
 aliis præterea infinitis locis laudatur hic color, si- „
 ue metallum, quod quidem inter Planetas com- „
 paramus Lunæ, inter lapides preciosos vnionibus, „
 conchis, margaritis exaluminatis, hoc est, perlis, „
 inter ætates hominis infantia, inter dies Hebdo- „
 madis significat diem Lunæ (sicut aurum diem „
 Dominicum siue Solis) inter temperaturas siue „
 complexionem humanas comparatur phlegma- „
 tica siue pituitosa, inter elementa Aquæ, in- „
 ter signa Zodiaci, Cancro, Scorpio, & Pesci- „
 bus, inter virtutes etiam innocentia & puritati „
 comparatur. Nam solus hic color inter alios sin- „
 cerus,

, Significat
 insuper &
 alias virtutes,
 humilitatem
 scilicet & for-
 mositatem.

cerus, candidus, purus, est & minimè coinquinatus. Ideò Christus in resurrectione apparuit in vestimentis albis vt nix, tanquam purissimus, & innocentissimus. Hodie apud Italos Virgines desponsatæ albis tunicis togisque vti solent ad integrum pudorem ostendendum. Ea quoque pars *πανδεκτων* Iuris nostri (quam vulgò Digestum vetus vocamus) propter simplicitatem & puritatem veteris Iuris, quod in ea tractatur, de omnibus scilicet contractibus & vsu iudiciorum, à Iure gentium introductis, solebat antiquitus albâ pelle vestiri. Significat etiam argentum hilaritatem. Ideoque olim apud Romanos, conuiuatores albatî erant, id est, albâ veste vestiti*. Cicero in Vatinius. Cùm ipse Q. Archius epuli Dominus albus esset. Denotat quoque victoriam, unde triumphantes vestiebantur vestimentis albis, eorumque currus equis albis trahebantur, & Sancti qui per fidem vicerunt, visi fuere à Ioanne stantes ante thronum in conspectu Agni amicti stolis albis. Atque hæc sufficiat dixisse de metal-

* Antiqui etiam Romani festos dies & natalitia albatî celebrabāt. Ovidius lib. 3. tristium Eleg. 13.

Scilicet expectas solitum tibi moris honorem.

Pendant ex humeris vestis ut alba meis.

Q 3

lis.

Idem libro 5. Trist. Eleg. 5.

*Quaque semel toto vestis mihi sumitur anno.
Sumatur fasces decolor alba mei.*

Dominica in albis, quam Ecclesia Christiana celebrat statim à Paschate, hinc dicta est, quod catechumeni baptizandi alba veste induerentur.

De coloribus
quorum usus
est in armis.

.Color rubeus
sive purpu-
reus.

lis. Sequuntur colores qui metalla non sunt, inter quos alij cœruleum, alij Rubeum primo loco constituunt. Nos Bartholom sequuti & plerisque Armoristas, Rubeum primo loco locabimus, quem etiam purpureum, cum eodem Bartholo vocabimus. Hic sane color, qualis sit, maximè indicat animantium sanguis, & quo lana inficitur coccus, granum id Itali vocant, unde vestis est coccina, nulli ignota; ostentat tamen præ ceteris rubeum colorem liquor purpuræ, cuius adeò gratus est color, ut si quid sit, quod paululum habeat ruboris, modò visui illud arrideat, & iucundum sit, plerumque purpureum dicatur; ut sunt violæ & varia florum genera. Fuit purpureus color olim in vestimentis laudatissimus: cuius auctorem fuisse Herculem in libro de verbis idoneis ad Commodum Imperatorem primo scripsit Iulius Pollux, quam fabellam perquam lepidam sic refert. Tyrij ferunt (inquit ille) Herculem captum amore Nymphæ indigenæ (quæ Tyrus vocabatur) quem sequebatur canis antiquo more. Noliti enim quòd simul cum heroibus canes in concionem ingrederentur, quare canis hic Herculeus irreptantem scopulo purpuram conspiciens ipsius prominentem carunculam mordicus arripuit, & pro cibo usus est, cruorque labra canis colore puniceo

niceo siue Phœniceo infecit. Cùm igitur puellam Hercules adiisset, ipsa conspicata, canis labra in-
sueti colore infecta, negauit sibi quicquam post-
hac cum illo fore, nisi ad se vestem adferret, et-
iam canis illius labris splendidiorẽ & speciosio-
rem, saltem similem. Quocirca inuenta Hercu-
les animante, collectoquẽ sanguine munus puel-
læ detulit, primus, vt Tyrij dictitant auctor pu-
nicæ infecturæ, siue purpurei coloris. Hoc co-
lore tinctas vestes Imperatores Romani priuatis
interdixerunt ". Erat certè purpura in signe Ro-
manorum Magistratuum, quod innuit Martialis,
dicens:

Diuisit nostras purpura vestra togas.

Constatquẽ Romanos veteres purpureas clamy-
des, trabeas, & togas pro muneribus misisse Re-
gibus & amicis, & purpureâ veste Christum in-
dutum à Iudeis, vt eum per derisionem Regem
indicarent. Scripsit in Fabio Plutarchus signum
prælij committendi Romanis Imperatoribus fuisse
tunicam purpuream extensam super prætorium;
Lacedæmonij etiam in præliis, vsi fuere veste,
quam purpuram vocabant, quæ cùm sanguini
concolor esset, vulneratos fallebat, si sanguis per
eam diffunderet, & ita sanguinis aspectus metum

" L. 2. 4 5. c.
de vestibus
Oloberis lib.
xi. item &
Tit. quæ res
vendi non
possunt, libri
4. Cod.

Q 4. cis

eis non incutiebat. Hunc colorem rursus comparamus inter elementa quidem igni, qui est nobilissimum elementum & corpus post Solem maximè luminosum, inter humanas temperaturas secundum nonnullos sanguineæ, secundum alios cholericæ sanguineæ, inter signa Zodiaci, Arieti, Leoni & Sagittario, inter Planetas Marti, inter lapides preciosos illi quem Galli (*Rubis*) vocant, inter dies Septimanæ Sabbatho, inter virtutes æquiparatur Audaciæ & magnanimitati*. Vetères idcirco Græci, alterum Homeri Opus (quod *Ilias* dicitur) propter fortitudinem rerum ibi gestarum & memoratarum, & propter cædes de quibus Poëta loquitur, colore pingebant sanguineo: sicut Odyssæam ubi idem Poëta describit Vlyssis maritimos errores, membrana contegebant cœrulea. Significat etiam iustitiam illam distributivam, quæ in plectendis reis consistit. Hinc etiam veteres Digestum novum (quod tractat de criminibus, delictis & eorum pœnis) rubeâ & sanguinolentâ veste induebant. Coloris rubei multæ sunt species, & rubeus color generale nomen est, ad omnia quæ quomodolibet rubent. Post purpureum in hoc genere omnium iucundissimus est color roseus, atque humano corpori si id formosum est, quàm simillimus; Itaque os, ceruicem, Papillas,

* Denotat etiam purpureus color legitimitatem. Hinc est quod patritij Veneti purpura & cœco culti. Ducis mortui funus comitentur, quod datur intelligi in quantumvis optimi Principis funere civitatē quæ libera est in luctu esse non oportere Sabellicus libro 2. Decadis 4.

Papillas, digitos roseos Poëtæ dicunt, id est, candidos rubore sanguinis penitus diffuso cum venustate, isque color propriè est (quem Itali incarnatum vocant.) Refert enim maximè omnium pueri nitorem ac virginis, non quidem rosam Milesiam, quæ nimis purpurea ardere quodammodo videtur, nec rursus albam, sed quæ utrimque decorem accepit, & quia corpus hominis imitatur, quod Italorum lingua vernacula carnem appellat eadem id genus rosarum incarnatum nominavit. A Phœnicibus color Phœniceus, Puniceus quoque dictus, flagrat velut viola flammæ, atque ita à multis olim purpura vocata fuit violacea. Color hic in equo maximè laudatur, qui modò spadiceus, baius modò, badius etiam, & balius variis nominibus vocatus fuit. Termites enim palmarum cum fructu, spadices & baia Græci vocant; vnde equus ab equisonibus appellatur baius. Cæruleus color rubeum proximè sequitur, quo quidem nisi natura ipsa maximè gauderet, nunquam profectò Deorum hoc domicilium

De colore
Cæruleo.

Continuo circum complexu cuncta coercens
specie tam lætâ vniuersum exhilarasset. Cæruleus igitur color dictus quasi cœluleus (ut ex voce ipsa apparet) propriè est color Cæli, sed sereni, id quod

R Ennius

Ennius respiciens Coeli inquit coerulea templa, atque inde mare appellatur coeruleum : refert enim illud eundem, quem ab ipso supernè accipit, colorem. Hunc colorem Galli in insignibus Azurum vocant, & Græcorum quidam Luzurion dixerunt, de cuius excellentia multa scripsit Ioannes Ludouicus Viualdus in suo tractatu de pugna animæ sensitivæ *, qui cum Gulielmo Benedicto Azurium post aurum & argentum proximè constituit. Per hunc colorem significatur aër, qui est corpus transparens, & diaphanum maximè, receptivum lucis, elementorum post ignem nobilissimum. Comparatur autem inter Planetas Veneri, secundum alios Ioui; inter signa Zodiaci, Geminis, Libræ, Aquario; inter lapillos preciosos Sapphiro, qui multas præstantissimas habet energias ^b; inter virtutes denotat Castitatem, Humilitatem, Sanctitatem & deuotionem, sed & laudem & pulchritudinem : inter elementa significat aërem; inter dies septimanæ diem Veneris. Solebant Persarum Reges hoc colore vestiri, sicut adparet ex historia Mardochæi ab Assuero Rege honorati in libro Hester, & hodie hoc colore apud Turcharum Principes, & Turcicam nobilitatem

* Art. de laudibus ac triumpphis triū Li-
brorum Fran-
ciz q. 1. &
Guil. Bened.
ad c. Raynut.
in verbo, duas
habens filias,
num. cxiii.
vsque ad Nu.
cxiiii.
^b De quibus
vide Guil. Be-
ned. D. Rep.
Num. cxiii.
& cxv. Vbi
hoc quoque
notandum vi-
detur quod
D. Ioannes in
sua Apocaly-
psi scripsit de
sancta ciuitate,
cuius ci-
uitatis muri
fundamenta
dicit esse om-
ni lapide pre-
tioso ornata,
in quem locū scribens Primasus sic ait, istis similitudinibus lapidum omnium signifi-
cantur decora & firmamenta virtutum quibus vnusquisq. sanctorum spiritualiter peror-
nat.

litem nihil est frequentius. Ad hunc colorem refertur cæsius, sed ut doctissimi quidam viri monumentis olim tradiderunt, oculos tantum cæsius veteres dixerunt, quibus inesset fulgor quidam visu horrendus; differt autem sine dubio à cœruleo etiam diphtongo. Differentia maximè M. Tullij Ciceronis auctoritate confirmatur, cuius hæc sunt verba libro primo de natura Deorum *Cæsius oculos Minervæ, cœruleos esse Neptuni*. Vnde opinantur sicut Cæsar & Cæso dicuntur à cædendo, ita etiam cæsium à cæde nominatum esse: ut qui cæsius sit, cædem quodammodo oculis minari videatur. qualibus prælio gaudens & cæde dicitur fuisse Minerva, ex quo illa ab antiquo vocata fuerit cæsia; significat hoc M. Cicero, ubi de Catilina ait: *Notat & designat oculis ad cædem unumquemque nostrum*. quem Salustius scribit, fœdos oculos, id est, cæsius habuisse, quales etiam Neronis oculos fuisse accepimus. Sed si quis Leonum oculos inspexerit, is hunc colorem optimè cognoverit. Dicitur hic color à Græcis glaucus, sed latius patet quàm cæsius, nam ad alias etiam res quàm ad oculos refertur, quum & Ulua & Salix glaucæ dicantur, & Virgilius equos glaucos vocavit (quos Itali vocant Baios.) Sequitur color viridis quem tamen aliqui post atrum ponunt.

De Colore
viridi.

R 2 Hunc

Hunc Galli *Sinople* vocant, qui quidem in armis non est vsque adeo frequens, licet plerumque signa, quæ dicuntur *Besani*, sint viridia: qualis sit hic color suppeditat exemplum herbarum multitudo, quarum in ipso virore tanta est tamq; varia viriditas, vt cum illa sit infinita, nulla tamen æquè atque ex iis aliqua prorsus vireat, sed omnes inter se discolores videantur. Egregius inter colores, qui virent, prasinus multorum carminibus collaudatus, nunc viride porrum ab infectoribus vocatur. Ex auib; autem insignis est hoc colore psittacus, auis inde à quibusdam viridis appellata. Color hic viridis in oculis apud antiquos Græcos pro pulcherrimo habebatur, cum Romani nigros magis laudarent, & Germani cœruleos. Non comparatur viridis color alicui ex quatuor elementis, sed solum significat arbores, plantas, campos, prata, herbasque virentes. Inter planetas compatatur Mercurio, inter Lappillos Smaragdo, visu iucundissimo, quoniam nihil omnino illo viret viridius; ille solus gemmarum implet oculos, nec fatiat, quin etiam fessâ alia intentione acies oculorum, visu smaragdi recreatur. Significat etiam iste color inter metalla argentum viuum, ex quo fit color viridis; inter ætates iuuentutem. Indicat item honorem, obsequium, ac spem,

a Inter dies Hebdomadis diei Mercurij, inter metalla argentum Viuum vnde conficitur viride, siue viridis color.

speciem, unde morem observant Galli amicas pro-
cantes, ut incunte & adulto vere quum frondent
Sylvarum, virent prata, cæteraque omnia, & for-
mosissimus annus de formosis Nymphis & ami-
cis bene sperare iubet, viridi vestium synthesisi se-
se induant & ornent, vel eo modo innuentes, se
de potius amica certò sperare^d. Colorum in
armis infimus ignobilissimusque, Ater existima-
tur (quem Galli sablium vocant) ideo certè quod
tenebris proximus, & à luce maximè recedat.
Diximus autem, colorem, quo magis luci accè-
deret, nobiliorem videri, quod & Aristoteli, li-
bro de Sensu & Sensato, placuisse video. Quam-
vis non desint, qui arbitrentur hunc colorem ho-
nestiore loco ponendum, atque adeo inter alios
primas obtinere, cæterisque propter potentiam
suam, & effectum, laudabiliorem, & nobilio-
rem, censendum. Siquidem in nullum alium co-
lorem hic ater transmutari potest, sed ipse potius
omnes mutat, opprimit, & extinguit; verum hæc
illi Philosophicè. Nos cum Heraldis, ultimum
locum ei dare volumus quod luci maximè (ut
diximus) aduersetur, sitque horribilis, velut an-
thrax, id est, carbo: nam propriè est prunæ ex-
tinctæ, id est, carbonis. Unde scitissimè Te-
rentianus Demea de Ctesiphonis filij amica,

^d Viror speciem
significat, de
qua re vide
omnino em-
blema Lau-
rentij Medi-
cei.

De colore
atro in armis.

R 3 Denique

Denique ipso meridie faciam, ut stipulam colligat, Tam excoctam atque atram reddam quam carbo est. Sanguis præterea caloris atque coloris ignei particeps effusus ac frigidatus amisso rubore tanquam in carbonem mutatus, ater ab omnibus vocatur. Ad hunc colorem referimus colores fuscum, furnum, liuidum, ferrugineum, pressum, aquilium, pullum quem colorem terram omnino ostendit, quæ cum mortuis iniiceretur, voluerunt veteres Romani, ut qui lugerent, pullis pallis terræ similibus essent amicti, vestëve atrâ induerentur, quamvis apud eisdem Matronæ funera comitarentur in veste alba tanquam recens mortui, quem efferebant colorem referentes, & in Græcia mulieres in veste coloris Indici, quæ cœrulei species est, amicorum funera sequebantur, quorum in Cœlum (quod hoc est colore) animas migrasse existimabant. Certè hodie per totam propemodum Europam mos observatur, ut lugentes veste atrâ induantur. Maiores etiam nostri eam Digestorum partem quam vulgus Infortiatum vocavit atrâ solebant pelle vestire, quod ea complecteretur materiam testamentariam, tractatumque de rebus hæreditariis bonisve defunctorum. Significat autem hic color simplicitatem, & dolorem, inde etiam illud locutionis genus

* Genero w.
de his qui
not. infamia
iunct. gloss.
fui. l. decreto
c. eodem.

nus emanauit, vt dies tristes & luctificos, atros vocemus, qui in fastis Romanorum carbonibus signabantur, vt contra dies læti scrupis gypseis siue albis lapillis: vnde Horatius,

..... Cretâ an Carbone notâ di.

Denotat item hic color prudentiam & luctum. Porro, inter planetas comparatur Saturno, inter complexiones Melancholiæ, inter ætates decrepitæ, inter metalla ferro, inter lapides preciosos Adamanti, inter dies Septimanæ diei Martis, inter Elementa terræ, inter signa Zodiaci, Tauro, Virgini & Capricorno. Cæterum qui omnibus supradictis coloribus adiecerunt Purpuram, eandem à rubeo colore distinguentes, dixerunt eam ex sex supradictis coloribus scilicet & metallis æquis ex omnibus sumptis portionibus, conflare: ideoque esse omnium colorum ignobilissimum, cum ex aliis compositus ab iisdem omnem suam virtutem emendicet. Alij dixerunt purpuram, quam vltimo loco posuere, ex coloribus cœruleo & violaceo compositam, & significare in armorum materia temperantiam, liberalitatem quoque, abundantiam & diuitias. Porro comparant purpuram Ioui, stanno siue plumbo, rubro, & nu-

R 4 bibus

De duabus
pennis.

bibus. De duabus autem pennis (vt Heraldicis verbis vtamur) vna dicta est Vair, hoc est, varium, altera Herminæ; Varium verò ex cœruleo constat & argenteo. Herminæ verò ex albo & nigro, ita tamen vt magis de albo seu argenteo, quàm de nigro participant. Blasonando verò non ita loquimur, Talis Dominus arma gerit siue scutum gestat, ex Herminis argenteis, & atris, sed simpliciter ex Herminis, & ita de Vario. Quod quidem ita accipiendum est, nisi fortè Herminæ ipsæ, vel Varium constent aliis coloribus; tunc enim colores exprimendi sunt, & si ponatur puta banda, fessa, cheuronum, aut aliud huiusce modi, debet illud quoque nominari secundum suos colores. Et dicunt Heraldici non posse super pennas poni metalla, sed tantùm colores; De coloribus autem ac eorum significatione lepidissimum extat Andreæ Alciati Iurisconsulti Epigramma, quod inter emblemata eius: legitur autem istiusmodi.

Index mœstitiæ est pullus color : vtimur omnes

Hoc habitu, tumulis cum damus inferias.

At sinceri animi, & mentis stola candida pura

Hinc syndon sacris linea grata viris.

Nos sperare docet viridis. Spes dicitur esse

In viridi, quoties irrita retro cadit.

Est

*Est cupidus flauus color, est & amantibus aptus
 Et scortis, & queis spes sua certa fuit.
 At ruber armatos equites exornat amictus
 Indicet & puero erubuisse, pudor.
 Cœruleus nautas, & qui cœlestia vates
 Attoniti nimia religione petunt,
 Vilia sunt giluis natiuaq; velleræ Birris
 Qualia lignipedes stragula habere solent.
 Quem cura ingentes cruciant, vel zelus amoris:
 Creditur hic fuluâ non malè veste tegi.
 Quisquis sorte suâ contentus, ianthina gestet,
 Fortuna æquanimis tædia quiq; ferat.
 Vt varia est Natura coloribus in gignendis,
 Sic aliis aliud: sed sua cuiq; placent.*

Videor mihi non ineptè facturus, si disputationem istam hisce versibus clausero & certè si longius excurro, vereor ne aliquo tanquam interdicto finiumve regundorum iudicio, vel denique veluti aliquâ noui operis nuntiatione, nos Heraldus quispiam impediat. Ad eos enim qui Herald-

De Heraldorum officio.

di vocantur, tota hæc doctrina pertinet. Hi verò olim instituti fuere, vt essent quodammodo Patritiarum nobiliumque familiarum nomenclatores, quiq; exactissimè scirent, quibus metallis & coloribus figurisque singularum familiarum

S Nobilium

Nobilium arma essent insignita, & ornata, quomodo diuisa & partita, erantq; iidem velut ignobilis vulgi censores, quod arcebant prohibebantque, ne temerè se Nobilium familiis immisceret, nève Nobilium arma assumeret. Sciebant hi omnium optimè, de coloribus & tota hac disciplina, iudicare, quid ex arte, quid contra eam esset, Nobilium denique arma ab ignobilium armis discernere. Quæ sanè Heraldorum disciplina superioribus ætatibus multis in Regnis, Gallia præcipuè religiosissimè obseruata, nunc vbiq; ferè gentium magno ingenuæ Nobilitatis malo collapsa videtur. Quò minus mirum videri debet me Iuris ciuilis studiosum de iis quæ ad hanc artem pertinerent ausum fuisse proloqui, atq; extra professionis meæ cancellos progressum alienam syluam cæcidisse, fontesque alienos quodammodo transuertisse, & in alieno seminare: Putabam hæc multa de emblematum, quæ Itali impressas vocant, natura (quod cum armis magnam affinitatem haberent) interfere: verum pro coronide hoc tantum dicam, & perfunctoriè quidem; Aliam esse emblematum, aliam armorum siue insignium rationem. Nam hæc gentilitia ideo dicuntur, quod gentem & familiam sequantur. Quilibet verò de familia emblemata habere solet peculiare.

De Emblematis.

peculiare. Capit enim qui emblemata assumit pro singulari suo affectu Iconem aliquam, Iconique symbolum aliquod, id est, sententiam brevissimam siue apophthegma (quod plerumque tantummodo verba complectatur) adpingit, quod ad Iconis scopum spectet & significationem, fit autem non raro, ut huiusmodi emblemata etiam in arma transeant, sicut supra diximus de armis Archiepiscoporum Moguntinensium, sed & vulgus hodie illa corruptè & καταχρησικῶς sapissimè vocat arma, quod Nobiles passim ea ad virtutem excitandam non secus ac arma, in peltris, ancilibus, scutis, domesticis parietibus, annulis, peristromatis, vestimentis, supellectili denique omni & nusquam non inscribant impingantque ut semper ob oculos obseruentur. Emblemata notæ obscuriores sunt, quàm armorum; hæ enim statim apertæ sunt & intelligibiles. Est certè τὸ ἐμβάλλεσθαι iniicere ac proponere aliquid obscurius, quod explicationem atque cogitationem requirat. Sunt igitur emblemata recta, arguta, iucunda, & variè significantia simulachra quæ κατὰ πάρεργον operibus, pro ratione materiæ locique, & ornamenti ac varietatis gratiâ ad virtutem alendam inseruntur. Hæc sunt, Illustrissi-

f Prout vide-
re est in ope-
re singulari
quod ea de re
Iacobus Ty-
potius ex mu-
sæo Octauij
de Strada,
sculpsit Æ-
gidio de Sa-
deleer edidit
Pragæ 1601.

S. 2. me

140 DE NOBIL. DISSERTAT.
me Marchio, quæ in vestræ potissimum Excel-
lentiæ gratiam ac Nobilitatis præsertim patriæ bo-
num, honorem ac gloriam pro nostro in eam
singulari adfectu & obseruantia publicæ luci per-
mittenda esse existimaui, Æqui, bonique Con-
sule.

FINIS.





43